

# NOTAGANAGAXI ANE IDÍ MATEUS

Jesus eledi enidite Mateus nigijo maleekoka iolatedicoace nigijoa dooze goneleegiwadi modiotibece. Jesus maleedaga eniditeta, Mateus libakedi me dibatibigege dinyeelo anoyajigota ninionigi-eliodi romaanotedi, idaagida me judeu. Odaa joanigidaa leegodi me nelegedi eletidi judeutedi. Mateus eledi oyatigi me Levi. (Awinteloco miditaga Mateus 9.9; Marcos 2.14).

Mateus me idí nağadi notaganagaxi didikotibige noiigi judeu me ikeetiogi mewi Jesus nigijaagijoa nigicoa ane niige Aneotedogoji me Gonewikatitogodi. Elioditibece me yalagatalo Aneotedogoji ane lotaga miditaga liwai oxiigodi Aneotedogoji lotaganagaxi ane yalagata Jesus, midiwataga notaganagaxiidi ane iditedini Moisés, maditaga lotaganagaxi enaco, codaa midiwataga notaganagaxiidi anoidí nigijo anoyelagoditedibece lowooko Aneotedogoji.

Mateus iditedini liigaxinaganegeco Jesus anenegegi ida ane jaogate. Liigaxinaganegeco Jesus ane yalagata:

- (1) Ane leeditibige me ee lewiga nigina oko Aneotedogoji baanaga iige laalegenali, codaa nigica ane yajigotediogi Aneotedogoji.
- (2) Nigica ane iigete Jesus nigijo anodiotibece mowo nigijo me imonya moyelagoditedibece nibodicetedi anele aneetece Jesus, codaa me iige moicilatidi eelotaginadi.
- (3) Natematiko Jesus anida ane iciaceeketetege me godiigaxi.
- (4) Liigaxinaganegeco Jesus anoyalagata gela loiigi Aneotedogoji.
- (5) Liigaxinaganegeco Jesus anoyalagata nigicoa owidijedi nokododi, codaa nigica anodaagee nige dopitedijo.

Mateus eledi yalagata lanikegi Jesus, codaa me loenataka anoikee anijoa. Eledi yalagata anodaagee nelogododipi nogoyakadi moyeloadi, codaa eledi yatemati nigica anodaagee naga yewigatace.

---

## Ica jotigide laamipi Jesus Cristo

*(Lucas 3.23-38)*

**1** <sup>1</sup>Nigidi noiigi joanigidiaa jotigide laamipi Jesus Cristo. Jesus ida aneetetege licogegi Davi, ane licogegi Abraão.

<sup>2</sup>Abraão jigijaa eliodi Isaque,  
Isaque jigijaa eliodi Jacó.

Jacó jigijaa eliodi Judá ijaa nioxoadipi Judá.

3 Judá ijaa itoataale lionigipi goneleegiwadi, onijoteci liboonagadi

Peres ijaageledi Zera, ajaa eliодо Tamar.

Peres jigijaa eliodi Esrom,

Esrom jigijaa eliodi Arão.

4 Arão jigijaa eliodi Aminadabe,

Aminadabe jigijaa ane eliodi Nasam.

Nasam jigijaa eliodi Salmom.

5 Salmom jigijaa eliodi Boaz, Boaz eliодо liboonagadi Raabe.

Boaz jigijaa eliodi Jessé.

6 Jessé jigijaa eliodi Davi, Davi anijo me inionigi-eliodi.

Davi eliodi Salomão, eliодо Salomão naçajo anijo me lodawa Urias.

7 Salomão jigijaa eliodi Roboão,

Roboão jigijaa eliodi Abias,

Abias jigijaa eliodi Asa.

8 Asa jigijaa eliodi Josafá,

Josafá jigijaa eliodi Jorão,

Jorão jigijaa eliodi Uzias.

9 Uzias jigijaa eliodi Jotão,

Jotão jigijaa eliodi Acáz,

Acáz jigijaa eliodi Ezequias.

10 Ezequias jigijaa eliodi Manassés,

Manassés jigijaa eliodi Amom,

Amom jigijaa eliodi Josias.

11 Josias jigijaa eliodi Jeconias ijaagijo nioxoadipi. Nigijjo malee yewiça

Josias, oдаa nigijjo laxakawepodi loiigi Israel jogoyadeegi loiigi

Israel digoida niigotedi Babilônia midiaaçi me niwilogojedipi.

12 Nigijjo noiigi nogoyadeegiticogi Babilônia,

odaа Jeconias jigijaa eliodi Salatiel,

Salatiel jigijaa eliodi Zorobabel.

13 Zorobabel jigijaa eliodi Abiúde,

Abiúde jigijaa eliodi Eliaquim,

Eliaquim jigijaa eliodi Azor.

14 Azor jigijaa eliodi Sadoque,

Sadoque jigijaa eliodi Aquim,

Aquim jigijaa eliodi Eliúde.

15 Eliúde jigijaa eliodi Eleazar,

Eleazar jigijaa eliodi Matã,

Matã jigijaa eliodi Jacó.

16 Jacó jigijaa eliodi José,

José jigijaa lodawa Maria.

Maria jagajaa eliido Jesus, ane liboonagadi Cristo.

<sup>17</sup>Jigidaagee jigijoa catooze noiigi ixomagatijo anida aneetege licogegi Abraão negepaagicota Davi, odaa idaagee ijoa catooze noiigi ixomagatijo anida aneetege licogegi Davi negepaagicota Jeconias anoyadeegiticogi Babilônia. Idaagee ijoa catooze noiigi ixomagatijo anida aneetege licogegi Jeconias negepaagicota José, nigijo lodawa Maria eliido Jesus.

### Lanikegi Jesus

(Lucas 2.1-7)

<sup>18</sup>Jigidaagee negenitidini Jesus. Maria, ane eliido Jesus, eka doletibige me lodawa ica José. Pida anaga lodawa nigipilege, codaa Maria anigica daga nadi goneleegiwa. Pida Liwigo Aneotedogoji eo me ipilege. <sup>19</sup>José, nigijo ane doletibige me lodawa Maria, goneleegiwa ane igenaga, codaa mele. Ja domaga lowoogo me ika Maria, pida adomaga yemaa me ibolikatidi Maria lodoe nigidi noiigi. Joanigidaa leegodi me domaga lowoogo me ika Maria me digica ane yowoogodi nigica oko. <sup>20</sup>Nigijo naga lowoogo me dagadiaa lodawa Maria, odaa ja dige. Igee ica niaanjo Aneotedogoji me dinikeeta. Odaa oneeta, “José, anida anenitege licogegi Davi, jinaga domaga adoitta me gadodawa Maria. Igaataga Liwigo Aneotedogoji aneo nigaanigi catiwedi Maria le. <sup>21</sup>Odaa Maria dinigajetece nigaanigawaanigi, odaa awii me liboonagadi Jesus, leegodi jigijaa napitagadi loiigi libeyacegeco.”

<sup>22</sup>Odaa jigidaagee nigica niciagi eo me icotece nigijoa lotaga nigijo ane yelogoditedibece lowooko Aneotedogoji nigijo jotigide, nigijo naga yalagata aneeteta Goniotagodi, mee, <sup>23</sup>“Digawini! Ani awicije anicota me ipilege, pida anigica me nadi goneleegiwa. Odaa jigidi lionigi, odaa jogowo me liboonagadi ‘Emanuel.’” “Emanuel” nigina anejinaga iniwa “Aneotedogoji mokotaga”.

<sup>24</sup>Naga nioodi José, odaa jegeo nigijo niaanjo Aneotedogoji ane iigeta meo. Odaa José ja lodawa Maria. <sup>25</sup>Pida anigica daga loomatewa Maria negepaa dinigajetece odoejegi lionigi. Odaa José jegeo me liboonagadi Jesus.

### Icoa icogaga anicogoticogi ane icogotigi nigoi

**2** <sup>1</sup>Jesus lanikadi aca nigotaga Belém ane nipodigi Judéia, nigijo me inionigi-eliodi Herodes. Nigijoa nokododi icoa goneleegiwadi ane libakedi moigoaditalo yotetidedi oicogoticogi nigoi, igotibeci nigotaga Jerusalém. <sup>2</sup>Odaa ja nigikanaga, modi, “Igame digetigi ica nigaanigawaanigi ane icota me ninionigi-eliodi judeutedi? Jowoogotaga negenitini, igaataga jinataga ajo notedi digoida nigoi. Odaa janagaga me jogeegata.”

<sup>3</sup>Naga wajipatalo Herodes lotaga nigijoa goneleegiwadi, odaa eliodi me dogowikomata, codaa eliodi okotigi nigotaga Jerusalém eledi nogowikomataaga. <sup>4</sup>Odaa ja yatecogotee nigijo anoiige sacerdotidedi, ijaa niigaxinaganadi anodiigaxinagatece lajoinaganegeco Moisés. Odaa Herodes ja


nigetiniwace ica ane lanikadi icoa Cristo, nigijoa Aneotedogoji ane niige meote me godewigatace. <sup>5</sup>Odaa jogoigidi, modita, “Lanikadi Belém nipodigi Judéia, leegodi mee anigepidigijjo nigijjo anoyelogoditedibece Aneotedogoji lowooko,

<sup>6</sup> ‘Akaami Belém nipodigi Judéia,

akamagakaami akaami gonege liwigotigi eletidi nigotadi Judéia.

Igaataga digoina makaamitaga lanikadi nigica ane icota me lacilo, ane dowediteloco yoiigi Israel micataga nowienogodi waxacocoli.”

<sup>7</sup>Odaa Herodes jegeniditiogi ica anokegipi anoicogotigoci nigoi igo dakapetege me digica ane yowoogodi. Odaa ja nigetiniwace nigica noko noگونadi nagaca yotedi ane nodi. <sup>8</sup>Odaa nigidiaagidi ja imonyatibigiwaji migotibeci nigotaga Belém, meetiogi, “Emiitiwaji, odaa oleetibige mowoogoti ane digetigi nigica nigaanigawaanigi. Nigakati, odaa awii yeemidi, amaleegaga jakadi magaga ejigo jogeteta.”



(Mateus 2.8-10)

<sup>9</sup>Nogowajipatalo lotaga nigini inionigi-eliodi, odaa jogopitibeci nigijoa anokaga. Egidaa diiticogi me wiajeega, odaa jogonadi ajaagajo nagajo yotedi anonadi digetege nigoi. Odaa nagajo yotedi jigigo lodoe nigijoa anokaga, odaa ja nicoti ditibigimedi nigijo diimicawaanigi aneitice nigaanigawaanigi. <sup>10</sup>Nogonadi nagajo yotedi ane idei ditibigimedi nigijo diimicawaanigi, odaa eliodi me ninitibigiwaji. <sup>11</sup>Odaa nogodakatiwece nigijo diimicawaanigi, jogonadi nigaanigawaanigi manitaga Maria ane eliodo nigaanigawaanigi. Odaa jogoyamagatedini lokotidi lodoe nigijo nigaanigawaanigi, odaa jogodogeteta. Nigidiaagidi jogoyomoke aca lowoodagaxi anonadeegi, onoga icoa liboonaga anonadeegita nigaanigawaanigi. Odaa jogoyajigo icoa liboonaga, oolo, ica namoko godatobi ane liditege lanigi nigina moyalegi, idaa ica pomaada ane liditece lanigi codaa dakake loojedi. <sup>12</sup>Nigijo naga niotaga, odaa ja nigeega, odaa oigee Aneotedogoji me ibodicaxi me dagadiaagidiaa igotince minitaga Herodes. Odaa jogodioteci eledi naigi mopiticogi niigotedi.

### **José, Maria ijaa lionicawaanigi ialeticogi Egito**

<sup>13</sup>Nigidiaagidi nogopitibeci nigijo anokegipi, José ja igee ica niaanjo Goniotagodi Aneotedogoji me dinikeeta, odaa meeta, “Adabititini, abaata nigaanigawaanigi, aniaa eliodo, ialeticogi niigo Egito! Idiaagoni nigepaa jao gadeemidi nige yakadi madopilitijo, igaataga Herodes doletibige me yeloadi nigidi nigaanigawaanigi.” <sup>14</sup>Odaa José jigitibigi, ja nibatine nigaanigawaanigi ajaa eliodo, ijaagijo nigijo enoale José jigigo Egito. <sup>15</sup>Odaa jigidiaagi Egito negepaagicota me yeleo Herodes, odaa joanigidaa mewi me icotece ane lotaga Goniotagodi Aneotedogoji, ganigepidigijo nigijo anoyelogoditedibece Aneotedogoji lowooko ane iditedini, “Odaa jiniditalo ionigi me noditicogi Egito.”

### **Herodes diigenatakatiogi monigodi nigaanigipawaanigi**

<sup>16</sup>Naga nadi Herodes moinaale nigijo anokegipi anoicogoticogi nigoi, odaa eliodi me deligide. Odaa ja diigenatakatiogi monigodi iditawece nigaanigipawaanigi anidiwa itoataale nicaagape, ane nigeladimigipitigi Belém, codaa me minoataga inoa nipodaga ane ipegitege nigotaga. Eo nigida loenatagi leegodi yowoogodi negeote itoataale nicaagape nagajo yotedi naga dinikeetiogi nigijo anokegipi. <sup>17</sup>Odaa jigidaagee naga icotece nigijoa Jeremias lotaga, nigijo ane yelogoditibece Aneotedogoji lowooko, nigijo mee,

<sup>18</sup> “Manitaga nigotaga Ramá jajipaagata layaagegegi oko me nacaagagateloco, eliodi me agecagalodipi.

Jagajaa Raquel ane dacaagetibece leegodi lionigipi.

Dacaagetibece, odaa agica ane yakadi me yocaganeege leegodi iditawece ja nigo.”

### José ja dopi me icogeticogi Egito

<sup>19</sup>Nigidiaagidi Herodes naga yeleo, odaa José ja dige digoida Egito. Igee ica niaanjo Goniotagodi Aneotedogoji me dinikeeta. <sup>20</sup>Odaa nigica aanjo jegeeta, “Onitibige, anibaatine nigaanigawaanigi aniaa eliodo, odaagopiliticogi nipodigi Israel, leegodi nigijo ane domogoyeloadi nigini nigaanigawaanigi agaleegica, ja nigo.” <sup>21</sup>Odaa José jigitibigi, nibatine nigaanigawaanigi, ajaa eliodo, odaa ja dopiticogi nipodigi Israel. <sup>22</sup>Nigijo nigicoticogi, odaa ja dibodiceta Arquelau, lionigi Herodes, me niginiaa diigenataka waxodi limedi eliodi. Joanigidaa leegodi José me doita midiaagi. Odaa José ja dige, igee Aneotedogoji meote leemidi. Odaa jigigo nipodigi Galiléia. <sup>23</sup>Odaa jigidiaagi mani nigotaga Nazaré. Odaa jigidaagee micotece lotaga nigijo ane yelogoditibece Aneotedogoji lowooko nigica jotigide, nigijo mee, “Oyatedigi me Nazareeno.”

### Latematigo João Batista

(*Marcos 1.1-8; Lucas 3.1-18; João 1.19-28*)

**3** <sup>1</sup>Naga ixomagatedice icoa nicaagape, ijo ica goneleegiwa ane liboonagadi João Batista jigigo nipodigi Judéia ane digicata nigeladimigipi. Odaa jegeetiogi nigidi oko anodiita, <sup>2</sup>“Adinilaanitece gabeyacegocotiwaji! Igaataga nigica noko ja nipegi Aneotedogoji me iige laalegenali oko.”

<sup>3</sup>Nigica jotigide Isaías ane yelogoditedibece Aneotedogoji lowooko, yalagata João, nigijo mee,

“Ida oko ane igedi me dotaga miditaga nipodigi ane digica nigeladimigipi, anee,

‘Oenitece ligi Goniotagodi me ixomagatedijo!

Codaa awiitiwaji naigi ane dixoke nigepaa enotedijo.’”

<sup>4</sup>João dinixotinigi nowoodi gameelo lamodi onibila, codaa ibake goenagadi ewacogo, liweenigi gonipidi inaa napigo. <sup>5</sup>Eliodi oko igotibeci mowajipatalo lotaga João, nigeladimigipitigi nigotaga Jerusalém, codaa me nipodigi Judéia, codaa midiwatawece nipodaga ane ipegitege akiidi Jordão. <sup>6</sup>Odaa nigijo oko jogoyatemati libeyacegeco odinilaatece, odaa João nilegetiniwace mididi akiidi Jordão (moikee nogoika mowo ane beyagi).

<sup>7</sup>João nadi me eliodi nigijo fariseutedi ijaa saduceutedi anigotibeci midataga me dinilegetibigiwaji. Naga nadi, odaa jegee, “Nigida makaamitiwaji gadiciagi niginoa laketedidi ane diniweneene! Aleetibigetiwaji daga gadiwokoni nigica noko nige iloikatidi Aneotedogoji nigina oko leegodi libeyacegeco? <sup>8</sup>Pida oleetibige mawii anele mikeeni mewu nagadinilaanitece gabeyacegeco. <sup>9</sup>Jinagaleetibige daga gadiwokoni nigina menitibecetiwaji, ‘Ida anejinagatege licogegi Abraão.’ Igaataga ejitagawatiwaji Aneotedogoji me yakadi meote nigidiwa wetiadi me lionigipi Abraão. <sup>10</sup>Ja nipegi nigica noko Aneotedogoji me iloikatidi nigina oko leegotedi niginoa libeyacegeco. Jiciaceketege nagana niale anidiwa onatecigidiwa nokododi, odaa ja nakagidi napalite litodi. Inoatawece niginoa

niale ane daga yajigo ela anele, onakagidi, odaa oyokoletigi minitaga noledi. <sup>11</sup> Gadilegenitiwaji jatitagawa ninyogodi me jikee madinilaanitece gabeyacegeco. Pida ina oko anenagi nigidiaagidi ane nagaxatilo. Nigini oko nige gadilegenitiwaji, odaa ibake Aneotedogoji Liwigo micataga daga noledi me gadapitagati. Dagaxa me notoedi, aiciagi, codaa dagaxa me gonegegi, caticedi ee, odaa otegehaagaga jakadi me joyagadi liwelatedi. <sup>12</sup> Ja igo me iolatedice nigina oko anele me yawalacetege nigina oko ane beyagi. Liciagi nigijo oko anani nibeneela libaagadi, baanaga dinenyagadi me iolatice idiwatawece nigicoa leyeema lapadi. Odaa ja yotete nileyeema manitaga lotetenaganagaxi, pida nigijoa lapadi бага yalegi minitaga noledi ane daga ipe.”

**João naga ilege Jesus**  
(*Marcos 1.9-11; Lucas 3.21-22*)

<sup>13</sup> Nigijoa nokododi, Jesus ja noditedicogi nipodigi Galiléia. Odaa jigigo akiidi Jordão magaga dinilege midataga João. <sup>14</sup> Pida João ayakadi mele codaa adomaga yemaa me ilege Jesus. Odaa mee, “Akaami anagi meetaga magaga adinilegeni. Pida jegeraga domaga leeditibige madilegeni.”

<sup>15</sup> Pida mee Jesus, “Awii ane jemaa, adiwikodeni adilegeni! Odaa ja jaoga Aneotedogoji ane yemaa.” Odaa João ja niwoditema.

<sup>16</sup> Nigidiaagidi João ja ilege Jesus, odaa agica daga leegi Jesus naga daxoditedita ninyogodi, naga iwitedibigimece ditibigimedi, odaa ja nadi me domoke ditibigimedi, codaa jagaga naditetege Liwigo Aneotedogoji me dinikatelogo dinanatigi yotibi, odaa ja nicotelogo. <sup>17</sup> Odaa digawini! Nigijo oko jogowajipata ica nigegi digoida ditibigimedi, anee, “Nigidoa Ionigi yemaanigi. Eliodi me idinitibeci leegodi Idaagidoa.”

**Godaxakawa icaanigigotalo Jesus**  
(*Marcos 1.12-13; Lucas 4.1-13*)

**4** <sup>1</sup> Nigidiaagidi Liwigo Aneotedogoji ja yadeegitedicogi Jesus miditaga nipodigi ane yadilo ane digica nigeladimigipi, odaa jigicaanigigotalo godaxakawa me dinetalo Jesus. <sup>2</sup> Jesus ayemaa mica ane yeligo nigijoa cwareenta nokododi, odaa nigidiaagidi ja nigicile. <sup>3</sup> Odaa nigijo godaxakawa, nigicotalo Jesus, odaa meetalo, “Nigewi makaami Lionigi Aneotedogoji, awii nagani wetiga me paon.”

<sup>4</sup> Odaa Jesus ja igidi, meeteta, “Lotaganagaxi Aneotedogoji diniditeloco, ‘Me diginokina niweenigi meo me yewiga oko. Pida leeditibige mowajipatalo codaa mowo inoatawece Aneotedogoji ane lotaga.’”

<sup>5</sup> Nigidiaagidi godaxakawa ja yadeegitedicogi Jesus digoida nigotaga Jerusalém, nigotaga anida aneetege Aneotedogoji. Odaa ja yadeegitedibigimece ditibigimedi ligeladi Aneotedogoji, nigica liwai ane dagaxa me leegitibigimece.

<sup>6</sup> Odaa godaxakawa meetalo Jesus, “Nigewi makaami Lionigi Aneotedogoji, adinaxokitinece digoida natinedi, igaataga lotaganagaxi Aneotedogoji mee,

‘Aneotedogoji niige niaanjotedi modoweditagaloco.

Oilokaditagawa me digicata gataciledi,

codaa me daga etaciloteda gadogonaka midiwataga wetiadi.”

<sup>7</sup>Odaa Jesus ja igidi, “Pida maditaga lotaganagaxi Aneotedogoji diniditeloco, mee,

‘Jinaga adineenitalo Ganiotagodi Aneotedogoji!”

<sup>8</sup>Nigidiaagidi godaxakawa ja yadeegitedicogi Jesus ditibigimedi nagajo wetiga ane dagaxa me leegitibigimece, odaa ja ikeetalo iditawece noiigiti nigina iigo, codaa me niliicagajetecidi nigina iigo. <sup>9</sup>Odaa godaxakawa meetalo, “Jajigotagawa inatawece noiigi nigina iigo me iigeni, nige amakitedini gadokotidi mogeetetiwa.”

<sup>10</sup>Odaa Jesus ja igidi, meeteta, “Emii, opili, Satanás! Igaataga diniditeloco lotaganagaxi Aneotedogoji,

‘Ogeetetalo Ganiotagodi Aneotedogoji,

codaa ikani miniokiniwateda me gadiigeni.”

<sup>11</sup>Odaa godaxakawa ja ika Jesus, odaa aanjotedi jigigotibeci, odoweditelogo.

### **Jesus jigidaageyatedigi libakedi midi nipodigi Galiléia**

*(Marcos 1.14-15; Lucas 4.14-15)*

<sup>12</sup>Jesus naga dibodicete João Batista moniwilo, odaa jigigo nipodigi Galiléia. <sup>13</sup>Agidiaagitedice nigotaga Nazaré, pida igo idiaa ligeladi nigotaga Cafarnaum, ane ipegitege weiigi ane liboonagadi Galiléia, nipodigi Zebulom aniaa Naftali. <sup>14</sup>Odaa jigidaa meo micotece lotaga Isaías, nigijo ane yelogoditedibece lowooko Aneotedogoji, nigijo mee,

<sup>15</sup>“Miditaga nipodigi Zebulom aniaa Naftali,

naigi anigo weiigi nipodaga aneite daato akiidi Jordão,

nipodigi Galiléia ane ligeladi nigijo ane daga judeutedi.

<sup>16</sup>Midiwataga nigidiwa nipodaga,

nigijo noiigi aneiteloco miditaga nexocaga onadi aca lokokena loniciwegena.

Odaa nagani lokokena naloteloco iditawece oko aneiteloco nigidiwa

nipodaga

ane liciagi nipodigi aneite niginoa émagaga.”

<sup>17</sup>Odaa Jesus jigidaageyatedigi me yelogoditedibece latematiko, mee, “Adinilaanitece gabeyacegeco, igaataga jigipegiteloco nigica noko Aneotedogoji nige iige laalegenali nigina oko.”

### **Jesus eniditediogi cwaatolo nomiigomigipi modiatece**

*(Marcos 1.16-20; Lucas 5.1-11)*

<sup>18</sup>Jesus igotetece liniogotibece niweiigi Galiléia, odaa ja nadi itoataale goneleegiwadi dinioxomigi, ijo ane liboonagadi Simão (aneeledi oyatigi me Pedro) ijaa André. Odibatalo nogojedi moyaa, oyokoletedinibece leelatiidi midi weiigi me nomiigomigipi. <sup>19</sup>Odaa Jesus meetediogi, “Anagi, aniwitici! Gadiigaxinitiwaji anemiita oko madeegitalo Aneotedogoji,





(Mateus 4.18-19)

liciagi nigina mabaata nogojedi madeegitiogi oko.” <sup>20</sup>Odaa agica daga leegi, jogoikatedice leelatiidi, odaa jogodiotece Jesus.

<sup>21</sup>Jesus igoawaanigi odoe, odaa ja naditediogi eletidi itoataale goneleegiwadi dinioxomigi, ane liboonagadi Tiago ijaa João, lionigipi Zebedeu. Idiaagi catinedi niwatece ijaageniodi, onapade icoa leelatiidi. Odaa Jesus jegeniditediogi modiotece. <sup>22</sup>Odaa agica daga leegi jidiaa oyaladi Zebedeu, nigijo eniodi, ajaagajo liwatece, odaa jogodiotece Jesus.

**Jesus yelogoditedibece latematiko codaa icilatidi eliodi eelotaginadi**  
(Lucas 6.17-19)

<sup>23</sup>Jesus igotedeloco idiwatawece nipodaga Galiléia. Diigaxinagatedibece minoataga liakanagaxiidi judeutedi. Yelogoditedibece gobodicetedi anele micota me iige Aneotedogoji godaalegenali. Codaa nicilatiditedi ijotawece nigijoa eelotaginadi, codaa me ijotawece nigijo ane nawikodeega. <sup>24</sup>Nibodicetedi aneetece Jesus ilaagiteloco iditawece nipodigi Síria. Joanigidaa leegodi monadeegitalo Jesus ijotawece nigijoa eelotaginadi. Odaa icilatidi inoatawece ane latopaco neelotika, codaa me niginoa ane godileenaga, inoa anodakatiogi niwicidi abeyacagaga, codaa nicilatiditedi yetoledi, codaa me alejaadotedi ane dagadiaa ditinege. Jesus nicilatidi ijotawece nigijo anenagitibeci midoataga. <sup>25</sup>Eliodi oko anodiotece. Idi ica noiigi anoicogoticogi nipodigi Galiléia, idi anoicogoticogi micoataga icoa deez nigotadi anei oko anodotagatigi nioladi greegotedi, idi anoicogoticogi nigotaga Jerusalém, codaa me nipodigi Judéia, codaa midiwataga nipodaga daato akiidi Jordão.

Jesus niigaxitediniwace nigidi noiigi ane yatecogo minitaga nigijo lojotagadi

**5** <sup>1</sup>Nigijo naga naditetege Jesus nigijo noiigi-nelegi anenagitibeci midoataga, odaa ja dalagatetedibigimece ica lojotagadi, odaa ja nicotedini. Odaa nigijo oko anodiotece jogodipegitalo. <sup>2</sup>Odaa Jesus jigidaageyatedigi me niigaxinagatediniwace.

**Nigina ane ninitibigiwaji**

*(Lucas 6.20-23)*

<sup>3</sup>Odaa mee,

“Nigina oko anoyowoogodi me digica ane leegodi daga  
dinanetibigiwaji lodoe Aneotedogoji,  
Aneotedogoji icota me iige laalegenali nigidi oko,  
joanigidaa leegodi nigidi oko midioka limedi me ninitibigiwaji.

<sup>4</sup>Nigina oko ane agecagalodipi nigina natigide,  
Aneotedogoji icota me yocaganege nigidi oko,  
joanigidaa leegodi nigidi oko midioka limedi me ninitibigiwaji.

<sup>5</sup>Nigina oko ane diniwikodetibece lodoe Aneotedogoji,  
Aneotedogoji eote me nebi inatawece iigo,  
joanigidaa leegodi nigidi oko midioka limedi me ninitibigiwaji.

<sup>6</sup>Nigina oko ane doletibige ane igenaga,  
Aneotedogoji icota meote meletibigiwaji,  
leegodi me liciagi nigina oko ane nigodi nigigi,  
codaa me ecibi.

Odaa nigoyakadi anoyeligo,  
codaa anowacipe,  
odaa jegeletibigiwaji.

Joanigidaa leegodi nigidi oko midioka limedi me ninitibigiwaji.

<sup>7</sup>Nigina oko anoiwikode eledi oko,  
Aneotedogoji aagaga niwikodetediniwace,  
joanigidaa leegodi nigidi oko midioka limedi me ninitibigiwaji.

<sup>8</sup>Nigina oko ane yapidi laalegenali,  
icota monadi Aneotedogoji.  
Joanigidaa leegodi nigidi oko midioka limedi me ninitibigiwaji.

<sup>9</sup>Nigina oko ane ilakidetaciwage nigina oko anijo me nidelaga,  
Aneotedogoji eetediogi me lionigipi.  
Joanigidaa leegodi nigidi oko midioka limedi me ninitibigiwaji.

<sup>10</sup>Nigina oko anoiatetibece leegodi mowo ane igenaga,  
icota Aneotedogoji me iige laalegenali codaa me yaxawatediogi.  
Joanigidaa leegodi nigidi oko midioka limedi me ninitibigiwaji.

<sup>11</sup>Nigina oko nigodotagatibigagajitiwaji, nige etigadiatenitibece codaa nige odiwitakatibigagajitiwaji, modi mawii ane beyagi, leegodi me aniwiticitiwaji,

odaa icota maniniitibecitiwaji. <sup>12</sup>Enice aniniitibecitiwaji, igaataga Aneotedogoji yotetetedagadomi digoida ditibigimedi nigica ganagajegi ane dagaxa mele. Igaataga jigidaagee moiatetibeci nigijo anoyelogoditedibece Aneotedogoji lowooko nigijo jotigide. (Odaa Aneotedogoji yajigotediogi nagajegi anele.)

### **Gadiciagitiwaji yoci anaa lokokena**

*(Marcos 9.50; Lucas 14.34-35)*

<sup>13</sup>Nigida makamagakaamitiwaji gadiciagi yoci liwigotigi inatawece oko. Pida nigina yoci nige aniaditema loniciwaga ane daga ika me beyagi niweenigi, odaa agaleegica gonimawenegegi daga agelagatiti loniciwaga. Odaa agaleegica ane jaoga, alati, odaa oko jogonipodi. (Odaa jigidaagenitiwaji gadiciagi yoci, leegodi agikanitiwaji nigina ane beyagi daga ibeyacagadi oko lewiga.) <sup>14</sup>Nigida makaamitiwaji aagaga gadiciagi nagana lokokena ane naloteloco inatawece oko, igaataga agica anagatitini, leegodi mikeeni catiwedi gadewiga ane yemaa Aneotedogoji. Codaa agica ane yakadi me yagaditini nigotaga anodabitegeti ditibigimedi wetiga. <sup>15</sup>Agica ane yalegi noledagaxi, oditaga yapogoditinigi anigetagada nagaagaxi. Pida nagana noledagaxi oipeke ditibigimedi, mowo me naloteloco iditawece ane ide catiwedi diimigi. <sup>16</sup>Jigidaagee ikani ganilokokenatiwaji me ídi, amaleegaga oyakadi niginaeledi oko monadi gabakedi anele anawiitetiwaji, awii modogetetibigimece Gadiodi ane ideite ditibigimedi.

### **Niigaxinaganegegi aneetece lajoinaganegeco Moisés**

<sup>17</sup>Jinagaleetibige daga janagi me jaagadi lajoinaganegeco Moisés, ijaa liigaxinaganegeco nigijo anoyelogoditedibece Aneotedogoji lowooko. Ee ajanagi daga jaagadi liigenatakanegeco Moisés, pida janagi me jotete codaa me jao me yelogo nigica anodiigaxinagatece. <sup>18</sup>Ejitagawatiwaji nigina anewi. Nigepaagicota me daa ditibigimedi, codaa me iigo, agica ane noga gaantokaagidi niginoa liigenatakanegeco Aneotedogoji. Agica gaantokaagidi anonoga nigepaa owidijegi noko nige ma nigina iigo. <sup>19</sup>Enice nigina oko ane daga yotete okanicodaagica niigenatakanegecawaanigi ane degewi me gonegegi, codaa nige iigaxieledi oko me degeyiwigadi, odaa nigini oko lionigawaanigi liwigotigi nigina oko Aneotedogoji ane iige. Pida nigina oko ane yotete ijoatawece niigenatakanegeco, codaa magaga iigaxieledi oko me yotete idiwatawece niigenatakanegeco, nigini oko baaniginiaa dagaxa me gonegegi liwigotigi nigidi oko Aneotedogoji ane iige. <sup>20</sup>Igaataga ejitagawatiwaji icota Aneotedogoji me iige gadaalegenali, codaa akaamitiwaji jigida anenitege nige dagaxa me gadegenakitiwaji caticedi niginoa fariseutedi inaa nigina niigaxinaganadi anodiigaxinagatece lajoinaganegeco Moisés.

### **Ayakadi daga godelatema gonioxoa**

<sup>21</sup>Nigida makaamitiwaji jagajipaata nigijo Moisés aneeta, aneetiogi jotigide gadaamipi, 'Jinegeloatieledi oko! Igaataga nigina ane daije oyadeegiticogi

minitaga goniwinogodi.’ <sup>22</sup>Pida ejitagawatiwaji nigina oko ane yelatema nioxoa me digica leegodi, nigini goniwinogodi iwi nigica anodaagigota. Nigica aneeta nioxoa, ‘Akaami yetole!’ Joaniginiaa oyadeegiticogi miditaga seteenta lacilodi noiigi. Nigijo aneeta nioxoa me dagaxa me beyagi, agaleegica aneetege Aneotedogoji, codaa doidetibige Aneotedogoji me ligetedicogi nigini oko minitaga noledi ane daga ipe. <sup>23</sup>Enice nige emii Aneotedogoji ligeladi madeegitalo nogeedi ditibigimedi nameeja Aneotedogoji, odaa analakitibige ganioxoa mijo me dinotigimadetagagi. <sup>24</sup>Idiaaganitice gaboongi lodoe nameeja. Odaa ecogotace oletibige me gadilakiitege ganioxoa, nigidiaagidi nige naga gadilakiitege, odaa jagajicitalo Aneotedogoji nigica gaboongitalo. <sup>25</sup>Nigica ane lowoogo me gadadeegita goniwinogodi me yelogodi mida gadoenatagi ane beyagi, adinilakidenitege maleedigicoota goniwinogodi. Igaataga doidetibige daga gadadeegiticogi minitaga goniwinogodi, odaa goniwinogodi ja gadajicitiogi iodagawadi. Odaa iodagawadi etigadixomitiwece niwilogonagaxi. <sup>26</sup>Ejitagawatiwaji nigina anewi. Aganotiticogitiwaji niwilogonagaxi nigepaagediani icoatawece nigicoa ganaaleweta nigijo goneleegiwa.

### **Niigaxinaganegegi ane yalagata nogolagatakanegegi**

<sup>27</sup>Nigida makaamitiwaji jogowoogoti nigijo aneeta Moisés nigijo jotigide, negee, ‘Jinaga gadoomatewa iwaalo wadonaga.’ <sup>28</sup>Pida ejitagawatiwaji, nigina goneleegiwa ane iwita iwaalo ane daga lodawa, odaa nige yowo me loomatewa, odaa catiwedi laalegena ja dogolagataka. <sup>29</sup>Enice gagecoogeli nigeo mowoo ane beyagi catiwedi gadaalegena, odaa anogaatice gagecooge, alati! Igaataga dagaxa mele maniatitema gagecooge, pida agoyokoletioyi iditawece gadolaadi minitaga noledi ane daga ipe. <sup>30</sup>Gabaagadi nigeo mawii ane beyagi, akagiti, odaa alati. Igaataga dagaxa mele maniatitema onidateci gabaagadi, pida agoyokoletioyi iditawece gadolaadi minitaga noledi ane daga ipe.

### **Niigaxinaganegegi aneetece nalataganegegi** (*Mateus 19.9; Marcos 10.11-12; Lucas 16.18*)

<sup>31</sup>Moditibece nigijo jotigide, ‘Nigina ane yaladi nagana lodawa, odaa leeditibige me yajigota notaganagaxi me ikee naga yaladi lodawa.’ <sup>32</sup>Pida ejitagawatiwaji, inoatawece goneleegiwadi anoiige lodawa mopi, odaa nagani iwaalo nige wadotace, odaa nigini goneleegiwa nalatogodi jegeo me dogolagataka nagani iwaalo. Codaa nigini gela lodawa nagani iwaalo jagaga dogolagataka. Idoka yakadi malati gadodawa nige gadogolagati.

### **Niigaxinaganegeco aneetece me leeditibige** **me jaoga nigina anejinaga me jaoga**

<sup>33</sup>Codaa owoogotitiwaji anoditioyi nigijo jotigide godaamipi, nogoditioyi, ‘Jinaga inetee nigina nagawii anigida gagegi, pida awii nigica ane enitalo

Goniotagodi Aneotedogoji mawii.’<sup>34</sup> Pida ejitagawatiwaji, nigawii gagegi, jinagabakeni liboonagadi anigetigidi, otegexaagaga eledi oko liboonagadi. Jinaga aboonagateeni ditibigimedi mawii gagegi, igaataga ditibigimedi jigidiaagi me diigenataka Aneotedogoji.<sup>35</sup> Codaa jinagabakeni liboonagadi nigina iigo, igaataga nigina iigo liciagi nagana baanco aneite Aneotedogoji me nipenegetedini logonaka. Codaa jinagabakeni liboonagadi Jerusalém, igaataga nagani nigotaga nebi Aneotedogoji, minionigi-eliodi.<sup>36</sup> Codaa jinagabakeni niboonaagadi makamaga gadacilo mawii gagegi, igaataga agica ganimawenegegitece gadacilo molii me digica otigideatece gadamodi me yapacaga migetaga nabidi.<sup>37</sup> Pida nigawii gagegi, onexaageni, ‘Jao’, ogoa domige eni, ‘Ajao’, igaataga dagawii eledi gagegi, nigida eledi gagegi ja icogoticogi mijotaga nigijo ane beyagi, godaxakawa.

### **Agele daga joleegatibige me jojeteega**

*(Lucas 6.29-30)*

<sup>38</sup>Owoogotitiwaji nigijo jotigide moditibece, ‘Anogaa ligecooge nigina ane napoace ligecooge eledi oko. Codaa aninokeni lowe nigina ane ninoke lowe eledi oko.’<sup>39</sup> Pida ejitagawatiwaji jinogoojeteeta nigina aneo ane beyagitagadomi. Nigica ane yabaketigi gadajice, odaa ajici eledi gadajice magaga yabake.<sup>40</sup> Nigica ane gadadeegiticogi minitaga goniwinogodi me doletibige me dinigaanyetece ganoecagaxi, odaa ikanitece magaga yadeegi ganibalito.<sup>41</sup> Nigica iodagawa ane iigetagawa moyagati loyagaka onadateci ciloomito, odaa adeegitema nigepaa itoa ciloomito.<sup>42</sup> Ediani nigina oko ane dipokotibece, codaa jinagaciiletema nigina ane dadilagatagawa.

### **Leeditibige memaani gadaxakawepodi**

*(Lucas 6.27-28, 32-36)*

<sup>43</sup>Owoogotitiwaji nigijo jotigide moditibece, ‘Leeditibige memaani gadoiigi, odaa gadelegedi nigina anakaami lelegedi.’<sup>44</sup> Pida ejitagawatiwaji leeditibige memaani ganelogododipi. Codaa oeni motaganegeni nigina anetigadixoomitiwaji. Codaa otaganegeni Aneotedogoji mipokitalo meote aneletema nigina aneo ane beyagitagadomitiwaji codaa nigina anetigadiatenitibece.<sup>45</sup> Odaa jigikeenitiwaji mewi makaami lionigipi Gadiodi ane ideite digoida ditibigimedi. Iniaaginiwa dagaxa meletedogodomi, igaataga eote nagani aligege ane nebi me naloteloco oko anele, codaa me nigina oko ane beyagi. Codaa niwakateetedi ebici nigina oko ane igenaga, codaa me nigina ane daga igenaga.<sup>46</sup> Igaataga nige inoka emaani nigina ane gademaanitiwaji, Aneotedogoji ayajigotedagawatiwaji ganagajegi, igaataga nigina anodibatibigege ninyeelo ninionigi-eliodi romaanotedi, jigidiaagidi analeetibige dogowidi libeyacegeco, pida idiaagidi oyemaa lokaagetedi.<sup>47</sup> Nige anicenitiwaji codaa nige ikeenitiogi gademaanaganegegi idiokidi gadoiigi, odaa agawiiwitiwaji anele caticedi nigidi eledi oko anowo, igaataga nigina oko ane dogoyowoogoditida Aneotedogoji owo liciagi.<sup>48</sup> Odaa nigida makaamitiwaji

leeditibige mawii aneletema inatawece oko liciagi Gadiodi ane ideite ditibigimedi, igaataga idioka limedi meletetema inatawece oko.”

**Jesus godiigaxi anodaagejinaga me jaxawanaga eledi oko**

**6** <sup>1</sup>Jesus egidaa diitigi me dotaga, odaa mee, “Adinowetitiwaji! Nigina nigaxawanitiwaji nigina anida lemagamatiigi, jinagawii lodoe eledi oko, moleetibige metigadiwenigideni. Igaataga nigawiitiwaji me lodoe eledi oko, odaa Gadiodi ane ideite ditibigimedi ayajigotedagawa ganagajegi. <sup>2</sup>Enice nigina maxawani okanicodaagica oko anida lemagamatiigi, jinaga adinelegenitiogi inatawece oko micataga nigina oko anokowo meletibigiwaji minoataga niginao niakanagaxiidi, codaa me ladicotiidi nigotaga. Nigidi oko inoka odoletibige moiwenigide. Ejitagawatiwaji nigina anewi, nigidi oko jigidokida moiwenigide, odaa agodibatege nagajegi ane domaga yajigotediogi Aneotedogoji. <sup>3</sup>Pida nigina maxawani okanicodaagica oko anida lemagamatiigi, awii makamokakaami mowoogoti! <sup>4</sup>Odaa jigidaagee agica ane yowoogodi nigina maxawani nigina oko anida lemagamatiigi. Iniokiniwateda Gadiodi me yowoogodi! Igaataga бага nadi inoatawece. Odaa yajigotedagawa ganagajegi lodoe eledi oko.

**Niigaxinaganegegi anodaagejinaga me jotaganegenaga Aneotedogoji**  
(*Lucas 11.2-4*)

<sup>5</sup>Nigina motaganegeni Aneotedogoji, jinagawii liciagi nigina oko anokeo mele, ane lemaanigi me dabiditiniwace nigina moyotaganege Aneotedogoji catiwedi ligeladi Aneotedogoji, inaa logomoce ladicotiidi, owotibige minatawece oko onadi odaa oiwenigide. Ejitagawatiwaji nigina anewi, agodibatege anigetigica nagajegi miniwataga Aneotedogoji, inoka odibatege liwenigidenaganegegi nigina oko. <sup>6</sup>Pida nigida makaami, nigotaganegeni Aneotedogoji, akaatiwece gadigeladi, anibatooni gadapoagi, odaa otaganegeni Aneotedogoji Gadiodi, leegodi iniwa okanicodaagica ane onitice. Jiginiaa Gadiodi ane gadati okanicodaagica ane onitice odaa yajigotedagawa ganagajegi lodoe eledi oko.

<sup>7</sup>Nigina motaganegeni Aneotedogoji, jinogopilagatitibigeloco gagegi ane digicata ane niitigi, anee nigina oko ane dogoyowoogoditeda Aneotedogoji. Igaataga odiletibige Aneotedogoji daga wajipatediogi nigina meliodi me notaganaga. <sup>8</sup>Jinogotaganegeni Aneotedogoji dagawii liciagi nigina oko, igaataga Aneotedogoji Gadiodi ja yowoogodi anopootibige, maleedigicatibige digipokitalo. <sup>9</sup>Enice nigotaganegeni Aneotedogoji etida alitigi gagegi,

‘Gadiodi anadeoni digoida ditibigimedi,  
jemaanaga minatawece oko oiwenigide Gaboonagadi.

<sup>10</sup> Iigeni laalegenali nigina oko.

Jemaanaga nigina oko mowo digoina iigo nigica anemaani,  
digo anee midi anowo anemaani digoida ditibigimedi.

<sup>11</sup> Godedianigitece goweenigi ane jopoogaticibige nigina noko.

- <sup>12</sup> Ixomagateenitedice gobeyacegeco,  
digo anejinaga me jixomagateenagatedice libeyacegeco eledi oko  
anowotogodomi.
- <sup>13</sup> Jinigikani nigina ane beyagi daga godice oditege me jaoga ane beyagi.  
Pida godatamagateenitege ane beyagi,  
nigijo godaxakawa.  
Igaataga jagakamagakaami ane iigeni laalegenali nigina oko.  
Nigida makaami eliodi gadoniciwaga,  
codaa inatawece oko odogetetagawa.  
Odaa jigidaagee nigepaa ganigicatibige.  
Jigidaagee (Amém).’

<sup>14</sup> Igaataga nige ixomagateenitedicetiwaji libeyacegeco eledi oko  
anowotagadomi, odaa Gadiodi ane ideite ditibigimedi aagaga ixomagateetedice  
gabeyacegeco. <sup>15</sup> Pida nige daga ixomagateenitedice libeyacegeco eledi oko  
anowotagadomi, odaa Gadiodi aixomagateetedice gabeyacegeco.

**Jesus diigaxinagatetece ica anodaagee me jikanakawaanigi  
me jiniodaga me jotaganegenaga Aneotedogoji**

<sup>16</sup> Ele midatibece me daga jiniodaga nigina me joleegatibige menegegi  
jipecagatege Aneotedogoji. Nige ikanawaanigi manioditiwaji motaganegeni  
Aneotedogoji, jinagawii micataga dagakaami agecagalo, anee nigina anokowo  
meletibigiwaji. Igaataga anapiladaga owotibige eledi oko moyowoogodi  
moikanawaanigi me niodaga. Ejitagawatiwaji nigina anewi. Nigidi oko  
agodinigaanyetece lagajedi Aneotedogoji, inoka odinigaanyetece  
liwenigidenaganegegi nigina eledi oko. <sup>17,18</sup> Pida akamagakaamitiwaji, nigina  
me daganiodi, anapiladi, codaa iteci gadamodi, odaa agoyowoogodi nigina  
eledi oko mikanawaanigi maniodi. Pida iniokiniwateda Gadiodi ane ideite  
ditibigimedi codaa ane ideite okanicodaagica ane oni бага yowoogodi. Odaa  
Gadiodi ane nadi anawii okanicodaagica ane oni, yajigotedagawa ganagajegi  
lodoe nigina oko anigida noko.

**Niigaxinaganegeco ane yalagatalo icoa goniliicagajetecidi ane daga daateda  
(Lucas 12.33-34)**

<sup>19</sup> Jinaga atecigi ganiliicagajetecidi digoina iigo, igaataga inoa ipilagawaana  
inaa ligowiiga anoyaagadi ane goniliicagajetecidi, codaa inoa olicagaga  
moyojiketi nibaloote diimigi, odaa ja dakatiobece me nolicaga. <sup>20</sup> Pida atecigi  
ganiliicagajetecidi digoida ditibigimedi ane digicoa ipilagawaana inaa ligowiiga  
dogoyaagadi ane ganepilidi, otegexaagaga olicagaga agoyakadi me dakatiobece  
daga nolicaga. Igaataga nigicoa goniliicagajetecidi digoida ditibigimedi aliciaci  
niginoa ane jakatagate digoina iigo. <sup>21</sup> Igaataga nigida moko godemaanigi  
midiokaanaga limedi me idejonaga aneite goniliicagajetecidi.

**Aca nilokokena godolaadi**

*(Lucas 11.34-36)*

<sup>22</sup>Nigoleetibige inokina ane yemaa Aneotedogoji, odaa gadiciagi nigina oko anele ligecoogeli. Micataga nilokokena Aneotedogoji daga dakatiwece gagecoogeli, odaa idei catiwedi gadaalegena me ikeetagawa ane igenaga. <sup>23</sup>Pida nige dogoleetibige mawii ane yemaa Aneotedogoji, odaa бага gadiciagi nigina oko ane beyagi ligecoogeli. Micataga nilokokena Aneotedogoji daaditaga yakadi me dakatiwece gadaalegena me ikeetagawa ane igenaga. Odaa nexogotiwe gadaalegena. Codaa nigica nexocaga dagaxa me nexocaga, odaa agakati dogowoogoti nigica ane yemaa Aneotedogoji.

**Ica ane leeditibige me joleegatibige**

*(Lucas 16.13; 12.22-31)*

<sup>24</sup>Agica ane yakadi me dibatema iniwataale necalaixedi, igaataga oniniteci yemaa, inigeledi бага lelegedi, odaa yoe libakedi nigini anepaga yemaa. Pida niginieledi baadaga deemitetibige. Agakatitawaji mabaatema Aneotedogoji, oditagaga oleetibige mowidi ganinyeelo. <sup>25</sup>Enice ejitagawatiwaji jinagagowikomataatibige gaweenigi, codaa anopootibige me gadewiki, codaa jinaga agowikomataatibige gadowoodagagi ane leeditibige madinixomitinigi, igaataga agodewigatema digidokida me idinixomaga. <sup>26</sup>Digawini niginoa ilaagaxodi ane wayotiwaji digoina! Agenanaganaga, codaa agicoa lawodigijedi dogonopilagaditedio, codaa agoyatecogotee liweenaga. Pida Gadiodi ane ideite ditibigimedi agica daga ika maniaditibige liweenigi. Odaa nigida makaamitiwaji бага dagaxa mida ganiwalotema Aneotedogoji caticedi niginoa ilaagaxodi. <sup>27</sup>Agica ane yakadi me iigitice lewiga otigidatece noko leegodi me igecagalege nigica ane yopotibige me yewiga.

<sup>28</sup>Igaamee ina me gadigecagalegenitiwaji gadowoodagagi? Digawini anodaagee me iliteloco nipodigi niginoa niale lawogo. Nigidiwa niale lawogo anibaaga, codaa agicoa lowoodi loenataka modinixotinigilo. <sup>29</sup>Pida ejitagawatiwaji niginoa niale lawogo dagaxa me libinienaga caticedi nigicoa lowoodi inionigi-eliodi Salomão anowidi niliicagajetecidi codaa dinixotinigilo nowoodi ane dagaxa me libinienaga. <sup>30</sup>Digawini nigina nadegogo aninaa, icota me yadilo, odaa jogoyalegi. Aneotedogoji eote nadegogo me libinienigi micataga daga dinixotinigilo niginoa nowoodi ane dagaxa me libinienaga. Enice nigeote nadegogo me libinienigi, odaa ajawienatakanaga magaga gadinixomegenitetiwaji idagida me degeliodi gatiwagakanegegi.

<sup>31</sup>Enice jinagagowikomataatiwaji, jinegeni, 'Igamige jakataga ane jelicaga?' codaa jinegeni, 'Igamige jakataga godowoodagagi?' <sup>32</sup>Igaataga nigina oko ane dogoyowoogoditeda Aneotedogoji бага odogowikomatatibige anoyeligo, codaa me lowoodagagi. Gadiodi ane ideite ditibigimedi yowoogodi mopootibigetiwaji maniodi, codaa anadinixomitinigi. <sup>33</sup>Pida odoejegi oleetibige Aneotedogoji me



iige laalegenali oko, codaa oleetibige minatawece oko owo ane igenaga, odaa Aneotedogoji ja yajigotedagawatiwaji inatawece anopootibige. <sup>34</sup>Enice jinaga gadigecagalegeni nigica anopootibige natiinigo. Igaataga anogowoogoti nigica ane digica natiinigo. Jagabo niginoa ane dakaketagadomi nigina noko, odaa agele daga gadigecagalegeni nigica ane dakaketagadomi natiinigo.”

**Leeditibige me daga golaagedi nigina oko ane daga jowoogotaga anee**  
(*Lucas 6.37-38, 41-42*)

**7** <sup>1</sup>Jesus egidaa diitigi me diigaxinaga, odaa mee, “Jinagawini anee lewiga eledi oko oditaga adinanimigita, adagagakaami lagetedipi Aneotedogoji.

<sup>2</sup>Igaataga Aneotedogoji gadiwini digo aneni me gadigoatita eledi oko.

Anodaagemiita eledi oko, odaa Aneotedogoji idagaga igotedagawatiwaji.

<sup>3</sup>Igame leegodi mawini libatiicawaanigi ganioxoa, ane micataga daga lagamicagajecawaanigi ganioxoa, pida akamaga gabatiigi aganati, ane micataga daga iwogo liwai catiwedi gagecoogelitiwaji? <sup>4</sup>Ica mabo gadaalegena menita ganioxoa, ‘Inogatagadomi gadagamicagajegi’, pida idi iwogo liwai catiwedi gagecooge? <sup>5</sup>Gadiciagi nigina anoqueo mele! Odoejege leeditibige manogaa iwogo liwai ane ide i catiwedi gagecooge, amanagawini anatiteloco manogaa lagamicagajecawaanigi ganioxoa.

<sup>6</sup>Jinagajicitiogi nigidi oko abeyacagaga nigina ane iomagaditetema Aneotedogoji. Igaataga nigidi oko liciagi nexexodi ane diojo, odaa doidetibige degetigadowacitiwaji. Codaa jinegenitiogi nigidi oko niginoa notaga anele Aneotedogoji ane yelogoditedagawa, igaataga niginoa notaga Aneotedogoji ane yelogodi liciagi nagana wetiga ane dagaxa me dakake lojedi. Codaa nigidi oko abeyacagaga aagaga liciagi nigidagiwadi. Nige okolenitiogi nigidagiwadi nagani wetiga, odaa jogonipoditibige nagani wetiga ane dakake lojedi.

**Jakataga me jipokagatalo Aneotedogoji nigica ane jopoogatibige**  
(*Lucas 11.9-13*)

<sup>7</sup>Ipokitalo Aneotedogoji nigica anopootibige, odaa jagabaategetiwaji. Oleetibige miniwataga Aneotedogoji nigina anele anepaa yemaa me yajigotedagawatiwaji, odaa jagakatitiwaji. Atokeni epoagi, odaa Aneotedogoji ja yomoke. <sup>8</sup>Igaataga inatawece oko anodipokotalo, odibatege lipoketegi, codaa inatawece oko anodoletibige anigidi, oyakadi. Codaa yomoketetema epoagi nigina ane yatoke. <sup>9</sup>Gadionigi nige dipokotagawa paon, domige ajicita wetiga? <sup>10</sup>Ina me dipokotagawa nojojegi, domige ajicita lakeedi? <sup>11</sup>Nigida makaami anakaami abeyacagaga, pida owoogoti majicita gadionigipi nigina anele. Apigikoa Gadiodi ane ideite ditibigimedi yajigotediogi nigina anele nigina oko modipokotalo. <sup>12</sup>Awiitema eledi oko nigica anemaanitiwaji modigotagawa. Igaataga jigidaagee me diigaxinaga Moisés nigijo naga idí nigijoo lajoinaganegeco, codaa jigidaagee me niigaxinaganaga nigijo anoyelogoditedibece lowooko Aneotedogoji.

**Icoa itiwataale naicoli**

*(Lucas 13.24)*

<sup>13</sup>Adinoniciwagati makaatiwece mida epoacawaanigi. Igaataga nigidaeledi epoagi nelegi codaa me nigijo naigi agica lagaliigi me jiwagatece dowiceta miditaga ica aneitice nigina oko me digica liniogo me nawikodeega. Codaa eliodi oko anodioteci nigijo naigi. <sup>14</sup>Pida nigida epoacawaanigi ijaa nigijo naicawaanigi ane dakake me jiwagatece, бага dowiceticogi miditaga nigica aneitice nigina oko ane newiga miniwataga Aneotedogoji, oada baadegeliiodi oko anodioteci nigijo naicawaanigi.

**Ica awitakegipi anokowo minigina anoyelogoditibece lowooko**

**Aneotedogoji**

*(Lucas 6.43-44)*

<sup>15</sup>Anidakitiogi nigina anodi moyelogoditedibece lowooko Aneotedogoji, pida niwitakaga. Nigidi oko anokowo moyelogoditedibece Aneotedogoji lowooko oinaale nigina oko. Liciagi diwilecoḡoni me doide, odinixotinigi lamodi waxacoco moinaale waxacoco. Oada nigidi oko liciagi waxacoco. <sup>16</sup>Pida icota mowoḡoti anidi leegodi niginoa loenataka, anodaagee mowoḡoti ane latopagi niale leegotedi elali. Igaataga nagana omiigonaga ayajigo uuva, codaa niginoa lalepigigoli agoyajigo fiigo. <sup>17</sup>Oada jigidaagee nagana niale anele yajigo elali anele, codaa nagana niale ane degele yajigo elali ane beyagi. <sup>18</sup>Nagana niale anele ayakadi daga yajigo elali ane beyagi. Codaa nagana niale ane beyagi ayakadi daga yajigo elali anele. <sup>19</sup>Nagana niale ane daga yajigo elali anele, oyakagidi, oada jogoyokoletiyogi noledi. <sup>20</sup>Joanigidaa me jakataga me jowoḡotaga nagana niale leegotedi elali ane yajigo. Jigidaa magaga jakataga me jowoḡotaga nigidiwa awitakaga anodi moyelogoditedibece Aneotedogoji lowooko, leegodi niginoa loenataka.

**Nigica oko Aneotedogoji ane dibatetege**

*(Lucas 13.25-27)*

<sup>21</sup>Eliodi oko idoka etidadatigi, ‘Iniotagodi, Iniotagodi!’ Pida agiditawece odakatiwece digoida ditibigimedi aneitedice Aneotedogoji me diigenataka. Pida inokina nigina anowo Eiodi ane yemaa, idiokidi бага dakatiobece digoida ditibigimedi aneitedice Eiodi. <sup>22</sup>Nigica noko nige iwi Aneotedogoji anigotediyogi inatawece oko, oada eliodi oko moditiwa, ‘Iniotagodi, Iniotagodi! Eliodi me jibakenaga Gaboonagadi codaa jelogotagatedibece lowooko Aneotedogoji, codaa me jibakenaga Gaboonagadi me jiticodagatedice niwicidi abeyacagaga, codaa me jibakenaga Gaboonagadi me jaogate ḡodoxiceḡetedi.’ <sup>23</sup>Pida ejitiogi lodoeeledi oko, ‘Agica daga gadowoḡoti. Adetecenitice, jagakamaḡakaamitiwaji anawii ane beyagi!’

### Icoa itoa latopaco lipodagalatedi diimigi

(Lucas 6.47-49)

<sup>24</sup>Nigina ane wajipatalo yotaga odaa eyiwagadi, nigini liciagi nigina goneleegiwa anida lixakedi odaa dabitegeteloco ligeladi ditibigimedi wetiga. <sup>25</sup>Naga dinikatini ebici nelegi, odaa negenagi aboogo-ninyogodi, codaa niwocotaga ane yoniciwadi jigicota nigijo diimigi, pida azenitini. Leegodi nigijo goneleegiwa dabitegetini ligeladi ditibigimedi wetiga, anepegele me diimigi lipodagaladi. <sup>26</sup>Nigina ane wajipatalo yotaga pida aseyiwagadi, бага liciagi nigina goneleegiwa ane digica lixakedi ane dabitegetini ligeladi midi dotiwadi. <sup>27</sup>Naga dinikatini ebici nelegi, odaa negenagi aboogo-ninyogodi, codaa niwocotaga ane yoniciwadi jigicota nigijo diimigi, odaa ja dojitini, codaa agica ane yeyagatice.”

### Jesus ibake nagatetigi me dotaga

<sup>28</sup>Naga nigotedini Jesus me dotaga, odaa ica lapo-nelegi jogoyopo leegodi anodaageeteda me diigaxinaga. <sup>29</sup>Leegodi adiigaxinaga daga liciagi niigaxinaganadi anodiigaxinagatece lajoinaganegeco Moisés, pida Jesus бага ibake epaa nagatetigi me diigaxinaga.

### Jesus icilatidi ica goneleegiwa dawace-lolaadi

(Marcos 1.40-45; Lucas 5.12-16)

**8** <sup>1</sup>Naga daxoditedini Jesus me icogotedibigimece ica lojotagadi, odaa ica noiigi-nelegi jogoditece. <sup>2</sup>Odaa ica goneleegiwa dawace-lolaadi jigicotalo, odaa ja yamagatedi lokotidi lodoe Jesus me iwenigide, meetalo, “Iniotagodi, jowoogodi mida gadoniciwaga madicilatiti, nigemaani.”

<sup>3</sup>Odaa Jesus ja ixoketedice libaagadi, naga ipeketedeloco nigijo goneleegiwa, odaa jegeeteta, “Ee jema me gadicili nigina natigide!” Odaa agica daga leegi nigijo dawace-lolaadi ja ici. <sup>4</sup>Odaa Jesus jegeete, “Digawini, jinigica anelogotita nigida anejigotagawa. Pida emii, adinikeenita sacerdoti naga gadicili. Codaa aboonitalo Aneotedogoji gaboongi ane liigenatakanegegi lajoinaganegegi Moisés, awiitibige me ikeenitioigi iditawece oko naga akaami ele. Odaa yakadi mopiliticogi miditaga gadoiigiwepodi.”

### Jesus icilatidi ica liotagi nigoloneegi romaanotedi

(Lucas 7.1-10)

<sup>5</sup>Jesus igo nigotaga Cafarnaum. Naga dakatediwece nigotaga, odaa ica goloneegi ane iige onaniteci taalia iodagawadi, igo midoataga, odaa ja dipokotalo me yaxawa. <sup>6</sup>Odaa meetalo Jesus, “Iniotagodi, ini iotagi lioneeга digoida igeladi eliodi me deelotika. Ayakadi otegexaagaga me ditinege, eliodi me dawikode.”

<sup>7</sup>Odaa Jesus jegee, “Ejigo jicilatidi.”

<sup>8</sup>Pida nigijo goloneegi meetalo, “Aleeditibige degemii akaatiwece igeladi, Iniotagodi. Igaataga dagaxa makaami gonegegi, caticedi ee. Pida onexaagawii

gagegi me icí, odaa inioneega ja icí. <sup>9</sup>Igaataga inoa eletidi iodagawadi ane leegitibigimece nagatetigi ane etidiige. Pida ee aagaga ida inagatetigi magaga jiige onaniteci taalia iodagawadi. Jakadi mejita okanicodaagica nigidiwa iodagawadi, ‘Emii!’ Odaa jigigo. Iniaa eledi nigejita, ‘Anagi!’ Odaa jegenagi. Codaa nigejita nigina iotagi, ‘Awii nigida ane jiigetagawa!’ Odaa jegeo. Odaa akaami ida ganagatetigi me iigeni iotagi me ele, odaa ja icí.”

<sup>10</sup>Nigica Jesus naga wajipateta nigijoa lotaga nigijo goloneegi, odaa eliodi me yopo nigijo goneleegiwa. Odaa jegeetediogi nigijo noiigi anodioteece, “Ejitagawatiwaji nigina anewi. Nigida goneleegiwa eliodi meyiwaagadi Aneotedogoji. Anigica jinadi oko otegeaagaga minataga godoiigi Israel ane nakato Aneotedogoji, digo midataga nigida goneleegiwa me nakato Aneotedogoji. <sup>11</sup>Ejitagawatiwaji eliodi eledi oko, ane daga judeutedi, icota me icogoticogi nigoi codaa me gocidi, odaa nicoogowepodi Abraão, Isaque, Jacó miditaga nalokegi Aneotedogoji ane yoe digoida ditibigimedi, lalokegi loiigi. <sup>12</sup>Pida Aneotedogoji aikatediobece eliodi oko loiigi judeutedi me dakatiobece miditaga lalokegi. Aikatedio me dakatiobece nigina oko ane daga yemaa Aneotedogoji me iige laalegenali. Pida Aneotedogoji бага yokoletedicogi miditaga nexocaga anei me noenagateloco, codaa moyacigice lowe leegodi me nawikodeega.”

<sup>13</sup>Odaa Jesus jegeeteta nigijo goloneegi, “Emii opiliticogi gadigeladi, gaotagi ja icí leegodi manakatonni Aneotedogoji me yakadi me icilatidi.” Odaa aniaagani nagaca lakata Jesus negee, odaa nigica liotagi nigijo goloneegi ja icí.

**Jesus icilatidi eliodi eelotaginadi**  
(*Marcos 1.29-34; Lucas 4.38-41*)

<sup>14</sup>Odaa Jesus jigigo ligeladi Pedro. Naga dakatedio, ja naditedeloco loxiigate Pedro miwotini, dapicoço-lolaadi. <sup>15</sup>Odaa ja ipeketedeloco libaagadi nagajo iwaalo, odaa ja icí. Naga dabiditini, odaa ja doolaga yoe liweenigi Jesus.

<sup>16</sup>Naga gocidi, jogonadeegitalo eliodi oko anodakatiogi niwicidi abeyacagaga, codaa me eelotaginadi. Odaa Jesus onexaageetediogi mopitibeci nigicoa niwicidi abeyacagaga, odaa ijoatawece noditedice miditaga nigidi oko. Odaa ja nicilatiditediniwace iditawece eelotaginadi. <sup>17</sup>Jigidaagee negeote micotece nigica aneeta Isaías, nigijo ane yelogoditibece Aneotedogoji lowooko nigijo jotigide, negee, “Yadeegi godeelotagi, codaa noça godabocaga.”

**Jesus yajoi oko anoyemaa modioteece**  
(*Lucas 9.57-62*)

<sup>18</sup>Naga nadi Jesus ica noiigi-nelegi moyawiile, odaa ja iige nigijo anodiotibece me digetitacicoace daato nigica weiigi. <sup>19</sup>Maleedaga noditicoaci, odaa onijoteci nigijo ane diigaxinagatece lajoinaganegeco Moisés igo midoataga Jesus, odaa jegeetalo, “Niigaxinaganaga, ja idigo me jiotagadici okanicodaagicata ane aaticogi.”

<sup>20</sup>Odaa Jesus jegeeteta, “Niginoa eti inoa libecoli, codaa ilaagaxodi inoa epaa libatoli. Pida Ee, Goneleegiwa ane jicogotibigimece ditibigimedi, baadigica yotokagadi.”

<sup>21</sup>Ica eledi goneleegiwa ane diotibece Jesus jegee, “Iniotagodi, jema me jiotagadici. Pida ecogotace jalita eiodi nige yeleo amaleegaga inaligitini.”

<sup>22</sup>Pida Jesus jegeeteta, “Aniwitici! Igaataga nigina oko liciagi émegegi leegodi agoyemaa moniotici, odaa dioki epaa onaligitedini émagaga.”

### **Jesus yamaketedini ica niwocotaga**

*(Marcos 4.35-41; Lucas 8.22-25)*

<sup>23</sup>Nigidiaagidi Jesus ja waxoditedinigi ajo niwatece ijaagijo nigijo anodiotibece lixigagawepodi. <sup>24</sup>Codaagida naga enagi ica niwocotaga aneo me itedibige ebekadi nelecoli. Odaa nigijoa ebekadi ja domaga oyapogoditi niwatece. Pida idiaa Jesus diote. <sup>25</sup>Odaa nigijo anodiotibece jogodipegitalo, oyojietelogo, moditalo, “Goniotagodi, godaxawanegegi! Ade jaaga!”

<sup>26</sup>Odaa Jesus meetediogi, “Igaamee ina madoitiwaji? Amewi manakatonitetiwaji Aneotedogoji.” Naga dabiditedini, odaa ja iige niocodi inaa ebekadi me notokotiniwace. Odaa nigijo niocodi ijaagijoa ebekadi ja notokotiniwace. <sup>27</sup>Odaa nigijo anodiotibece eliodi moyopo, odaa ja dinotaganenge modi, “Amiidoa icoa goneleegiwa? Aneote niocodi idiaa ebekadi moyiwagadi nigina ane liigenatakanengegi!”

### **Jesus icilatidi itoataale goneleegiwadi anodakatiogi niwicidi abeyacagaga**

*(Marcos 5.1-20; Lucas 8.26-39)*

<sup>28</sup>Jesus jigicotedicogi daato niweiigi Galiléia, nipodigi aca Gadara. Odaa jogodakapetege icoa itoataale goneleegiwadi ane dakatiogi niwicidi abeyacagaga, ja nigeladimigipitigi midiwa lawimagajetedi-wetiadi, ane onaligite judeutedi némagaga. Odaa jigidiaa oicogotiwece nigijoa goneleegiwadi. Nigidiwa goneleegiwadi loidenaga, codaa me doide, agaleegica ane yakadi me dioteci nigijo naigi. <sup>29</sup>Nogonaditege Jesus, odaa ja napaawaga, modi, “Igaamee managi godigiwocegegi, anakaami Lionigi Aneotedogoji? Domige naganagi me godiloikatitegegi maleedigicota noko Aneotedogoji nige iloikatidi nigina oko leegodi libeyacegeco?”

<sup>30</sup>Onidiwa icoa nigidagiwadi ane noxicogonaga aona leegitalo. <sup>31</sup>Odaa nigicoa niwicidi abeyacagaga anodakatiogi nigijoa itoa goneleegiwadi moditalo Jesus, “Nige godiigenegegi me gododiticogi niginoa goneleegiwadi, pida godikanengegi me jakagatiogilo nigidiwa nigidagiwadi.”

<sup>32</sup>Odaa Jesus meetediogi, “Enice emiitiwaji!” Odaa nigicoa niwicidi abeyacagaga ja noditicoaci midiwataga nigijoa goneleegiwadi, odaa jogodakatiogilo nigijoa nigidagiwadi. Odaa nigijoa nigidagiwadi ja daleditedigi, odaa jegenitinece ica lilokagadi, odaa ja daxaboketiniwace, jogocegaga miditaga weiigi.

<sup>33</sup>Nigijoa goneleegiwadi anodoweditologo nigijoa nigidagiwadi ja daleditibige odeleticogi nigotaga, odaa jogoyatemati nigica ane ninyaagi nigijoa nigidagiwadi, codaa anee nigijoa goneleegiwadi naga noditicoaci niwicidi abeyacagaga anodakatiogi. <sup>34</sup>Odaa ijotawece nigeladimigipitigi nagajo nigotaga jegenagitibeci odakapetege Jesus. Nogonadi Jesus, odaa jogodipokotalo me noditedicogi niigo.

### Jesus icilatidi ica alejaado ane dagadiaa ditinege

*(Marcos 2.1-12; Lucas 5.17-26)*

**9** <sup>1</sup>Jesus naga waxoditedinigi niwatece migo daato weiigi, odaa jigicotedicogi manitaga epaa nigotaga. <sup>2</sup>Odaa icoa goneleegiwadi jogoyadeegitalo ica alejaado ane dagadiaa ditinege ane iwoteloco aca ligelate. Naga nadi Jesus moyiwagadi Aneotedogoji me yakadi me icilatidi nigijo goneleegiwa, odaa jegeeteta nigijo alejaado, “Jinagadoii, ionigi! Ja inapitagadi gabeyacegeco.”

<sup>3</sup>Odaa icoa onatecigidiwa niigaxinaganadi anodiigaxinagatece lajoinaganegeco Moisés dinotaganegetiwage modi, “Nigidoa goneleegiwa beyagi me dotagatedibige Aneotedogoji leegodi nigijoa lotaga iniokiniwateda Aneotedogoji me yakadi me ligegi.”

<sup>4</sup>Jesus yowoogoditidiwe lowoogo, odaa meetediogi, “Igaameetiwaji mowoo ane beyagi? <sup>5</sup>Amiida ica ane dakake mejatigi igeigita idi alejaado? Domige enegegi dakake degejita, ‘Ja gadapitagatitece ijoatawece gabeyacegeco’, ogoa domige ina degejita, ‘Adabittini, odaa awaligi!’? <sup>6</sup>Nigida me Ee jikeetagawatiwaji me Ee, Goneleegiwa ane jicogotibigimece ditibigimedi, ida yoniciwaga me inapitagadi libeyacegeco oko.” Odaa meete nigijo alejaado, “Adabittini, odaa anibaatine nagadi gagelate, odaa emii digoida gadigeladi!”

<sup>7</sup>Nigijo goneleegiwa naga dabiditini, odaa jogopiticogi ligeladi. <sup>8</sup>Nigijo noiigi nogonadi nigijo niciagi, odaa jogodogetetalo Aneotedogoji, leegodi me yajigotediogi nigina oko loniciwaga monicilatiditiniwace eelotaginadi.

### Jesus enidite Mateus me diotece

*(Marcos 2.13-17; Lucas 5.27-32)*

<sup>9</sup>Jesus ja noditedicogi nigica aneite, egidaa diitedicogi mewaligi, odaa jigicote ica diimicawaanigi balaacogo aneitece me nicoti ica goneleegiwa ane liboonagadi Mateus. Mateus inaagina ane dibatibigege ninyeelo ninionigi-eliodi romaanotedi. Odaa Jesus jegeeteta, “Anagi, aniwitici!” Odaa Mateus ja dabiditini, ja diotece. <sup>10</sup>Odaa Jesus jigigo ligeladi Mateus, odaa ja nicotedi maditaga aca nameeja. Naga niodaga menoale, jigicotiubece eliodi nigijo anodibatibigege ninyeelo ninionigi-eliodi romaanotedi, ijaagijo eliodi eledi oko, judeutedi anoyakadi me abeyacagaga. Odaa ja nicotiniwace miniwataga Jesus ijaagijo anodiotibece magaga niodaga. <sup>11</sup>Icoa fariseutedi onadi Jesus me ligiiwepodi nigidi oko anoyakadi me abeyacagaga, odaa jogonigetiniwace nigijo anodiotibece Jesus, moditiogi, “Igame leegodi ganiigaxinogodi me ligiiwepodi idiwa anodibatibigege ninyeelo ninionigi-eliodi romaanotedi, idiaagidi idi eledi oko aninoa libeyacegeco?”



(Mateus 9.10-11)

<sup>12</sup> Jesus wajipatediogi nigijoa fariseutedi monigetiniwace nigijo anodiotibece, odaa meetediogi, “Nigina oko icilegegi ayopotibige dotowegi, pida inokina nigina ane deelotika бага yopotibige dotowegi. <sup>13</sup>Oleetibige mowoogoti ane diitigi nigijoa lotaga Aneotedogoji, anee, ‘Ajemaa nigina oko monajigotiwa ejedi monigodi leegodi libeyacegeco. Pida бага jemaa nigina oko mowo aneletema eledi oko.’ Igaataga ajanagi jiniditiogi nigina anoyakadi meletibigiwaji. Pida janagi jiniditiogi niginoa abeyacagaga modopitalo Aneotedogoji, igaataga oyopotibige Aneotedogoji me napitagaditediniwace micataga nigina oko ane deelotika odaa yopotibige dotowegi me icilatidi.”

**Ica moikanawaanigi me niodaga moikee magecagalodipi leegodi libeyacegeco**  
(Marcos 2.18-22; Lucas 5.33-39)

<sup>14</sup>Icoa niogododi João Batista igotibeci midoataga Jesus, odaa jogoige, moditalo, “Oko, idiaagidiwa fariseutedi бага jikanakawaanigi me jiniodaga, jikeenaga moko agecagalodipi leegodi gobeyacegeco. Igaamee idi ganiogododipi me dogoikanawaanigi me niodaga?”

<sup>15</sup>Jesus naga igidi, meetediogi, “Domige agecagalodipi ina nodenigipi migotibeci lalokegi nadonegegi ina mini miditaga nigijo ane wado? Agagecagalodipi! Pida icota noko monogatice nigijo ane wado miditaga. Odaa nigica noko jagagecagalodipi, odaa jogoikanawaanigi me niodaga.



<sup>16</sup>Agica ane napadeta nowoodagagi oxiigodi nigina lapadenaganagadi gela anepagalee yexogo, igaataga nigidi lapadijegi gela nige dinixigi, odaa ja daa nigidi nowoodagagi oxiigodi. Odaa nigica laakajegi ja dagaxa me nelegi. <sup>17</sup>Codaa agica ane yadotinigi viinyo gela nagana lagaagaxi ewacogo baanaga opake. Nigeo iatinigi viinyo gela, odaa nagada lagaagaxi opake datope, odaa viinyo jagaga aniadi. Pida oyatinigi viinyo nagaca lagaagaxi gela, odaa nagada lagaagaxi abeyagi, codaa me viinyo eledi agaleeganiadi.”

### **Jesus icilatidi aca iwaalo acaagaca nigaanawaana**

*(Marcos 5.21-43; Lucas 8.40-56)*

<sup>18</sup>Jesus egidaagee me notaganegetediniwace nigijo anodiotibeci João, nigicotalo ica lacilo judeutedi, odaa ja yamagatedini lokotidi lodoe Jesus, meetalo, “Iona ja leedi me yeleo. Anagi ipekeniteloco gabaagatedi amaleegaga ici.” <sup>19</sup>Odaa Jesus jigigo lixigagawa, ijaagijo anodiotibece eledi igotibeci odiatece.

<sup>20</sup>Egidaa diiticogi migotibeci, odaa aca iwaalo ja nowidila Jesus. Jonegeote dooze nicaagape mawodina. Naga iwidatece Jesus, odaa dibatece nijayogo liniogo. <sup>21</sup>Nagajo iwaalo eo nigida anee, leegodi mee me dowooko, “Onexaa jiba-aatece nijayogo liniogo, odaa ja idici.”

<sup>22</sup>Naga nilokotedijo Jesus, odaa ja nadi nagajo iwaalo. Odaa jegeete, “Iona, jinagadoii! Ja gadicili, leegodi me iwagati Aneotedogoji me yakadi me gadicilatiti.” Nagajo iwaalo naga dibateloco nijayogo Jesus, odaa ja ici.

<sup>23</sup>Nigidiaagidi Jesus jigigo ligeladi nigijo lacilo judeutedi. Nigicotedio, odaa ja naditediogi nigijo anoyatetigi natenaganegegi lajo émegegi monaligitini, idiaagidi ica oko ane nacaagagateloco. <sup>24</sup>Odaa meetediogi, “Emii anotiticoacetiwaji! Nagadi nigaanawaana ayeleo, pida diote.” Odaa jogoilajitedibece. <sup>25</sup>Nigijo naga noditicoaci nigijo oko. Odaa Jesus ja dakatediwece ane liotagadi nagajo nigaanawaana ane yeleo. Naga dibatedigi libaagadi, odaa ja nicoogatedi. <sup>26</sup>Odaa nogodibodiceta nigida Jesus aneote jigilaagiteloco iditawece nipodigi.

### **Jesus icilatidi itoataale etoinadi**

<sup>27</sup>Jesus naga noditedice nigijo aneite. Odaa egidaa diitedigi migo, icoa itoataale etoinadi jogoigaalatece, codaa napaawagateloco, moditalo, “Akaami anida anenitege licogegi inionigi-eliodi Davi, godi wikodenegegi.”

<sup>28</sup>Naga icotedicogi Jesus ica diimigi, odaa nigijoa etoinadi jogoigaalatiwece. Naga dakatiobece, odaa jogototalo. Odaa Jesus jegeetediogi, “Domige iwagatakani ica me jakadi me gadicilatititwaji?” Odaa jogoigidi, moditalo, “Ejiwagatakanaga, Goniotagodi.”

<sup>29</sup>Odaa Jesus ja dibatedeloco ligecoogeli, odaa meetediogi, “Enice nigina natigide ja gadicilitiwaji, leegodi me iwagatakani!” <sup>30</sup>Odaa ja yatetibigiwaji, jegele ligecoogeli. Odaa Jesus ja najoitediniwace, meetediogi, “Jinaga domaga ica anatematiita nigida ane ejigotagawatiwaji!” <sup>31</sup>Pida nogopitibeci,



jogoyatematitiogi iditawece nigidi oko nigeladimigipitigi nigidi nipodigi me Jesus nicilatiditediniwace.

### Jesus icilatidi ica ewalogonaga

<sup>32</sup>Nigijo nogopitibeci nigijoa itoataale goneleegiwadi, odaa ica eledi oko jogonadeegitalo Jesus ica goneleegiwa ane dakatiogi niwigo abeyacegegi aneo me ewalogonaga. <sup>33</sup>Negeote Jesus nigijo niwigo abeyacegegi me noditice mijotaga nigijo goneleegiwa, odaa ja dotaga. Ijotawece nigijo noiigi-nelegi eliodi moyopo, odaa modi, “Agica me jinataga digoina goniigo Israel goneleegiwa ane yakadi meo godoxicegedi liciagi nigida aneote nigidoa goneleegiwa.”

<sup>34</sup>Pida nigijoa fariseutedi modi, “Nigijo lacilo niwicidi abeyacagaga jigijaa yajigotalo loniciwaga me iticoitedice niwicidi abeyacagaga.”

### Jesus iwikodetediogi ica noiigi

<sup>35</sup>Odaa Jesus igotetece idiwatawece nigotadi codaa me nigotadawaanaga, diigaxinaga midiwa niiakanagaxiidi, yelogoditedibece nibodicetedi anele, Aneotedogoji me doletedibige me iige laalegenali oko, codaa icilatidi inoatawece ane latopaco neelotika, codaa me nigina oko ane digica loniciwaga. <sup>36</sup>Naga nadi Jesus nigijo noiigi-nelegi, odaa ja iwikodetediogi, leegodi me nawikodeega, agica ane yaxawatiogi, iciaceeketetege niginoa waxacocoli ane digica nowienogodi.

<sup>37</sup>Odaa Jesus jegeetediogi nigijo anodiotibece, “Nigidi oko liciagi nigina nixogotagi nelegi baanaga leeditibige monopilagaditio. Pida ane nibaaga ageliodi. <sup>38</sup>Odaa ipokitalo Aneotedogoji me niwakatee eletidi nibakecajoli moyaxawa eledi oko monakato Aneotedogoji, liciagi nigijo anodipokota nigini ane nebi nixogotagi nelegi me niwakatee eletidi goneleegiwadi monopilagaditedio lawodigijedi.”

### Icoa dooze liigexedi Goniotagodi

*(Marcos 3.13-19; Lucas 6.12-16)*

**10** <sup>1</sup>Jesus eniditediogi dooze goneleegiwadi modiotibece. Odaa ja yajigotediogi loniciwaga moiticoitedice niwicidi abeyacagaga anodakatiogi nigina oko, codaa moicilatidi okanicodaagica ane latopagi neelotagi codaa me nibeyacagajegi. <sup>2-4</sup>Digawini ane liboonagatedi nigijo dooze anodiotibece Jesus: odoejegi Simão, aneledi oyatigi me Pedro, ijaagijo nioxoa ane liboonagadi André; Tiago ijaa João dinioxomigipi ane lionigipi Zebedeu; Filipe, Bartolomeu, Tomé ijaa Mateus anijo me dibatibigege ninyeelo ninionigi-eliodi romaanotedi; Tiago lionigi Alfeu, Tadeu, ijaa eledi Simão ane domaga lowoogo me iticoiticoace romaanotedi me noditicoaci nipodaga judeutedi; ijaa Judas Iscariotes aneyaa Jesus mijotaga nelogododipi.

**Jesus iige nigijoa dooze liigexedi mowo ica libakedi**

*(Marcos 6.7-13; Lucas 9.1-6)*

<sup>5</sup>Jesus iige nigijoa dooze goneleegiwadi, odaa ja najoitediniwace, meetediogi, “Jinegemiitiwaji ligeladi nigina ane daga judeutedi, codaa jinagakaatiwece nigotadi samaritaanotedi. <sup>6</sup>Pida oleetibige oko miditaga godoiigi Israel, nigijo ane aniatagigipi, ane liciagi niginoa waxacocoli aneyamagaticoace, odaa jaganiadi. <sup>7</sup>Emitiitwaji atematikani, eni, ‘Nigina natigide Aneotedogoji jigidaageyatedigi me iige laalegenali oko.’ <sup>8</sup>Icilatitiitwaji eelotaginadi, codaa awii émagaga me newigatace. Codaa awii nigina oko ane dawace-loolatedi me nicilaga. Iticoitedice niwicidi abeyacaagaga anodakatiogi oko. Inoatawece niginoa anabaategetiwaji agica loojedi, odaa jinaga domaga abanoonagani mawii nigida gabakeditiwaji. <sup>9</sup>Codaa jinagawii adeegi dinyeelo catinedi ganinyeelagaxi. <sup>10</sup>Codaa jinagadeegi ganiboco maniwiaje, otegexaagaga anigetagani eledi ganoecagaxi, otegexaagaga eletidi gawelatedi, otegexaagaga gagiilagadi. Igaataga ewi nigina modi, ane diba leeditibige me dibatege ane yopotibige me yewiga.

<sup>11</sup>Nigakaatiwecetiawaji anigani nigotaga domige nigotakawaana, odaa oleetibige ligeladi nigina oko anodeemitetibige, odaa idiaagonitetiwaji nigepaa limedi manotiticogi nagani nigotaga. <sup>12</sup>Nigakaatiwecetiawaji diimigi, odaa anicenininiwace nigica oko nigeladimigipi. <sup>13</sup>Nigele modibatagagitiawaji nigidi oko ane ligeladi nigica diimigi, odaa ipokitalo Aneotedogoji me ibinietediogi. Pida nige degele modibatagagi, odaa jinigipokitalo Aneotedogoji me ibinietediogi. <sup>14</sup>Codaa nige degele modibatagagi anigini diimigi, domige anigani nigotaga, codaa nige dogoyemaa mowajipatalo gadatematiko, odaa niganotiticogi nigini diimigi, domige nagani nigotaga, iticigi gawelatedi me ikeeni me dagadiaagica anenitege. <sup>15</sup>Ejitagawatiwaji nigina anewi. Nigica noko Aneotedogoji nige ilokatidi nigidi oko leegodi libeyacegeco, odaa dagaxa me beyagi nigica anigotediogi nigidi oko catedi me liciagi anigotediogi nigijo nigeladimigipitigi Sodoma ajaa Gomorra nigijo naga yaagadi nigijo jotigide, leegodi nigijoa lakataga ane beyagi.

**Icoa lawikodico nigijo anodiotibece Jesus**

*(Marcos 13.9-13; Lucas 21.12-17)*

<sup>16</sup>Digawinitiwaji! Gadiigeni micoataga niginoa waxacocoli memii liwigotigi oko ane liciagi diwilecogoni. Enice ecogotace owookoni nigepaa nige awii ane gabakedi. Nigawii, odaa abakeni gadacilo, me daga beyagi gadowoogo. <sup>17</sup>Anidakitiogi nigina oko. Igaataga etigadiwilotiawaji codaa etigadadeegiticogi midiwataga lacilodi moiwi anodigotagawa, codaa icota metigadalakenitibige catiwedi liikanagaxiidi judeutedi, oyatitagawa lalakenaganagatedi. <sup>18</sup>Leegodi maniwitici, odaa etigadadeegiticogitiawaji midiwataga lacilodi ane niigenatakanaga, codaa me midiwataga inionaga-elodoli, odaa jogoiwi anigotagawa, codaa odiigenatakatagawa metigadiloikatiti. Odaa jegeniticitiawaji midiwataga lacilodi ane niigenatakanaga, codaa me miditaga ane daga

judeutedi. <sup>19</sup>Nigetigadadeegiticogi lodoe goniwinogodi, jinaga gadigecagalegeni ane alitigi gagegi. Igaataga Aneotedogoji eote mowoogotitiwaji nigica ane alitigi gagegi nigicota nagaca lakata nige limedi motagani. <sup>20</sup>Igaataga nige limedi motaganitiwaji, gadotaga aicogotedigi makaamitaga, pida icogotedigi mijotaga Liwigo Aneotedogoji ane Gadiodi anini makaamitagatiwaji.

<sup>21</sup>Nigina oko icota moyajigo epaa nioxoadipi monigodi, codaa eniododipi oyajigo lionigipi, odaa nionigipi ja lakapetedi eliododipi, odaa jogowo monigodi. <sup>22</sup>Leegodi maniwiticitiwaji, inatawece oko icota moyelatagadomi. Pida nigina ane daga ika me niotici, codaa me daga ika me idinakato, bigida lewiga ane digica liniogo. <sup>23</sup>Nigetigadiatenitibece anigani nigotaga, odaa ialeticogi manitaga eledi nigotaga. Ejitagawatiwaji anewi, midioka limedi mani eledi nigotaga anei makati mawii nigida ibakedi nigepaagicota me idopitijo, Ee, Goneleegiwa ane jicogotibigimece ditibigimedi.

<sup>24</sup>Agica niigaxinigi ane nagaxateloce niigaxinogodi daga dagaxa me gonegegi. Codaa agica niotagi ane nagaxateloce niotagodi daga dagaxa me gonegegi. <sup>25</sup>Enice nigina niigaxinigi leeditibige me ninitibece nigina mododigo digo mijotaga nigijo niigaxinogodi, codaa nigina niotagi leeditibige magaga ninitibece nigina mododigo digo mijotaga nigijo niotagodi. Nigoditalo nigijoa ane nebi diimigi me Belzebu (ane liboonagadi Satanás), odaa eledi owote liboonagatedi ane dagaxa me beyagi nigidi loiigi nigijoa ane nebi diimigi.

### **Nigica anepaga leeditibige me idoiiga**

*(Lucas 12.2-7)*

<sup>26</sup>Jinagadoiitigi nigina oko. Igaataga inoatawece ane dinapogoditedini icota moyowegi, codaa inoatawece anoyowiegitelogo, icota moyowoogodi. <sup>27</sup>Niginoa anejitagawatiwaji nigina me enoale, elogotitigi nigina oko me noko. Codaa nigina anajipaata ane dinagaditi, elogoti anei eliodi oko moyakadi mowajipata. <sup>28</sup>Jinagadoiita nigina anoyakadi mowo anodigo gadolaadi, leegodi agica loniciwaga dogoyeloadi gadiwigo. Pida adoitalo Aneotedogoji anepaga yakadi me yaagadi gadewiga minitaga noledi ane daga ipe. <sup>29</sup>Nigina oko adakake loojedi moyaa iniwataale ilaagaxodawaanaga, loojedi onaniteci beexo. Pida nigina ilaagagi inoka enitiniigi iigo, nige yemaa Aneotedogoji ane Gadiodi. <sup>30</sup>Codaa Aneotedogoji yowoogodi ane liwokodi gadamodi ane itigi gadacilo. <sup>31</sup>Enice jinagadoii! Igaataga dagaxa mida ganiwaló catedi niginoa ilaagaxodi.

### **Ica oko anida aneetege Cristo icaagica ane daga onigecagatema**

*(Lucas 12.8-9)*

<sup>32</sup>Nigina ane dinelogodi lodoe nigina eledi oko mida aneetigi, odaa Ee aagaga jelogoditalo Eiodi ane ideite ditibigimedi mida anejitege. <sup>33</sup>Pida nigina anee me digica aneetigi lodoe nigina oko, odaa Ee eledi eji me digica anejitege lodoe Eiodi ane ideite ditibigimedi.

### Oko dawalacetiwage leegodi Jesus

(Lucas 12.51-53; 14.26-27)

<sup>34</sup>Jinagaleetibige daga janagi digoina iigo daga jao me ilagatiwage inatawece nigina oko. Ajanagi daga jao me ilagatiwage, pida janagi micataga nigina oko ane nadeegi lodaajo, odaa nigina oko idiokiditiwage, pida dawalacetiwage. <sup>35</sup>Leegodi janagi me jao nigina nionigi me lakapetegi eliodi, niona lakapete eliodo, codaa me niigate lakapete loxiigate. <sup>36</sup>Odaa dinaxakawepodi nigidi oko, idaagida me domaga dinoigiwepodi.

### Leeditibige me jemaanaga Jesus caticedi nigina eledi oko

<sup>37</sup>Nigina oko ane yemaa eliodi codaa me eliodo caticedi me idemaa, nigini oko ayakadi digida aneetigi, codaa nigina ane yemaa lionigi codaa me liona caticedi me idemaa, nigini ayakadi digica aneetigi. <sup>38</sup>Inoka yakadi mida aneetigi nigina baanaga igo me dawikode nigeppaa yeleo leegodi me niotibici. <sup>39</sup>Nigina aninoka doletibige me dowediteloco epaa lewiga, codaa epaa dinowedi adinigaanyetece lewiga Aneotedogoji ane domaga yajigote. Nigina ane daga yewigatema epaa lakataga, pida ja igo me yeletomi, joaniginiaa dinigaanyetece lewiga Aneotedogoji ane yajigo.

### Ica lagajegi Aneotedogoji ane yajigo

(Marcos 9.41)

<sup>40</sup>Nigina anele me dibatagagitiwaji, odaa aagaga ele me dibatigi. Nigina anele me dibatigi, odaa ele me dibatege Aneotedogoji ane idimonya. <sup>41</sup>Nigina anele me dibatege nigina ane yelogoditedibece lowooko Aneotedogoji leegodi ane libakegitema Aneotedogoji, nigini oko dibatege icaagica nigica lagajegi Aneotedogoji ane yajigotediogi nigina ane yelogoditedibece lowooko. Codaa nigina ane dibatege nigina oko ane igenaga leegodi me igenaga, nigini oko dibatege icaagica nagajegi Aneotedogoji ane yajigotediogi nigina ane igenagatibigiwaji. <sup>42</sup>Codaa nigina ane yacipegeta ninyogodi ane diwete anigepidigijo nigina anoniotici ane daga gonegaga, pida leegodi me iigexegi, ajawienatakanaga nigini oko me dinigaanyetece nagajegi anele ane yajigote Aneotedogoji.”

### Jesus iniaa João Batista

**11** <sup>1</sup>Nigijo Jesus naga ika me niigaxitediniwace nigijo dooze anodiotibece, odaa ja noditedice, jigigo diigaxinaga codaa me yelogoditedibece gobodicetedi anele midiwataga nigotadi nigidi nipodigi.

### Icoa liigexedi João Batista igotibeci oige Jesus

(Lucas 7.18-35)

<sup>2</sup>João Batista idei niwilogonagaxi. Naga dibodicetibige nigicoa ane loenataka Cristo, odaa ja iige itoataale nigijo anodiotibeci moige

Jesus. <sup>3</sup>Nogototalo Jesus, moditalo, “Manigakamaḡakaami ica anenagi godewikatidi, ogoa domigalee jaliigatege eledi?”

<sup>4</sup>Jesus naga igidi, meetediogi, “Opilitijotiwaji, elogotita João anajipaata, codaa elogotita yoenataka baanaga anati. <sup>5</sup>Naga yatetacibigiwaji goladi, alejaadotedi jegewaligi, dawace-loolatedi ja nicilaga, aticilonadi ja najipaaga, émagaga ja newigatace, codaa nibodicetedi anele ane icogotedibigimece miniwataga Aneotedogoji jogoyelogoditiogi madewetedi. <sup>6</sup>Nige daga ikani madinakatoni, odao nigida makaami jaganiniitibecitiwaji.”

<sup>7</sup>Nigijo naga noditicoaci nigijoa liigexedi João, odao Jesus ja yalagate João, meetediogi nigica oko, “Nigijo negemiitiwaji akapetege João mido nipodigi ane yadilo ane digica nigeladimigipi, amiini ica anemii awinitiwaji? Ejidegemiitiwaji mawini goneleegiwa agamalegegi ane digica baga lowoogo, micataga nigina naanyogo ane igiketibece niocodi. <sup>8</sup>Enice, amiini ica anemii awinitiwaji? Ejidegemiitiwaji mawini goneleegiwa liico, ane dinixotinigilo nowoodi libinienaga ane dakake loojedi. Nigina oko anodinixotinigilo nowoodi libinienaga ane dakake loojedi odigeladetigilo diimaga nelecoli, ligeladi gonegaga. <sup>9</sup>Enice, amiini ica anemii awinitiwaji? Ejime emii mawinitiwaji anigepidigijo nigijo anoyelogoditedibece lowooko Aneotedogoji. Odao ejitagawatiwaji, nigijo anemii awinitiwaji dagaxa me gonegegi caticedi nigijo anoyelogoditedibece lowooko Aneotedogoji. <sup>10</sup>Igaataga lotaga Aneotedogoji jotigide nagakaa yalagata João, mee, ‘Digawini! Ida iigexegi, ane datematika maleedigicatibige digicoo. Yoetagadomi ḡanaigi.’

<sup>11</sup>Ejitagawatiwaji nigina anewi. João Batista dagaxa me gonegegi, caticedi inatawece oko aninaa codaa natigide. Pida nigina Aneotedogoji nige iige laalegena oko ane digica nagatetigi, odao nigini oko dagaxa me gonegegi caticedi João. <sup>12</sup>Nigijoa nokododi me yatematitedibece João latematiko, codaa nigina noko, nigina oko nawikodeega, leegodi moikatece Aneotedogoji me iige laalegenali. Igaataga nigina oko loidenaga odoletibige modinigaanyetece domogowotibige me dagaleegoika Aneotedogoji me iige laalegenali. <sup>13</sup>Pida maleedigicatibige me yatemati João latematigo, ijotawece nigijo anoyelogoditedibece lowooko Aneotedogoji, codaa lotaga Aneotedogoji, oyalagata nigica anodaagee Aneotedogoji me doletedibige me iige godaalegenali. <sup>14</sup>Odao nigemaanitiwaji me iwagati anoyatemati, João jiginiaagini nigijo Elias ane leeditibige me dopitijo. <sup>15</sup>Nigemaani majipaatalo yotaga, enice atacoli!

<sup>16</sup>Amigetigini ica ane jiciaceketege nigina noiigi ane newiga niginoa nokododi? Liciagi nigaanigipawaanigi ane nicotiniwace dinalokowepodi. Odao ini lapo ane dapaaweta eledi, meeta, <sup>17</sup>‘Ja jatenaganagatagadomitiwaji natenegegi nadonegegi jatiiga natena, pida agemaanitiwaji manibaile. Codaa ja jatenaganagatagadomitiwaji natenaganegegi lajo monaligitini émegegi, pida agemaanitiwaji manoeni otegexaagaga akaami agecagalodipi.’ <sup>18</sup>Jiciaceketege nigaanigipawaanigi leegodi Aneotedogoji nimonya João, odao agigo nalokeco

daga yeligo niweenigi anele, otegexaagaga wacipeta viinyo. Odaa nigina noiigi jogodi, 'Nigida goneleegiwa dakatiogi niwigo abeyacegegi.' <sup>19</sup>Odaa Aneotedogoji jagaga idimonya Ee, Goneleegiwa ane jicogotibigimece ditibigimedi, odaa бага jitiogi nalokeco, codaa me jeligo niweenigi anele, jaciye viinyo. Odaa nigina noiigi modi, 'Digawini! Niginiwa goneleegiwa olade, codaa me acipegegi, lokaagedi nigina anodibatibigege ninyeelo ninionigi-eliodi romaanotedi, codaa me nigina oko ane dagaxa me abeyacagaga.' Pida oko anida lixakedi ane icogotibigimece miniwataga Aneotedogoji, nigina oko idioka limedi meo ane igenaga."

**Aneotedogoji icota me iloikatidi noiigi ane dogoika mowo ane beyagi**  
(*Lucas 10.13-15*)

<sup>20</sup>Odaa Jesus jigidaageyatedigi me yotaganegetediniwace gonitiadi inoa lotagatediogi nigeladimigipitigi nigotadi anei meote owidi godoxicegetedi, leegodi nigijo oko agodinilaatece libeyacegeco. <sup>21</sup>Meetediogi Jesus, "Nagoodi akaamitiwaji, nigeladimigipitigi nigotaga Corazim! Codaa nagoodi akaamitiwaji, nigeladimigipitigi nigotaga Betsaida! Igaataga ijoa jaote owidi godoxicegetedi anoikee loniciwaga Aneotedogoji catiwedi ganigotaditiwaji, pida idokee agikanitiwaji mawii ane beyagi ane daga yemaateda Aneotedogoji. Pida daga jaote nigijoa godoxicegetedi nigijo jotigide midiwa nigotadi Tiro aniaa Sidom, aneitice nigeladimigipi ane dagaxa me abeyacagaga, togoika mowo ane beyagi, codaa togodinixotinigi jaacogo, codaa togoyati lojienigi lacilodi moikee me agecagalodipi leegodi libeyacegeco anowote. <sup>22</sup>Pida ejitagawatiwaji, nigica noko Aneotedogoji nige iloikatidi nigina oko leegodi libeyacegeco, odaa dagaxa me gadiloikatititewaji catedi nigidi nigeladimigipitigi nigotadi Tiro aniaa Sidom. <sup>23</sup>Akaami, nigeladimigipitigi nigotaga Cafarnaum. Aneotedogoji adogetetedagawatiwaji, otegexaagaga gadadeegitedibigimece ditibigimedi aneite. Pida diigenatakatedagawatiwaji metigadokolenitiogi minitaga noledi ane daga ipe. Igaataga jegeliodi me jaote godoxicegetedi anoikee loniciwaga Aneotedogoji, pida idokee agikanitiwaji mawii ane beyagi ane daga yemaateda Aneotedogoji. Daga jaote nigijoa godoxicegetedi nigijo jotigide catiwedi nigotaga Sodoma, odaa nigijo nigeladimigipitigi togoika mowo ane beyagi, codaa Aneotedogoji agotaga yaagadi nagajo nigotaga, odaa tagaleegani codaa ina noko. <sup>24</sup>Ejitagawatiwaji, nigica noko nige iloikatidi Aneotedogoji oko leegodi libeyacegeco, odaa dagaxa me gadiloikatititewaji catedi nigijo nigeladimigipitigi nigotaga Sodoma."

**Jesus noga ligecagalogo laalegenali nigina oko ane diitalo**  
(*Lucas 10.21-22*)

<sup>25</sup>Nagajo lakata, Jesus meete Aneotedogoji, "Eiodi, ane Niotagodi ditibigimedi, codaa me iigo. Iniotagodetagawa leegodi magatiti anodaa diitigilo yotagatiogi nigina oko anodiletibige diginoa lixakedi codaa dogoyowoogodi inoatawece. Pida bigikeenitiogi ane diitigilo yotaga nigina oko ane degewi

ina ica lixakedi, micataga nigina nigaanigawaanigi analeedaga diwaxinaga. <sup>26</sup>Jogetetagawa Eiodi, leegodi jigidaagida nigica anemaani mawii.”

<sup>27</sup>Jesus meetediogi, “Eiodi ja yajigote ibaagadi inoatawece. Agica ane yowoogodi Lionigi Aneotedogoji, iniokiniwatada Eiodi me idowoogodi. Codaa agica ane yowoogodi Eiodi, emokee ane Ee Lionigi, inaa nigina oko ane jao monadi Eiodi.

<sup>28</sup>Anagi meetaga akaamitawecetiwaji baanaga anigaaxetema gadewiga leegodi me micataga dogoyagatitiwaji noyagaka ane iwaagadi, oada jao manipenitema gadawikodico. <sup>29</sup>Micataga nigina ewalaile me yoyagadi lotoinagatiyegi aneo me yakadi me ilakidetice niotagodi me diba, oada idaaeni oleetibige madadiwagatitiwaji codaa adiniigaxinitece iigaxinaganenegeco, igaataga Ee okaagegi codaa agee anagaxakenegegi, oada jagakatitiwaji ganipenagadi anele. <sup>30</sup>Igaataga gadotoinagatiyegi ane jajigotagawa agadibeyacagati, codaa gadoyagagi ane jajigotagawa aiwaagadi.”

**Jesus ane Goniotagodi baaniginiaa niigetedogowa ane jaoga nigina me saabado (noko anodeemitibige judeutedi leegodi niigenatakanenegi)**  
(*Marcos 2.23-28; Lucas 6.1-5*)

**12** <sup>1</sup>Oada naga saabado, Jesus ja yakagiditedeloco ica nixogotagi ane dinanateloco leyeema. Nigijo anodiotibece ijo mijoataga, ja nigodi nigigi. Oada jogonotegi ligegi leyeema oyeligo lolagi. <sup>2</sup>Pida ijoa icoa fariseutedi anonadi nogonotegi ligecidi leyeema. Nogonadi, oada moditalo Jesus, “Digawini! Nigidi anodiotibigagadici jogowo ane yolitogodomi gonajoinaganenegi nigina me saabado.”

<sup>3</sup>Oada Jesus ja igiditediogi, mee, “Ajawienataka nigica malomegeniteloco ane loenatagi Davi nigijo jotigide, Davi icaagicoa lokaagetedi nigodi nigigi. <sup>4</sup>Davi naga dakatiwece ligeladi Aneotedogoji, oada ja yeligo nigijoa paantedi baanaga oibootalo Aneotedogoji, ligiwepodi lokaagetedi. Pida gonajoinaganenegi godiige me digica ane yakadi me yeligo nigijoa paantedi. Ijokijoa sacerdotitedi moyakadi moyeligo nigijoa paantedi. <sup>5</sup>Eleditace, midiwa Aneotedogoji lotaga, idi liwai ane iditini Moisés, iwoteloco sacerdotitedi me yakadi mowo libakedi nigina me saabado, oada jigidaagee, agoyotete niigenatakanenegi ane godoli me jibaaga nigina me saabado, pida anilaagetedipi. Oada ajawienataka negeliodi malomegenitibigelogo nigidiwa notaga. <sup>6</sup>Ejitagawatiwaji digoina gadiwigotigi ini oko ane dagaxa me gonegegi catedi Aneotedogoji ligeladi. <sup>7</sup>Aneotedogoji lotaga mee, ‘Jemaa nigina oko moiwikodeeledi oko, pida ajemaa nigina oko moyeloadi eijeegagi monibootiwa.’ Dogowoogotitiwaji ane diitigilo niginoa notaga, agotaga galaagetedipi nigijo ane digica leemidi. <sup>8</sup>Igaataga Ee, Goneleegiwa ane jicogotibigimece ditibigimedi, ida inagatetigi me idalagata nigica ane jakataga me jaoga nigina me saabado.”



**Jesus icilatidi ica goneleegiwa me saabado**

*(Marcos 3.1-6; Lucas 6.6-11)*

<sup>9</sup>Jesus naga noditedice nigijo aneite, odaa jigigo manitaga liikanagaxi judeutedi. <sup>10</sup>Odaa ini ica goneleegiwa beyagi libaagadi, alejaado. Pida idi nigijoa nelogododipi Jesus odoletibige me nilaagedi. Joanigidaa leegodi moige, moditalo, “Ijo gonajoinaganegegi, domige godika me jicilatitaga eelotaginaga ina me saabado?”

<sup>11</sup>Odaa ja igidi Jesus, meetediogi, “Digini nigina akaamitiwaji anokanitece niwaxacoco, oditaga daxaboketinece begi nigina me saabado, odaa domigetaga dinoniciwagaditibece me nogatice niwaxacoco midataga begi. <sup>12</sup>Pida nigina oko бага dagaxa mida niwaló catedi waxacoco. Odaa jaganatitiwaji gonajoinaganegegi me daga godoli me jaoga anele nigina me saabado.” <sup>13</sup>Odaa jegeete nigijo goneleegiwa alejaado, “Ixokenitice gabaagadi!” Odaa ja ixoketice libaagadi, odaa ja ici libaagadi, ja liciagi nigijo catedi. <sup>14</sup>Odaa nigijoa fariseutedi ja noditicoaci, odaa ja dinatecogotee odinotaganegetigi nimawenegegi moyeloadi Jesus.

**Ica liotagi Aneotedogoji ane iolatedice**

<sup>15</sup>Nigijo Jesus naga yowoogodi modoletibige moyeloadi, odaa ja noditedicogi aneite. Eliodi oko odiatece, codaa nicilatiditedi ijotawece neelotaginadi anoyadeegitalo. <sup>16</sup>Pida najoitenedi wace me digica anoyelogodita. <sup>17</sup>Odaa joanigidaa negeote micotece nigijoa lotaga Isaias, nigijo ane yelogoditedibece lowooko Aneotedogoji nigijo jotigide, me yalagatalo Jesus, nigijo mee,

<sup>18</sup> “Digawini!

Etiniwa Iotagi,  
ane jiolatedice.

Jemaa, codaa eliodi meote me idinitibeci.

Jixotiogilo Iwigo.

Odaa ja yatematitediogi nigina noiigi nigina ane igenaga,  
codaa me eetetece micota me jiwi anejigotiogi nigina noiigi  
leegodi loenataka.

<sup>19</sup> Niginiwa Iotagi adinotigimadetetege oko,  
otegexaagaga yapaawe oko.

Adinigetagatee me dotaga aneitice me yatecogo oko minoa nigotadi.

<sup>20</sup> Doweditedeloco oko ane degeliodi eliwagatakanegegi,  
ane liciagi nagana niale libiwe ane dinoke,  
codaa ayaagadi eliwagatakanegegi,  
nigina oko ane liciagi nadegogo anokexaa dogocilagade.  
Eote nigida libakedi

nigepaa igeke inoatawece ane beyagi.

<sup>21</sup> Odaa inatawece ane noiigi onibeotege meote me newigatace.”



### Jesus iniaa Belzebu

(*Marcos 3.20-30; Lucas 11.14-23*)

<sup>22</sup>Nigidiaagidi jōgonadeegitalo Jesus ica gōneleegiwa ane dakatiogi niwigo abeyacegegi aneo me gōlaga codaa mewalōgonaga. Odaa Jesus ja icilatidi, ja yakadi me dotaga, codaa me yatetacibece. <sup>23</sup>Odaa nigijo noiigi-nelegi jōgoyopo, odaa modi, “Manigidaagidoa icoa anida aneetetege licōgegi Davi ane niige Aneotedōgoji me gōdaxawa?”

<sup>24</sup>Pida nigijoa fariseutedi nogowajipatalo nigijoa lotaga nigijo noiigi, odaa jōgoigidi, moditiogi, “Yakadi me iticoitedice niwigo abeyacegegi leegodi Belzebu yajigotalo loniciwaga, nigijo lacilo niwicidi abeyacagaga.”

<sup>25</sup>Jesus yowoogoditidiwe lowoogo, odaa meetediogi, “Nigidi noiigi ane dawalacetiwege, odaa dinidelege, nigidi noiigi icota me dinaagadi. Codaa nigidi nigeladimigipitigi nigotaga, ogoa domige dinoiigiwepodi, ane dawalacetiwege, codaa dinidelege, icota mepaa dinaagadi. <sup>26</sup>Odaa niginoa ane liotaka Satanás nigoticoitedice eletidi liotaka Satanás, odaa ja dawalacetiwege, odaa icota me ma loniciwaga Satanás. <sup>27</sup>Menitiwaji me jiticoitedice niwicidi abeyacagaga leegodi Belzebu, ane Satanás, me najigotiwa yoniciwaga. Enice ame yajigotiogi anodiotibigadici loniciwaga moiticoitice niwigo abeyacegegi? Odaa nigidi anodiotibigadici oiikee makamaga adininaalenitiwaji. <sup>28</sup>Pida nigina me jiticoitice niwigo abeyacegegi, jatika loniciwaga Aneotedōgoji Liwigo. Odaa joanigidaa me jikee Aneotedōgoji naga iige laalegenali oko gadiwigotigitiwaji.

<sup>29</sup>Digowoo nigina gōneleegiwa loniciwēgenigi. Agica ane yakadi me dakatiwece ligeladi, oditaga dolicetalo ane nepilidi nige daga odoejegi me oigoetini. Idokida nige oigoetini nigini gōneleegiwa loniciwēgenigi odaa bogoyakadi moyadeegi ane nepilidi. <sup>30</sup>Nigina oko ane daga dibatigi, odaa yakapetegi. Codaa nigina ane daga idaxawa me nadeegitalo Aneotedōgoji oko, odaa nigini oko inibeyacagatagodi, codaa eo oko mepaanaga leegitalo moyototedice Aneotedōgoji. <sup>31</sup>Joanigidaa leegodi mejitagawatiwaji Aneotedōgoji me ixomagateetedice inoatawece ane latopaco libeyacegeco oko, codaa niginoa lotaga ane beyagi modotagatibige. Pida Aneotedōgoji baadaga ixomagateetedice nigina oko modotagatibige Liwigo. <sup>32</sup>Codaa бага yakadi me ixomagateetedice nigina oko modotagatibigiji, Ee, Gōneleegiwa ane jicogotibigimece ditibigimedi. Pida Aneotedōgoji baadaga ixomagateetedice nigina oko me beyagi modotagatibige Liwigo, aixomagateetedice nigina natigide, otegexaagaga nigidiaagidi.

### Jowoogotaga niale leegodi ela

(*Lucas 6.43-45*)

<sup>33</sup>Nagana niale nigele, odaa elali eletidi ele, pida nige degele nagada niale, odaa elali idaagee beyagi. Jakataga me jowoogotaga niale leegodi niginoa elali ane yajigo. <sup>34</sup>Nigida makaamitiwaji gadiciagi laketedi ane diniweneene. Akaami abeyacagatetiwaji, odaa agakati me gadalaki anele.

Igaataga godotaga ane icogotiwece gonioladi, icogotiwece godaalegena. <sup>35</sup>Nigina oko anele, nolee laalegena niginoa anele, codaa lotaga inokinoa anele. Nigina oko ane beyagi laalegena, odaa yalagata inokina ane beyagi.

<sup>36</sup>Ejitagawatiwaji nigica noko Aneotedogoji nige iwi anigote me iloikatidi oko leegodi libeyacegeco, odaa laagetedipi nigina oko anoyalaga inokina ane ibeyacagadi lewiga eledi oko. Codaa leeditibige moyelogoditalo Aneotedogoji ane leegodi modi nigijoa notaga ane beyagi. <sup>37</sup>Igaataga nigica noko Aneotedogoji eetedagaloco makaami nigica oko anele nige gadalakita inokina anele, pida nige inoka gadalakita ane beyagi motagani, odaa Aneotedogoji eetedagaloco makaami oko ane beyagi, odaa ja gadiloikatiti.”

**Judeutedi odipokotalo Jesus meote godoxicegedi me ikee mewi me niige Aneotedogoji**

*(Marcos 8.11-12; Lucas 11.29-32)*

<sup>38</sup>Nigidiaagidi onidiwa onatecigijo nigijo anodiigaxinagatece lajoinaganegeco Moisés, icaagicoa fariseutedi igotibeci midoataga Jesus, odaa moditalo, “Niigaxinaganaga, jemaanaga mawii godoxicegedi bidige anikeenitogowa mewi me Aneotedogoji gadiigeni, codaa me yajigotedagawa gadoniciwaga.”

<sup>39</sup>Jesus naga igidi, meetediogi, “Nigina noiigi aninaa niginoa nokododi abeyacegegipi, codaa me agaleegoyiwagadi Aneotedogoji. Oyemaa Aneotedogoji meote godoxicegedi ane ikee me najigotediwa yoniciwaga, codaa me idiige me jao ibakedi. Pida Aneotedogoji ageote eledi godoxicegedi anakati manatitiwaji. Igaataga nigijo jotigide akaa ikee Aneotedogoji me idiige leegodi nigijo ninyaagi Jonas, nigijo ane yelogoditedibece lowooko Aneotedogoji. <sup>40</sup>Nigijo Jonas me idei catiwedi le nogojegi nelegi, ane yalitini, odaa idiaagi le itoatadigida nokododi, itoatadigida enoaleli. Odaa jigidagageji Ee, Goneleegiwa ane jicogotibigimece ditibigimedi, etidaligiti itoatadigida nokododi, itoatadigida enoaleli. <sup>41</sup>Nigica noko Aneotedogoji nige iwi anigote me iloikatidi oko leegodi libeyacegeco, nigijo oko ane nigeladimigipitigi nigotaga Nínive nige dabiditiniwace me newigatace, odaa jagakaami nilaagetedipi, leegodi mepaga odinilaatece libeyacegeco nigijo nogowajipatalo lotaga Jonas. Jemaa mejitagawatiwaji, nigida me Ee dagaxa me Ee gonegegi catedi Jonas, pida idokee agadinilaanitece gabeyacegeco nigijo naga ajipaatalo yotaga. <sup>42</sup>Codaa nigica noko nagajo iniona, ane icogoticogi natinediteloco, nige yewigatace, odaa jagakaami laagetedipitetiwaji, igaataga baga leegitece me diniwaje migo wajipatalo liigaxinaganegeco Salomão, nigijo anowidi lixaketedi. Odaa digawini! Ee, ane dagaxa me Ee gonegegi catedi Salomão, ite Ee digoina makaamitagatiwaji. Pida agemaanitiwaji majipaatalo iigaxinaganegeco.

**Anodaagee nigina oko nogopitaceloco niwigo abeyacegegi**

*(Lucas 11.24-26)*

<sup>43,44</sup>Nigina niwigo abeyacegegi me noditicogi nigina oko, odaa jigigeteloco nipodaga ane yadilo codaa me daxixe, doletibige ane lotokagadi.

Pida nige digica yakadi lotokagadi, odaa mee me dotaga, ‘Ejime jopitacicogi igeladi ane jicogoticogi.’ Nigopitio, odaa jigicota ligeladi me digica ane itidi, yapidi, codaa me ilaagatini. <sup>45</sup>Odaa jigigotiogi eletidi seete niwicidi ane dagaxa me abeyacagaga modigeladetigi nigini oko. Odaa jigidaa leegodi nigini oko jegepaanaga abeyacegegi caticedi nigijo anee jotigide. Odaa icota midaagee, nigina noiigi ane abeyacegipi aninaa niginoa nokododi.”

**Ica loiigiwepodi Jesus**  
(*Marcos 3.31-35; Lucas 8.19-21*)

<sup>46</sup>Egidaa diiticogi Jesus me notaganegetediniwace nigijo noiigi, odaa nagajo eliodo, ijaagijo nioxoadipi jogototicogi aneite. Odaa idiaagiticoaci we nigijo diimigi aneitedice Jesus, odoletibige moyotaganee. <sup>47</sup>Odaa ica goneleegiwa meetalo Jesus, “Gadiodo, ganioxoadipi etidi we. Domogoyemaa metigadotaganegeni.”

<sup>48</sup>Odaa Jesus naga igidi nigijo goneleegiwa ane ibodicaxi, meeteta, “Amaajo aca eiodo? Codaa amiidi ica inioxoadipi?” <sup>49</sup>Odaa ja dikeenatakatediogi nigijo anodiotibece, mee, “Digawini! Nagani begeiido, codaa nigidi begewi me inioxoadipi! <sup>50</sup>Igaataga inatawece nigina anowo ane yemaa Eiodi ane ideite ditibigimedi, joaniginaa begewi me inioxoadipi, iniwaalepodi, codaa me eiodo.”

**Jesus yatemati natematigo ane iciaceeketege nigina anetanaga**  
(*Marcos 4.1-9; Lucas 8.4-8*)

**13** <sup>1</sup>Ijaagijo nigijo noko Jesus ja noditedice nigijo diimigi, odaa jigigo liniogotibece niweiigi Galiléia. Odaa jigidiaa nicote me iigaxi ijo noiigi-nelegi. <sup>2</sup>Eliodi oko anototalo, odaa jogoyawiile. Joanigidaa leegodi naga waxoditedinigi ajo etogawaana, odaa ja nicotedinigi. Pida nigijo noiigi бага dabiditiniwace liniogotibece ninyogodi. <sup>3</sup>Odaa Jesus ja iigaxi nigijo noiigi. Naga niigaxitediniwace, yatemati owidi natematiko anida ane iciaceeketege. Odaa mee me datematika, “Ica goneleegiwa onigo lixogotagi etanaga, odaa yadeegi nolacidi. <sup>4</sup>Naga yaladitedibece nigijoa nolacidi meyatedini, onicoa lolacidi aneniteloco liniogotibece naigi. Odaa ilaagaxodi jogonogoya. <sup>5</sup>Icoa eletidi lolacidi bogoneniteloco wetiadawaanaga, ane degewi mica iigo. Nigijoa lolacidi yediiga me nokologo leegodi iigo aleegitinece. <sup>6</sup>Pida naga dapicogo aligege, odaa ja yalegi nawodigijedi, odaa ja yadilo leegodi aleegitinece litodi. <sup>7</sup>Odaa icoa eletidi lolacidi bogoneniteloco ipelakijadi. Odaa nigijo ipelaga naga ili, odaa ja yapogoditedini nigijoa nawodigijedi. <sup>8</sup>Pida eletidi lolacidi bogoneniteloco iigo anele. Odaa бага ili codaa etaye, yajigo owidi ligecidi. Idatecibece libatadi yajigo onaniteci taalia ligecidi, idaageledi бага yajigo seseenta, idatibece бага triinta. <sup>9</sup>Nigina oko ane wajipatalo yotaga, leeditibige me watacotece.”

**Ane leegodi Jesus me yatemati natematiko anida ane iciaceeketetege**  
(*Marcos 4.10-12; Lucas 8.9-10*)

<sup>10</sup>Odaa nigijo anodiotibece Jesus jogototalo, odaa jogoige, moditalo, “Igaamee ina mabakeni natematigo anida ane iciaceekenitege, ina matematikanitema ina oko?”

<sup>11</sup>Odaa Jesus ja igidi, meetediogi, “Aneotedogoji бага yemaa me ikeetedagawatiwaji ane nimawenegegi me iige laalegenali oko, ane digica ane yowoogodi anodaagee. Odaa baadaga ikeetediogi nigina eledi oko. <sup>12</sup>Odaa Aneotedogoji enegegi ikeete nigina oko baanaga oyowoogodi anodaagee me iige laalegenali. Codaa noga lixakedi nigina oko ane daga yemaa me yowoogodi anodaagee me iige laalegenali oko, icaagica nige domiginiawaanigi nigini oko lixakedi. <sup>13</sup>Joanigidaa leegodi mepaga jibake natematiko anida ane jiciaceeketege nigina me jatematikatiogi nigina oko. Odaa etidadi pida agetidowoogodi. Codaa owajipatalo yotaga, pida agodibatege, codaa agoyowoogodi ane diitigilo. <sup>14</sup>Odaa nigida anee jogowo micotece nigijoa lotaga Isafas, nigijo ane yelogoditedibece lowooko Aneotedogoji nigijo jotigide, nigijo naga iditini ane ligegi Aneotedogoji, negee,

‘Icota majipaatiwaji,  
pida agowoogoti ane diitigi.  
Icota mawinitiwaji,  
pida agica daga anatitiwaji.

<sup>15</sup>Leegodi oyakakagadi laalegenali,  
codaa adinajipake,  
codaa adoletibigiwaji.  
Dagaleetigidaagee nigidi noiigi,  
togoyakadi monadi,  
codaa mowajipatalo yotaga,  
codaa togoyowoogodi ane diitigilo,  
codaa togodopitiwa oditaga jinicilatiditiniwaci.’

<sup>16</sup>Pida aniniitibecetiwaji leegodi akati manati, codaa majipaatalo yotaga. <sup>17</sup>Ejitagawatiwaji nigina anewi. Eliodi nigijo anoyelogoditedibece lowooko Aneotedogoji codaa eliodi oko ane igenagatibigiwaji domogoyemaa monadi niginoa analeeganati, pida agonadi, codaa domogoyemaa mowajipatalo niginoa yotaga anajipaatalo, pida agowajipatalo.

**Jesus yelogodi anodaa diitigi natematigigi nigijo anetanaga**  
(*Marcos 4.13-20; Lucas 8.11-15*)

<sup>18</sup>Natigide anajipaatiwaji, codaa adiniigaxinitece anodaa diitigi natematigigi nigijo oko anetanaga. <sup>19</sup>Nigina anowajipata natematigo ane yalagata anodaagee Aneotedogoji me iige laalegena oko, pida agoyowoogodi ane diitigilo, nigina

oko liciagi nigijoa lolacidi anenitedini naigi liniogotibece. Leegodi godaxakawa negenagi, odaa ja nogatedice lotaga Aneotedogoji ane ideite catiwedi laalegena digo mijoataga nigijoa ilaagaxodi monoga nigijoa lolacidi midi naigi. <sup>20</sup>Nigijoa lolacidi anenitedini midiwataga wetiadawaanaga baga liciagi nigina oko ane wajipatalo natematiko, odaa dibatege, codaa me ninitibigiwaji. <sup>21</sup>Pida liciagi nigijoa lolacidi anenitedini midiwataga wetiadawaanaga naga nokologo aleegitinece litodi, jigidaagee nigina oko ane degewi monakato Aneotedogoji, odaa aleegi jegeyamagaticoace nigina menagi lawikodico, codaa nigina moiatetibeci. <sup>22</sup>Nigijoa lolacidi anenitedini miditaga ipelakijadi, liciagi nigina oko anowajipata natematigo, pida owidi inoa ligecagalegetedi leegodi ane yopotibige, odaa odoletibige mowidi niliicagajetecidi, odaa epaa dininaale. Odaa jigidaa leegodi agalee ewianaga oyowo natematigo, odaa natematigo agica daga iigi ane lakataga me yewiga. <sup>23</sup>Pida nigijoa lolacidi anenitedini miditaga iigo anele, begetaye, idatecibece libatadi yajigo onaniteci taalia ligecidi, codaa idatecibece yajigo seseenta ligecidi, idaageledi yajigo triinta ligecidi. Nigijoa lolacidi liciagi nigina oko anowajipata natematigo, odaa oyowoogodi ane diitigi. Odaa natematigo ja iigi lewiga nigina oko eo mowo anele.”

#### **Jesus yatemati latematigo ane iciaceeketetege nadegogo ane diniweneene**

<sup>24</sup>Jesus yatematitediogi nigijoo noiigi eledi natematigo anida ane iciaceeketetege, meetediogi, “Nigina Aneotedogoji me iige oko laalegena, liciagi nigina goneleegiwa aneyatini nolacidi anele miditaga lixogotagi. <sup>25</sup>Ica enoale naga niotaga liotaka, odaa jegenagi nigica laxakawa. Odaa nigini laxakawa ja yokoletedice eletidi lolacidi liwigotigi nigijoo leyeema. Nigicoa lolacidi one diniweneene, codaa one latopiwa leyeema. Odaa jogopi nigijoo laxakawa. <sup>26</sup>Naga ili nigijoo leyeema, odaa ja yelogo ligecidi. Odaa jagaga yelogo nigijoo nadegogo ane diniweneene. <sup>27</sup>Odaa liimetedi nigijoo bajendeoodi jigigotibeci midataga, odaa modita, ‘Gonecalailegi, nigida makaami geme anitedi lolacidi anele. Enice, igame icogoticogi ina nadegogo ane diniweneene?’ <sup>28</sup>Odaa ja igidi, meetiogi, ‘Yaxakawa libakedi.’ Odaa liimetedi jogoige, modita, ‘Emaani me inawacenaga ina nadegogo ane diniweneene?’ <sup>29</sup>Odaa ja igidi, meetiogi, ‘Ogoa! Igaataga daga anawaceni nigida nadegogo, doidetibige magaga anawaceni leyeema libatadi. <sup>30</sup>Dioki leyeema epaagawatege nadegogo me ili nigepaagicota limedi me inopilagatagatio. Nigica noko, ejitiogi anonakagidi leyeema, “Odoejegi manawaceniwajiji nigina nadegogo ane diniweneene, codaa awiitibige ligoxe, odaa okolenitiogi noledi. Nigidiaagidi jagaga aladieni leyeema, odaa baga anopilagatitiwece diimigi aneitece me jotete yawodigijedi.” ’”

#### **Natematigigi lolagi aca “mostaada” icaagica ane yaboogodi leyeema (Marcos 4.30-32, 33-34; Lucas 13.18-19, 20-21)**

<sup>31</sup>Jesus yatematitediogi nigijoo noiigi eledi natematigo anida ane iciaceeketetege, meetediogi, “Nigina Aneotedogoji me iige oko laalegenali,

liciagi nagana lolacawaana ‘mostaada’ ane dibata goneleegiwa, odaa jegeyateloco lixogotagi. <sup>32</sup>Nagani lolagi dagaxa me lionawaana liwigotigi inoatawece eletidi ane niale lolacidi. Pida nige ili, odaa yayoketacedice inoatawece ane godawodigijedi, codaa ili nigeppaa icota me niale nelegi. Codaa ilaagaxodi owote libatoli midoataga libiwedi.”

<sup>33</sup>Odaa Jesus ja yatematitediogi eledi natematigo, meetediogi, “Nigina Aneotedojoji me iige oko laalegenali, liciagi nigina ane yaboogodi leyeema anoibake iwaalepodi. Nige yawanagaditege itoatadigida baxia leyeema, odaa nigica labookojegi jegeo me ili, dabo initawece nigini leyeema.”

<sup>34</sup>Jesus idioka limedi me yelogodi natematiko anida ane iciaceketetege nigina me iigaxi nigina noiigi. Nigina me niigaxitediniwace, agica daaditaga ibaketeda natematigo anida ane iciaceketetege. <sup>35</sup>Nigijo Jesus me datematika, eote micotece lotaga nigijo ane yelogoditedibece Aneotedojoji lowooko nigijo jotigide negee, “Jatemati natematigo anida ane jiciaceketetege, nigina me jatematikatema.

Codaa jelogoditiogi nigina ane digica moyowoogodi nigijo maleekoka yoeteda Aneotedojoji nigina iigo.”

### **Jesus yelogodi anodaa diitigi nigijo natematigigi nadegogo ane diniweneene**

<sup>36</sup>Jesus naga ibode nigijo noiigi-nelegi, odaa jigigo minitaga ica diimigi. Naga dakatedio, nigijo anodiotibece jogodipegitalo, odaa jogoige, moditalo, “Anelogotitogowa ane diitigi nigijo natematigigi nadegogo ane diniweneene.”

<sup>37</sup>Odaa ja igidi Jesus, meetediogi, “Nigijo aneyatedini lolacidi anele jegemegee, Ee, Goneleegiwa ane jicogotibigimece ditibigimedi. <sup>38</sup>Nigijo nixogotagi бага nigina iigo anejonagateloco. Nigijoa lolacidi anele бага nigina oko anida aneetege Aneotedojoji, leegodi me iige laalegenali. Odaa nigijo nadegogo ane diniweneene бага nigina oko anida aneetege godaxakawa, ane abeyacegegi. <sup>39</sup>Nigijo aneyatini nadegogo ane diniweneene бага diaabo, ane godaxakawa. Nigijo noko me dinopilagaditedio nawodigijedi бага nigica noko nigicota liniogo nigina iigo. Odaa nigijo anonioda leyeema бага aanjotedi.

<sup>40</sup>Mijoataga nigijoa niimetedi anonawace nadegogo ane diniweneene, odaa jogoyalegi mini noledi, odaa jigidaagee nigicota me ma nigina iigo. <sup>41</sup>Ee, Goneleegiwa ane jicogotibigimece ditibigimedi, jiniige iniaanjotedi anodibatomi moiomagadi oko anowo ane beyagi, codaa anowo eledi oko minoa libeyacegeco. Odaa iniaanjotedi jogonogaticoace nigidi oko liwigotigi nigidi eledi oko anepigida anejitege. <sup>42</sup>Odaa jogoyokoletiwewece nigidi oko catiwedi noledi ane daga ipe. Odaa jigidiaagitice oko me noenagateloco, codaa oyacigice lowe leegodi lawikodico. <sup>43</sup>Pida nigina oko ane igenagatibigiwaji anida anejitege бага dataletibigiwaji lodoe Aneotedojoji, ane Eliodi, liciagi aligege me datale. Nigina oko ane wajipatalo yotaga, leeditibige me watacotece!

**Jesus yatemati natematigo ane iciaceeketetege aca  
nalicexe acaagaca wetiga ane diniwaloe**

<sup>44</sup>Nigina Aneotedogoji me iige nigina oko laalegenali, liciagi nagana nalicexe aneiteloco nipodigi. Odaa ica goneleegiwa jona yakadi, pida one naligitacini. Odaa eliodi me ninitibece, codaa jegeyaa icoatawece ane nepilidi, nigidiaagidi jogopitacijo migo me dinoojeteta nigijo nipodigi eotibige me nebi nagajo nalicexe.

<sup>45</sup>Eleditace nigina Aneotedogoji me iige oko laalegenali, liciagi nigina anootekegi ane doletibige me dinoojeteta wetiga ane diniwaloe. <sup>46</sup>Odaa nagani lakate wetiga aneliodi niwaló, odaa jigigo meyaa ijoatawece ane nepilidi. Odaa ja dinoojeteta nagaca wetiga ane diniwaloe.

**Natematigigi neladi lajo modibatalo nogojedi**

<sup>47</sup>Nigina Aneotedogoji me iige oko laalegenali, liciagi nigina neladi anoyokoletinigi weiigi. Nigina neladi dibatalo inoatawece ane latopaco nogojedi. <sup>48</sup>Odaa nigina neladi naga nolee nogojedi, nigina nomiigomigipi oixigiticogi daato, odaa nicotiniwace moiomagadi nogojedi. Niginoa nogojedi anele bogoyexagatinigi nagaagaxi, pida niginoa nogojedi ane degeleteda me jelicaga bogoyaladi. <sup>49</sup>Nigica noko nigicota liniogo nigina iigo, jigidaagee. Aanjotedi enagitibeci, moiolaticoace oko, odaa onogatedice niginoa oko abeyacagaga liwigotigi nigina oko anepaga igenagatibigiwaji. <sup>50</sup>Odaa oyokoletiogi nigidi oko abeyacagaga catiwedi noledi ane daga ipe. Aneitice oko me noenagateloco, codaa oyacigice lowe leegodi lawikodico.”

**Niigaxinaganegeco geladi idiaa icoa niigaxinaganegeco laxokodi**

<sup>51</sup>Jesus igetediogi nigijo anodiotibece, meetediogi, “Migowoogotitecetiwaji ijoatawece ijoa yatematiko?” Odaa jogoigidi, moditalo, “Jowoogotaga, Goniotagodi”. <sup>52</sup>Odaa meetediogi, “Enice digawini! Inatawece niigaxinaganadi anodiigaxinagatece lajoinaganegeco Moisés, nigina naga ikatece Aneotedogoji me iige laalegena, ja liciagi nigina eniodi anani lotetenaganagaxi aneyate niginoa nepilidi ane diniwaloe, odaa yakadi me diba nigina ane gela, ogoa, domige nigina baanaga oxiiigodi, me yajigotiogi lionigipi. Jigidaagee nigijo niigaxinaganaga yakadi me diigaxinagatece nigina niigaxinaganegegi gela, codaa me nigina oxiiigodi niigaxinaganegegi.”

**Nigeladimigipitigi nigotaga Nazaré agonakato Jesus  
(Marcos 6.1-6; Lucas 4.16-30)**

<sup>53</sup>Nigijo Jesus naga ika me yatemati nigijoa latematiko aninoa ane iciaceeketetege, odaa ja noditedice nigijo aneite. <sup>54</sup>Odaa jogopitedicogi manitaga epaa nigotaga. Nigijo naga diigaxinaga mani niiakanagaxi, odaa nigijo anowajipatalo jogoyopo leegodi liigaxinaganegegi. Odaa ja dinigetiwage, modi, “Igame yakadite icoa lixaketedi? Codaa igame icogotigi loniciwaga



meote godoxicegetedi? <sup>55</sup>Nigidoa lionigi nigijoda gapinteelegi. Codaa nagajoda eliodo godowoogota, Maria. Codaa Tiago, José, Simão ijaa Judas nioxoadipi. <sup>56</sup>Codaa me niwaalepodi inaa ligeladi digoina Nazaré. Enice, igamigodaagee ica me yakadi me diigaxinaga, codaa meote godoxicegetedi?” <sup>57</sup>Odaa agica mowote. Pida Jesus meetediogi, “Idioka limedi moiwenigide nigina ane yelogoditedibece lowooko Aneotedogoji. Pida aniokani epaa nigotaga codaa me ligeladi, baadogoiwenigide.” <sup>58</sup>Odaa Jesus onatecigijooa godoxicegetedi aneote manitaga epaa nigotaga, leegodi nigidi nigeladimigipi agonakato.

### Lemegegi João Batista

(*Marcos 6.14-29; Lucas 9.7-9*)

**14** <sup>1</sup>Nigijooa nokododi Herodes, ninionigi-eliodi nipodigi Galiléia, ja dibodicetibige Jesus. <sup>2</sup>Odaa meetiogi liotagipi, “Ejime nigidaa João Batista, ejinaga yewigatace me ideide aneiticoace émagaga. Odaa leegodi naga yewigatace, odaa jigida loniciwaga meote godoxicegetedi.”

<sup>3</sup>Herodes eote nigijooa lotaga leegodi jigijaa diigenatakata moniwilo João, moigoe libaagatedi, odaa jogoixotiwece niwilogonagaxi. Idigigota João leegote Herodias ane lodawa Filipe nioxoa Herodes. (Herodias ja lodawa Herodes ane niniwoodi.) <sup>4</sup>João ijo meeta Herodes, “Goniigenatakanegegi yolitagadomi me gadodawa nagani lodawa ganioxoa.” <sup>5</sup>Odaa Herodes ja domaga yemaa me yeloadi João, pida doitiogi nigidi noiigi, leegodi oyowoogodi João minigina ane yelogoditedibece lowooko Aneotedogoji.

<sup>6</sup>Nigicota ica lanikegi Herodes, odaa ja naloogo. Aca liona Herodias ja dinibaile lodoe iditawece nodenigipi, odaa Herodes eliodi me ninitibece. <sup>7</sup>Odaa jegeo ligegitege nagajo awicije meo nogeedi okanicodaagica ane dipokotibige.

<sup>8</sup>Nagajo eliodo ja yelogodita ica ane lipoketegita Herodes. Odaa jigigo nagajo awicije minitaga Herodes, odaa meeta, “Jemaa me anajicitiwa lacilo João Batista exakitinigi ginogo nigina natigide.”

<sup>9</sup>Odaa Herodes, inionigi-eliodi, jagagecagalo. Pida jegeo nigijooa ligegi ane daga yakadi me inoke lodoe nigijooa lodenigipi me lalokegi lanikegi. Joanigidaa leegodi meo nigijooa ane lipoketegi nagajo awicije. <sup>10</sup>Odaa ja diigenatakata moyakagiditice João lacilo manitaga niwilogonagaxi. <sup>11</sup>Odaa jogonadeegi lacilo João oyexagatinigi ginogo, odaa jogoyajigota nagajo awicije, odaa ja yadeegita eliodo nigijooa ginogo. <sup>12</sup>Nigijooa anodiotibeci João jigigotibeci, odaa jogoyadeegi lolaadi monaligitini. Nigidiaagidi jigigotibeci oyatematitalo Jesus.

### Jesus niodegetedini noiigi-nelegi

(*Marcos 6.30-44; Lucas 9.10-17; João 6.1-14*)

<sup>13</sup>Nigijooa Jesus naga dibodicetedibige ane ninyaagi João, odaa ja noditedice nigijooa aneite, waxoditedinigi niwatece, igo mokijoatece miditaga nipodigi ane digica nigeladimigipi. Pida ijo noiigi-nelegi jogoyowoogodi ane diitedicogi, odaa ja noditicoaci nigotadi, jigigotibeci onewaligitibigiwaji moigaa latece Jesus.



<sup>14</sup>Igaanaga waxoditedice niwatece, odaa ja nadi nigijjo noiigi-nelegi. Odaa eliodi me iwikodetediogi nigijjo noiigi, odaa ja nicilatiditediniwace neelotaginadi.

<sup>15</sup>Naga ɣocidi, nigijjo anodiotibece Jesus jogodiitalo, odaa moditalo, “Ja ɣocidi, codaa aɣica nigeladimigipi nigina nipodigi anejonaga. Iigeni nigina noiigi mopitibeci, amaleegaga igotibeci minoataga niginao nigotadawaanaga modinoojetetigi anoyeligo.” <sup>16</sup>Pida Jesus naga igidi, meetediogi, “Aleeditibige dogopitibeci. Akamagakaamitiwaji ajicitiogi anoyeligo!” <sup>17</sup>Odaa nigijjo anodiotibece jogoigidi, moditalo, “Idiwa mina ciinco paontedi, idiaa itiwataale nogojedi, pida aɣabo!”

<sup>18</sup>Odaa jegee Jesus, “Anadeegitediwa nigicoa paontedi idiaagidioda icoa nogojedi!” <sup>19</sup>Odaa ja iige nigijjo noiigi monicoteloco nadegocawaanigi. Odaa Jesus ja dibate nigijjoa ciinco paontedi ijaagijjoa itiwataale nogojedi. Odaa naga iwitedibigimece ditibigimedi, odaa ja diniotagode Aneotedogoji. Naga ninoketedini paontedi, odaa ja yajigotediogi nigijjo anodiotibece monediatiniwace nigijjo noiigi. <sup>20</sup>Odaa ijotawece niodaga, codaa me nitiminaga. Nigidiaagidi nigijjo anodiotibece jogoniodatece liwailidi ane iigotedice. Odaa jognoleenagadi dooze etacanitedi. <sup>21</sup>Nigijjo noko ejinaga domaga ijoo ciinco miili ɣoneleegiwadi ane niodaga, pida baadogoyowoogodi ane liwokodi iwaalepodi inaa nigaanigipawaanigi ane niodaga.

**Jesus ewaligitedeloco ditibigimedi ninyogodi**  
(*Marcos 6.45-52; João 6.15-21*)

<sup>22</sup>Aɣica daga leegi Jesus ja iige nigijjo anodiotibece mowaxoditinigi niwatece, odaa jigigotibeci daato weiigi, idaa Jesus бага nyagatedi ibode nigijjo noiigi-nelegi. <sup>23</sup>Nigidiaagidi naga iige mopitibeci nigijjo noiigi, Jesus ja dalagatetedibigimece aca wetiga migo yotaganeege Aneotedogoji mokiniwatece. Egidiaagite negenoale. <sup>24</sup>Nagaca lakata nagajo niwatece ja leegita me yototice liniogotibece weiigi. Odaa ebekadi ja igike nagajo niwatece, codaa nagajo niwatece ja dakapetege niwocotaga.

<sup>25</sup>Anigicatibige daga yelogotibige, Jesus ja iwidedediogi, jegewaligitedeloco ditibigimedi ninyogodi. <sup>26</sup>Nigijjo anodiotibece nogonadi Jesus mewaligitedeloco ninyogodi, odaa eliodi me nawelatibigiwaji, odaa modi, “Nigina niwigo!”. Odaa ja nacaagagateloco codaa doitibigiwaji.

<sup>27</sup>Pida aɣica daga leegi Jesus meetediogi, “Anipenegeni gadaalegena! Jegemegee. Jinagadoitiwaji!”

<sup>28</sup>Odaa Pedro meetalo, “Goniotagodi, nigewi nagakamagakaami, enice adiigeni magaga jawaligiteloco ninyogodi mejigo jakapetagagi.” <sup>29</sup>Odaa Jesus jegeeteta, “Anagi!” Odaa Pedro ja waxoditice nagajo niwatece, jegewaligiteloco ninyogodi migo midoataga Jesus. <sup>30</sup>Pida naga nadi niocodi me yoniciwadi, odaa ja doi, ja domaga domololetini. Odaa ja dapaawe, mee, “Iniotagodi, jiniɣikani degee ocegegi!”



(Mateus 14.31)

<sup>31</sup>Odaa agica daga leegi Jesus ja ixoketedice libaagadi me nolitedini Pedro, odaa meeteta, “Nigida makaami ageliodi gatiwagatakanegegi! Igaamee ina madawieni?” <sup>32</sup>Nigijo nogowaxoditinigi nagajo niwatece, odaa nigijo niocodi ja notokoti. <sup>33</sup>Odaa nigijo ane ideiticoace catinedi niwatece, jogodiitalo Jesus modogetetalo, moditalo, “Dicewi makaami Lionigi Aneotedogoji!”

**Jesus icilatidi eelotaginadi midi nipodigi Genesaré**

(Marcos 6.53-56)

<sup>34</sup>Nigijo naga digetacicoace nigijo weiigi, odaa jogotota nipodigi Genesaré. <sup>35</sup>Odaa nigijo nigeladimigipi jogoyowoogoditege Jesus, odaa

jogowo libodigi iditawece oko monadeegi neelotaginadi midiwataga nigijoa nipodaga anodipegitege. Odaa jogonadeegitalo ijotawece ane eelotaginadi. <sup>36</sup>Odaa jogodipokotalo mokexaa odibateloco liniogo nijayogo. Odaa ijotawece nigijo anodibateloco nijayogo ja nicilaga.

### Jesus yalagate icoa jotigide lakataga judeutedi

(*Marcos 7.1-13*)

**15** <sup>1</sup>Odaa jigigotibeci icoa fariseutedi icaagica anodiigaxinagatece lajoinaganegeco Moisés, oicogoticogi Jerusalém. Igotibeci modinotigimadetege Jesus, odaa jogoige, moditalo, <sup>2</sup>“Igame leegodi ina anodiotibigadici me dogoyiwagaditeda liigaxinaganegeco godaamipi? Igaataga agoiwilegi libaagatedi nigina me niodaga, anetigodiiigaxitece godaamipi.”

<sup>3</sup>Jesus naga igidi meetediogi, “Enice, igaamee ina me dagaga otetenitawaji liigenatakanegegi Aneotedogoji? Igaataga inoka iwitecetiawaji anakamaga gadiigaxinaganegegi ane dakapetege liigenatakanegegi Aneotedogoji. <sup>4</sup>Igaataga Aneotedogoji diigenataka, nigijo negee, ‘Eemiteetibige gadiodi, codaa me gadiodo.’ codaa mee, ‘Leeditibige moyelodi nigina ane beyagi me dotagatibige eliodi, codaa me eliodo.’ <sup>5</sup>Pida akamagakaamitiawaji бага иigaxini nigina analeegaga domigida nimawenegegi me yaxawa eliodi codaa me eliodo, leegodi jagawii me lakatigi, odaa moditiogi eliododipi, ‘Ja jajigotalo Aneotedogoji nigina ane inepilidi ane domaga jajigotedagawa’, <sup>6</sup>Leegodi menitiogi me dagalee leeditibige me deemiteetibige codaa me yaxawa nigina eliododipi. Odaa nigida aneni agaleegotetenitiawaji ane iigetedagawa Aneotedogoji, nigina me iigaxinaganitece ane gadakatigitiawaji. <sup>7</sup>Onawiitiawaji makaami oko ane igenaga. Codaa Isafas nigijo ane yelogoditedibece lowooko Aneotedogoji eetece nigina anewi, nigijo naga yalagatagawatiawaji. <sup>8</sup>Yalagata nigica ane ligegi Aneotedogoji, negee,

‘Nigidi noiigi odogetetiwa me notaganaga.

Pida catiwedi laalegena agoyemaa metidowoogodi.

<sup>9</sup>Agica niwaló nigina modogetetiwa,

leegodi odiigaxinagatece inokinoa epaa lakataga,

odaa agodiigaxinagatece ane jiigenatakata.”

### Jesus diigaxinagatece nigica aneo me napioi laalegena oko

(*Marcos 7.14-23*)

<sup>10</sup>Jesus eniditediogi nigijo noiigi modipegitalo, odaa meetediogi, “Ajipaa amaleegaga mowoogotitiawaji! <sup>11</sup>Nigina ane napioyagadi laalegena oko aginigina ane dakatiwece nioladi. Pida ane napioyagadi laalegena oko бага ane icogotiwece nioladi.”

<sup>12</sup>Odaa jogototalo nigijo anodiotibece Jesus, odaa moditalo, “Agowoogoti nigidi fariseutedi me neligideega leegodi nigijoa gadotaga?”

<sup>13</sup>Odaa Jesus ja igidi, meetediogi, “Eiodi ane ideite ditibigimedi icota me nawace inoatawece nawodigijedi ane degeyatedini. <sup>14</sup>Enice

jinaga agecagalegeni nigidiwa fariseutedi! Igaataga nigidi liciagi nigina anonibatege goladi, pida idiaagidi aagaga goladi. Odaa nigina golaga nige nibatege eledi golaga, odaa iditawece enitiniwace mida begi.”

<sup>15</sup>Odaa Pedro jegee, “Enice, anelogotitogowa ane diitigi nigijo natematigo anida ane iciaceekenitege.” <sup>16</sup>Odaa Jesus jegeetediogi, “Nigida makaamitiwaji adagaxa minoa gadixaketedi catedi nigina eledi oko! <sup>17</sup>Agowoogotitiwaji? Nigina ane dakatiwece nioladi oko, dakatiwece liwokomaga, odaa ja noditicogi lolaadi. <sup>18</sup>Pida nigina ane noditicogi nioladi oko icogotiwece laalegena. Odaa nigina ane noditicogi catiwedi laalegena begeo me napioi laalegena. <sup>19</sup>Igaataga nigina oko yowo nigina ane beyagi catiwedi laalegena, odaa ja yeloadi nigina eledi oko, codaa loomatewa lodawa eledi oko, codaa nigina oko ane loomatewa ane daga lodawa, codaa dolice, codaa aneo liwitakeco, codaa ane beyagi me dotagatibige eledi oko. <sup>20</sup>Nigina oko nige yowo meo nigina ane beyagi, odaa laalegena nigini oko ja napioi. Pida nigina oko nige daga iwilegiteda libaagatedi anoiigaxitece me lakatigi, baadaga napioyagadi laalegena.”

**Jesus icilatidi liona aca iwaalo ane digica aneetege noiigi judeu**  
(*Marcos 7.24-30*)

<sup>21</sup>Jesus naga noditedicogi nigidi nipodigi, odaa jigigo ica nipodigi anipegitege nigotadi Tiro aniaa Sidom. <sup>22</sup>Odaa ani aca iwaalo cananéia nigeladimatigi nigidi nipodigi. Odaa nigipegitalo Jesus, ja dapaawe, mee, “Iniwa-aagodi, anida ane-eenitege licogegi Davi, adiwikodeni! Niwigo abeyacegegi dakatiogi i-oona, odaa eliodi me dawikode.”

<sup>23</sup>Pida Jesus agica daga igidi. Odaa nigijo anodiotibece jogototalo, odaa jogodipokotalo, moditalo, “Iigeni nagada iwaalo mopi, igaataga niotibigogodici codaa ja godatitata nigina me dapaawetibece.”

<sup>24</sup>Jesus meeteta nagajo iwaalo, “Aneotedogoji idiigetediogi loiigi Israel ane liciagi niginoa waxacocoli ane nabalaga.”

<sup>25</sup>Odaa nagajo iwaalo ja diitalo, odaa ja yamagatedini lokotidi lodoe Jesus, odaa meetalo, “Iniwa-aagodi, adaxawani!” <sup>26</sup>Odaa Jesus meeteta, “Adiitigi nigina me jibanoonagatece liweenigi nigaanigawaanigi, oditaga jokolenagatiogi necexodi.” <sup>27</sup>Odaa ja igidi nagajo iwaalo, meetalo, “Ewi, Iniwa-aagodi! Pida codaa me necexodawaanaga oyeligo latijedi niweenigi ane icogotibigimece nameeja niwikateenogodi.”

<sup>28</sup>Odaa Jesus ja igidi, meeteta, “Iwaalo, nigida makaami eliodi gatiwagatakanegegi. Nigida anemaani ja jao.” Odaa acaagaca nagaca lakata nagajo liona ja ici.

**Jesus icilatidi eliodi eelotaginadi**

<sup>29</sup>Jesus naga noditedicogi nigijo aneite, odaa jogopitacedicogi lipecagadi niweiigi Galiléia. Odaa ja dalagatedibigimece ajo wetiga, odaa ja nicotedini. <sup>30</sup>Odaa eliodi oko jogodiitalo, oyadeegi agatilogoladi, alejaadotedi, goladi, ina

ewalagonadi, codaa mowidi eletidi eelotaginadi. Nigijjo nogoyadeegiticogi lodoe Jesus, odaa ijotawece ja nicilatiditediniwace. <sup>31</sup>Nigijjo noiigi eliodi moyopo nogonadi naga notaganaga nigijjoa ewalagonadi, alejaadotedi nagaga nicilaga, ane dogoyakadi mewaligitibigiwaji negewaligitibigiwaji, codaa me goladi yatetibigiwaji. Odaa jogodogetetibigimece Aneotedogoji, Noenogodi loiigi Israel.

### **Jesus niodegetedini cwaatolo miili goneleegiwadi**

*(Marcos 8.1-10)*

<sup>32</sup>Jesus eniditediogi nigijjo anodiotibece, odaa meetediogi, “Eliodi me jiwikode nigina oko, igaataga jegeote itoatadigida nokododi mina meetaga, odaa agaleegica gaantokaagidi anoyeligo. Ajemaa daga jiigetibigiwaji mopitibeci daaditigicata ane jajigotiogi me jiniodegetiniwace, igaataga doidetibige digica ane nogomiwaditiniwace leegodi nabocaga dogopiticogi ligelatedi.”

<sup>33</sup>Odaa nigijjo anodiotibece jogoige Jesus, moditalo, “Igametaga jakataga ica niweenigi nelegi me jiniodegenagatiniwace iditawece nigidi oko digoina minataga nigina nipodigi ane digica nigeladimigipi?”

<sup>34</sup>Odaa ja nigetediniwace, meetediogi, “Igame liwokodi ganipaantedi anidiwa?” Odaa jogoigidi, moditalo, “Idiwa seete paantedi idiaagidiwa nogojedawaanaga.”

<sup>35</sup>Odaa Jesus ja iige nigijjo noiigi monicotinigiigo. <sup>36</sup>Odaa ja dibate nigijjoa seete paantedi ijaagijjoa nogojedawaanaga, naga diniotagodedetibigimece Aneotedogoji, odaa ja ninoketedini, odaa ja yajigotediogi nigijjo anodiotibece monediatiniwace nigijjo noiigi. <sup>37</sup>Odaa ijotawece nigijjo noiigi niodaga, negepaa nitiminaga. Nigidiaagidi nigijjo anodiotibece jogonioda nigijjoa liwailidi ane iigotedice, odaa jogoyetigilo seete etacanitedi nelecoli. <sup>38</sup>Nigica noko ejinaga domaga cwaatolo miili goneleegiwadi ane niodaga, we iwaalepodi, inaa nigaanigipawaanigi anagaga niodaga, pida baadogonilaagaditibigiwaji.

<sup>39</sup>Odaa nigidiaagidi Jesus ja imonya nigijjo noiigi mopitibeci, odaa jagaga waxoditedinigi niwatece, jigigo miidiwa nipodaga Magadã.

### **Icoa laciilodi judeutedi domogoyemaa Jesus meote godoxicegedi ane ikee me liigexegi Aneotedogoji**

*(Marcos 8.11-13; Lucas 12.54-56)*

**16** <sup>1</sup>Nigidiaagidi nigijjoa fariseutedi ijaagijjoa saduceutedi jogototalo Jesus. Odineetalo, domogowo moyakadi gaantigidi ane niwokotedini, odaa ja domaga nilaagedi. Joanigidaa leegodi modipokotalo meote godoxicegedi ane ikee me liigexegi Aneotedogoji. <sup>2</sup>Odaa Jesus ja igidi, meetediogi, “Nigina naga gocidi me ixagodi loolatedi, odaa menitiwaji, ‘Natiinigo adatiode, leegodi gocidi diticetinece.’ <sup>3</sup>Odaa nigina nigoi me ixagoditege codaa me nexocaga ditibigimedi, odaa menitiwaji, ‘Datiodi, leegodi loolatedi ixagodi me nabidi.’ Odaa bogowoogotitiwaji domige datiodi, ogoa domige adatiode, nigina mawinitibigimecetiwaji ditibigimedi. Pida baadogowoogotitiwaji nigica ane diitigi nigina manati godoxicegetedi ane jaote. <sup>4</sup>Nigina oko aninaa

niginoa nokododi abeyacagaga codaa agaleegonakato Aneotedogoji. Odaa Aneotedogoji ageoteeledi godoxicegedi ane ikeetiogi me idiige. Jegeote nigijo godoxicegedi ane ikee me idiige, nigijo me ideyate Jonas catiwedi le nigijo nogojegi nelegi itoatadigida nokododi.” Odaa Jesus ja yototedicoace, jogopi.

**Ica nabookojedi fariseutedi ijaa saduceutedi**  
(*Marcos 8.14-21*)

<sup>5</sup>Nigijo naga diigetita daato weiigi nigijo anodiotibece, oyaagiditece dogoyadeegi paontedi. <sup>6</sup>Odaa Jesus meetediogi, “Atacoliwaji codaa anidakita nabookojedi fariseutedi inaa saduceutedi!”

<sup>7</sup>Odaa nigijo anodiotibece jogodinotaganetigi nigida aneete, modi, “Eote nigida ligegi leegodi agicoa me inadeegaga gonipaontedi.” <sup>8</sup>Pida Jesus ja yowoogodi ane lotaga, odaa ja nigetediniwace, meetediogi, “Igaamee ina madinotaganegenitigitiwaji me digica ganipaon? Ame iwagatitewaji Aneotedogoji! <sup>9</sup>Anogowoogotitiwaji? Naga gadaagititibige ijoa ciinco paontedi ane jatikatalo me jiniodegetiniwace ciinco miili goneleegiwadi, ijaagijoa etacanitedi ane nolee nigijoa liwailidi ane iigotedice? <sup>10</sup>Codaa naga gadaagititibigetiwaji ijoa seete paontedi ane jatikatalo me jiniodegetiniwace cwaatolo miili goneleegiwadi, ijaagijoa etacanitedi nelecoli ane nolee nigijoa liwailidi ane iigotedice? <sup>11</sup>Agowoogotitiwaji me daga idalagata paon nigijo me gadajacagatitiwaji manidakita nabookojedi fariseutedi idiaa saduceutedi.”

<sup>12</sup>Odaa jogoyowoogodi Jesus me daga yalagate modinidakata paon labookojedi, pida modinidakata liigaxinaganegeco fariseutedi ijaa saduceutedi.

**Pedro mee Jesus niginiaaginiwa Nigicoa ane niige Aneotedogoji meote me godewigatace**  
(*Marcos 8.27-30; Lucas 9.18-21*)

<sup>13</sup>Jesus igo nipodaga anipegitege nigotaga, ane liboonagadi “Cesaréia Filipe ane dabitegetini”. Jigidiaagi naga nigetediniwace nigijo anodiotibece, meetediogi, “Ee, Goneleegiwa ane jicogotibigimece ditibigimedi, odaa ame Ee modi ina oko?”

<sup>14</sup>Odaa jogoigidi, moditalo, “Inatecibece modi makaami João Batista, codaa inatecibeceeledi modi makaami Elias. Codaa inaeledi modi makaami Jeremias, ogoa, domige anigepidigica nigijo anoyelogoditedibece lowooko Aneotedogoji nigijo jotigide.”

<sup>15</sup>Odaa Jesus ja digika, meetediogi, “Bigida makaamitiwaji, amakati me Ee?” <sup>16</sup>Simão Pedro naga igidi, meetalo, “Jagakamagakaami ane iige Aneotedogoji me godewikatitegegi. Akaami Lionigi Aneotedogoji anidioka limedi me yewiga.”

<sup>17</sup>Odaa Jesus ja igidi, meeteta, “Aniniitibeci nigida makaami Simão, anakaami lionigi João, leegodi agoko anoikeetagawa ane Ee, pida Eiodi ane ideite ditibigimedi ikeetedagawa ane Ee. <sup>18</sup>Natigide jao gela gaboonaagadi akaami Pedro (leegodi niitege nigina mejinaga wetiga). Odaa gadotaga me

gadalakitiwa liciagi nagana wetiga anodatika moyoe lipodagaladi diimigi. Odaa ja jao nigina oko anoyiwagadi nigijoa gadotaga me micataga nigina diimigi ane dabitegeteloco nigina noenatagodi ditibigimedi wetiga ane gonege. Odaa otegeaagaga némaga agaleegica loniciwagateloco nigidi oko. <sup>19</sup>Codaa jajigotagawa gadiigenatakanegegi me iigeni nigina oko anida anejitege, micataga nigina oko anida lakabakenaganagadi ane dowediteloco diimigi, odaa nigica anoliitege digoina iigo, Aneotedogoji aagaga yolitetege. Odaa nigica anikani mowo nigina oko digoina iigo, odaa Aneotedogoji aagaga ika.” <sup>20</sup>Odaa Jesus ja dipokotediogi nigijo anodiotibece me dogoyelogoditiogi nigina oko me Nigijaagijoa ane niige Aneotedogoji meote godewiga.

**Jesus yalagate me yeleo pida yewigatace nigidiaagidi**

*(Marcos 8.31-9.1; Lucas 9.22-27)*

<sup>21</sup>Odaa joanigijaagijotigi nigijo noko Jesus jigidaageyatedigi me yelogoditediogi nigijo anodiotibece me leeditibige migo manitaga nigotaga Jerusalém, codaa me leeditibige meliodi me dawikode libaagadi nigicoa laxokodi lacilodi noiigi judeutedi, ijaagijo anoiige sacerdotitedi, ijaagijo anodiigaxinagatece lajoinaganegeco Moisés. Codaa me leeditibige me yeleo, pida nige ixomagatedijo itoatadigida nokododi, odaa ja yewigatace. <sup>22</sup>Odaa Pedro ja yadeegitedice Jesus me yapetege, meetalo, “Aneotedogoji gadiwikodeni, odaa aika dagawikodee, Goniotagodi.”

<sup>23</sup>Odaa Jesus ja niwiteta Pedro, odaa meete, “Otonitice yodoe, Satanás! Domaga adibeyacagati macataga nagana wetiga ane itinece naigi ane ixipe oko, leegodi gadowoocagawa nigina oko, pida agadowoocagawa Aneotedogoji.”

<sup>24</sup>Odaa Jesus meetediogi nigijo anodiotibece, “Nigica ane yemaa me niotici, leeditibige me dagadiaa iniokini me dinowo, codaa leeditibige me igotema me diniwikodetibece, codaa me dawikode nigepaa yeleo, odaa ja niotici. <sup>25</sup>Igaataga nigina ane yemaa minoka yewigateloco nigina iigo, agica lewiga ane digica liniogo, pida nigina baanaga igo me yeletomi, nigini oko baanaga ida lewiga ane digica liniogo. <sup>26</sup>Igaataga nigina oko nige yakadi inoatawece ane yopotibige digoina iigo, pida odaa liwigo бага ika me yeleo, nigini oko agica anigetigida nigaanye. Igaataga agica anigetigidi liboonigi me dedianaga nigina oko oditaga eo lewiga liwigo. <sup>27</sup>Leegodi Ee, Goneleegiwa ane jicogotibigimece ditibigimedi, idopitijo anigida noko idiaa iniaanjotedi, codaa loniciwaga Aneotedogoji ane Eiodi, idei meetaga. Odaa ja jiwi ane loenataka inatawece oko, codaa jajigotiogi nigica loojedi ane loenataka ane beyagi, ogoa, domige anele. <sup>28</sup>Ejitagawatiwaji anewi. Ina oko digoina analee daga nigo nigetidadi me janagi me Ee inionigi-eliodi ane iige oko laalegenali.”



**Jesus diniigi anodaageeteda naga dakapetetege Moisés ijaa Elias**  
(*Marcos 9.2-13; Lucas 9.28-36*)

**17** <sup>1</sup>Naga ixomagatedijo seis nokododi, Jesus ja yadeegi Pedro, Tiago ijaagijo nioxoa anodita João, idiokidi nigidi itoatadigida anodiotibece me yadeegi. Odaa ja yadeegitedicogi maditaga aca wetiga ane leegitibigimece, ane digica oko. <sup>2</sup>Odaa nogoiwitalo, jogonadi Jesus me diniigi idoatawece, latobi ja datale macataga aligege, lowoodi jagaga yapacaga me datale. <sup>3</sup>Codaagida nogonadi me dinikee Moisés ijaa Elias, odaa jogoyotaganenge Jesus. <sup>4</sup>Odaa Pedro jagaga dotaga, meetalo Jesus, “Ica mele minaagejonaga, Goniotagodi. Nigemaani, jaote iniwatadigini nopectiidi, oniniteci ganebi, iniaageledi Moisés nebi, iniaageledi bagaga Elias nebi.”

<sup>5</sup>Egidaagee Pedro me dotaga, ica lolaadi ane datale ja yapogoditiniwace Jesus, Moisés ijaa Elias. Odaa jogowajipata ica notaganegegi catiwedi lolaadi, anee, “Nigidoa Ionigi yemaanigi, aneliodi meote me idinitibeci. Atacolitecetiawaji niginoa lotaga!”

<sup>6</sup>Nigijo nogowajipata nigijo anodiotibece Jesus nigijo ane dotaga, odaa ja dakagitiniwace oyatedini iigo latopidi, leegodi eliodi me doitiwigiwaji. <sup>7</sup>Odaa Jesus ja diitediogi, naga dibatedeloco, meetediogi, “Adabititiniwacetiawaji, codaa jinagadoii!” <sup>8</sup>Odaa naga noletibigimoace, nogoiwitalo, agica anigetigijo eledi anonadi, idokidoateda Jesus monadi.

<sup>9</sup>Naga daxoditiniwace nagajo wetiga, Jesus ja yajoi nigijo itoatadigida anodiotibece, meetediogi, “Jinaga domigica anelogititawaji ananati maditaga wetiga nigepaa idewigatace, Ee, Goneleegiwa ane jicogotibigimece ditibigimedi.”

<sup>10</sup>Odaa nigijo anodiotibece jogoige, moditalo, “Igaamee ijo anodiigaxinagatece lajoinaganegeco Moisés modi menagi Elias maleedigica meno Nigicoa ane niige Aneotedogoji meo me godewigatace?”

<sup>11</sup>Odaa Jesus ja igidi, meetediogi, “Ewi nigidaagee Elias menagi maleedigica Nigijoa ane niige Aneotedogoji meo oko me newigatace. Elias enagi me ilakidetedice inoatawece. <sup>12</sup>Pida ejitagawatiawaji Elias jigijo menagi, codaa godacilodi agoyowoogodi, odaa jogowotema nigica anoyemaa modigota. Odaa idaagodigotiwa owo me jawikode, Ee, Goneleegiwa ane jicogotibigimece ditibigimedi.” <sup>13</sup>Odaa nigijo anodiotibece jogoyowoogodi Jesus me yalagate João Batista nigijo naga yalagate Elias.

**Jesus icilatidi ica lioneega**  
(*Marcos 9.14-29; Lucas 9.37-43*)

<sup>14</sup>Nigijo Jesus naga diitacediogi nigica noiigi-nelegi lixigagawepodi nigijo itoatadigida anodiotibece, odaa ijo goneleegiwa jigipegitalo Jesus. Naga yamagatedini lokotidi lodoe Jesus, odaa meetalo, <sup>15</sup>“Iniotagodi, iwikodeni ionigi! Gatigalegi, odaa eliodi me dawikode, elioditibece



menitibiga, odaa enitiogi noledi, codaa idatibece daxaboketinigi ninyogodi. <sup>16</sup>Ja inadegitiogi nigidi anodiotibigagadici, pida jogoyapi moicilatidi.”

<sup>17</sup>Odaa Jesus meetediogi, “Jodagakamagakaamitiwaji nigica noiigi ane dogoyiwagaditeda Aneotedogoji, codaa akamaga adininaalenitiwaji. Nigida me Ee aleegi minaagejo makaamitagatiwaji, codaa ajakadi degeliodi me idinatitagawatiwaji. Anadeegitiwa nigica lioneeega!”

<sup>18</sup>Nogonadeegitalo, odaa Jesus ja yapetege nigica niwigo abeyacegegi, codaa iige me noditice. Odaa agica daga leegi, nigica niwigo abeyacegegi ja noditice mijotaga nigijo lioneeega, odaa ja ici.

<sup>19</sup>Nigidiaagidi nigijo anodiotibece Jesus jogodiitalo nogokaanigidoatece, odaa jogoige, moditalo, “Igaamee ina daga jakataga me jiticodagatice ijo niwigo abeyacegegi?” <sup>20</sup>Odaa ja igidi Jesus, meetediogi, “Agakatitiwaji miticoitice nigijo niwigo ane beyagi leegodi ageliodi manakatonni Aneotedogoji. Ejitagawatiwaji nigina anewi. Dogokatecigini gatiwagatakaneegegi, macataga nagana lolagi ‘mostaada’ ane dagaxa me lionawaana, tagakatitiwaji me enita nagani wetiga, ‘Otonitice, emii digoida!’ Odaa wetiga ja alatí. Agica ane apini mawii, nige iwagati Aneotedogoji. <sup>21</sup>Pida okanicodaagica niwigo liciagi nigijo niwigo abeyacegegi noditice idokidata nigotaganegeni Aneotedogoji, codaa nige ikanawaanigi maniodi moleetibige menegegi otaganegeni Aneotedogoji.”

**Jesus yalagatace ica me yeleo pida yewigatace nigidiaagidi**  
(*Marcos 9.30-32; Lucas 9.43-45*)

<sup>22</sup>Nigica me yatecogo nigijo anodiotibece midi nipodigi Galiléia, Jesus meetediogi, “Etidajigota libaagadi goneleegiwadi, Ee, Goneleegiwa ane jicogotibigimece ditibigimedi. <sup>23</sup>Odaa etideloadi, pida nige ixomagatedijio itoatadigida nokododi, odaa ja idewigatace.” Nigijo anodiotibece eliodi magecagalodipi nogowajipatalo nigijoa lotaga.

**Icoa dinyeelo ane leeditibige me dinajigo mini Aneotedogoji ligeladi**

<sup>24</sup>Jesus ijaagijo nigijo anodiotibece nogototocigi nigotaga Cafarnaum, nigijo ane oniodatema dinyeelo Aneotedogoji ligeladi, jogotota Pedro, odaa jogoige, modita, “Idoa ganiotagodi domige yajigo dinyeelo ane leeditibige me yajigo minitaga Aneotedogoji ligeladi?” <sup>25</sup>Odaa Pedro ja igidi, meetiogi, “Yedia.” Odaa ja dakatiwece diimigi. Pida anigicatibige daga dotaga Pedro, nigijapaga odoejegi me dotaga Jesus, odaa ja ige, meete, “Simão, amiida gadowoogo? Etigodiige me jajicagatiogi dinyeelo niginoa godaciloditigi nigina iigo. Pida amiijo ica ane dedianaga? Domigepaa loiigi nedianaganaga, ogoa, domigina anokeyipi anoicogotocigi eletidi nipodaga?” <sup>26</sup>Odaa Pedro ja igidi, meetalo, “Niginoa icogaga bogoyedia.” Odaa Jesus jegeete, “Odaa nigida moko anoko loiigi ame leeditibige me jedianaga. <sup>27</sup>Pida agele daga jaoga me neligideega nigidi anetigodipiciadi. Natigide, emii miditaga weiigi, odaa okolenitini gadomiigo. Odaa okeni nigica odoejegi nogojegi ane ixigi

gadomiigo. Odaa catiwedi nioladi akati beexo. Odaa anadeegi nagani beexo, ediani nigica ane leeditibige me jedianaga mini Aneotedogoji ligeladi. Nagani beexo abotema mediani codaa ane leeditibige magaga jedia.”

Nigica ane dagaxa me gonegegi liwigotigi oko ane iige Aneotedogoji  
(*Marcos 9.33-37; Lucas 9.46-48*)

**18** <sup>1</sup>Jesus egidaageeteda me yotaganega Pedro, odaa nigijo anodiotibece jigigotibeci midoataga, odaa jogoige, moditalo, “Amiina ica oko ane gonegegi ina naga iige Aneotedogoji laalegenali ina oko?” <sup>2</sup>Odaa Jesus jegenidite ijo nigaanigawaanigi, jigideyate liwigotigi nigijo anodiotibece. <sup>3</sup>Odaa meetediogi, “Ejitagawatiwaji anewi. Nige daga iigitiwaji aneni me gadewiki, codaa nige dagadiniwikodenitibece micataga nigini nigaanigawaanigi, Aneotedogoji aiige gadaalegenaliwaji, odaa agica



(*Mateus 18.2*)

anenitege. <sup>4</sup>Enice, nigina oko ane diniwikodetibece, codaa aneo me liciagi nigida nigaanigawaanigi, baaniginiaa enegegi gonegegi liwigotigi noiigi anida aneetege Aneotedogoji. <sup>5</sup>Odaa nigina anele me dibatege nigina nigaanigawaanigi liciagi anejigo me jibatege nigidoda nigaanigawaanigi, codaa nige dibatege leegodi Iboonagadi, odaa nigini oko dibatigi.

**Leeditibige me jikanaga ane godibeyacagadi me jakagatiwece  
miniwataga Aneotedogoji**

*(Marcos 9.42-48; Lucas 17.1-2)*

<sup>6</sup>Nigica aneo anigepidigica nigina nigaanigipawaanigi me ika me idinakato, domaga dagaxa mele moigoetece lotoinagadi nagana wetiga nelegi, oditaga oyokoletinigi akiidi-eliodi moyocegatidi, maleedegego nigida loenatagi ane beyagi. <sup>7</sup>Nigina oko anida aneetege nigina iigo icota meliodi me nawikodeega leegodi niginoa loenataka ane beyagi anowo eledi oko moika moyiwagadi Aneotedogoji. Niginoa anodineetogowa idioka limedi minoa, pida Aneotedogoji icota meote meliodi me nawikodeega nigina oko aneo eledi oko moika moyiwagadi.

<sup>8</sup>Nigina gabaagadi, idaa gadogonagi nigowo mabataa, leeditibige maloikatiti gabaagadi, codaa me gadogonagi micataga dagakagiti, oditaga alati. Igaataga dagaxa mele mokidatece gabaagadi, domigetaga gadogonagi, pida akati makaatiwece miniwataga Aneotedogoji, odaa idioka limedi me gadewiki. Agele digidoatawece gabaagatedi, gadogonaka, pida etigadokolenitiogi noledi ane daga ipe. <sup>9</sup>Gagecooge nigeo mabataa, aloikatiti, micataga daga anogaa, odaagalati. Igaataga dagaxa mele makaatiwece miniwataga Aneotedogoji, odaa idioka limedi me gadewiki mokaanitece gagecooge. Agele digidiwatawece gagecoogeli, pida etigadokolenitiogi noledi ane daga ipe.

**Aca waxacoco ananiadi**

*(Lucas 15.3-7)*

<sup>10</sup>Anidakitatiwaji adagaleetibige daatigica ane jaoga niginoda nigaanigipawaanigi. Ejitagawatiwaji nigicoa aanjotedi anodowediteloco nigina nigaanigipawaanigi idioka limedi mido lodoe Eiodi ane ideite ditibigimedi. <sup>11</sup>Igaataga Ee, Goneleegiwa ane jicogotibigimece ditibigimedi, janagi me jopilagaditacalo Aneotedogoji nigina aniatagigipi.

<sup>12</sup>Amiida ica anakatitecetiwaji? Digini goneleegiwa anidiwa onaniteci taalia niwaxacocoli, oditaga jagaca aniadi. Odaa amigetigida anee? Ejitagawa me yoya nigidiwa noventa-noove waxacocoli madi wetiga anei me nadecogonaga. Odaa jigigo doletibige nagajo ananiaditibige. <sup>13</sup>Ejitagawatiwaji anewi. Nigina nige yakadi, eliodi me ninitibece, leegodi me yakadi nagajo niwaxacoco, odaa dagaxa me ninitibece, catedi linikegitema nigijoa noventa-noove ane daganiaditeda. <sup>14</sup>Jigidaagee Gadioditewaji aneite ditibigimedi, ayemaa me aniatagigi anigetegepidigica nigina oko anonakato ane micataga nigina nigaanigawaanigi meyiwaagadi eliodi.



(Mateus 18.12)

### Ica gonioxoa ane dibatá

<sup>15</sup>Nige dibatá ganioxoa, eotagadomi ane beyagi, emii minitaga mokakaamitece, ikeenita ane libatiigi. Nige niwoditagadomi, jaganigaanyetece ganioxoa. <sup>16</sup>Pida nige daga niwoditagadomi, odaa adeegi eletidi itoa ogoa domige itoatadigida gadixigagawepodi motaganegenitiwaji, awii aneeta Aneotedogoji lotaga. Igaataga mee Aneotedogoji lotaga, 'Nigina nigica oko ane yelogodita eledi oko libeyacegeco, leeditibige eletidi itoa ogoa domige itoatadigida oko midokida ane ligegi.' <sup>17</sup>Pida nige daga niwoditema nigidi oko, enice leeditibige elegenitiogi nigidi lapo anyiwagadi Goniotagodi. Odaa nige dagaga wajipatiogi nigidi lapo anyiwagadi Goniotagodi, odaa ademii nigini ganioxoa micataga nigina oko ane degeyiwigaditeda Aneotedogoji, codaa me laxokegi abataga, codaa agaleegica anenitege.

### Ica niigenatakanegegi ane yoli, codaa me ika anigica

<sup>18</sup>Ejitagawatiwaji anewi. Okanicodaagica anolitegetiwaji digoina iigo, Gadiodi ane ideite ditibigimedi aagaga yolitetege. Codaa okanicodaagica anikanitiwaji midagaae digoina iigo, Gadiodi ane ideite ditibigimedi aagaga ika midagaae. <sup>19</sup>Aagaga ejitagawatiwaji, nigidi iniwataale nigina akaamitiwaji digoina iigo ane dinilakidetiwege odaa idokida ane lipoketegi nigina moyotaganege Eiodi, odaa Eiodi ane ideite ditibigimedi jegeote nigica ane lipoketegi. <sup>20</sup>Igaataga digidiwa iniwataale, domige iniwatadigini oko ane yatecogo moiwenigide Iboonagadi, odaa idejo miditaga.”

**Natematigigi ica niotagi ane daga ixomagateetedice naalewe eledi niotagi**

<sup>21</sup>Odaa Pedro jigicotalo Jesus, ja ige, meetalo, “Iniotagodi, igeame liwokodi me leeditibige me jixomagateetice inioxoa libeyacegeco aneotomi? Domige leeditibige nigepaa seete me jixomagateetice libeyacegeco inioxoa?”

<sup>22</sup>Jesus naga igidi, meeteta, “Agokexaa seete me ixomagateenitice libeyacegeco ganioxoa aneotagadomi. Pida leeditibige midioka limedi me ixomagateenitice libeyacegeco ganioxoa aneotagadomi, aleeditibige daga anilagati.

<sup>23</sup>Igaataga nigina Aneotedogoji me iige oko laalegenali, eote liciagi nigina inionigi-eliodi ane lowoogo me ilakidetedini naalewe liotagipi. <sup>24</sup>Nigina naga dinilakidetega, jonogonadeegita ica liotagi ane dinaalewe deez miili icoa beexotedi oolo. <sup>25</sup>Agaleegica nimawenegegi me yedia nigijoa naaleweli anowidi. Odaa nigijo niotagodi ja domaga diigenataka nigijo liotagi moyaa dioteci lodawa, lionigipi, moiwotagetibigiwaji, codaa moyaa idiwatawece ane nepilidi me yedianawaanigi naalewe. <sup>26</sup>Pida nigijo niotagi ja yamagatedini lokotidi lodoe nigijo niotagodi, odaa ja dipokota, meeta, ‘Aliitatiwa, jedianoda idiwatawece ane inaalewetagawa anigida noko.’ <sup>27</sup>Odaa nigijo niotagodi eliodi me iwikode, odaa ja ixomagateetedice nigijoa naalewe, codaa ikatice mopi.

<sup>28</sup>Pida ijaagijo nigijo niotagi naga noditice, odaa ja dakapetege ica eledi liotagi inionigi-eliodi. Nigijoa eledi niotagi бага dinaalewe onexaa onatecigidiwa beexotedi naaleweta nigijo odoejege niotagi anowidi naalewe. Pida dibatigi lotoinagadi, odaa ja iligice, meeta, ‘Yokaagedi adediani nigijoa anadinaalewe!’ <sup>29</sup>Odaa nigijo lokaagedi ja yamagatedini lokotidi, odaa ja dipokota, meeta, ‘Aliitatiwa, odaa icota me gadediani idiodatawece ane inaalewetagawa.’

<sup>30</sup>Pida ayemaa me ixomagateetedice, odaa ja yadeegi nigijo lokaagedi mani niwilogonagaxi midiaagi nigepaa yediatelogo ane naalewe. <sup>31</sup>Nigijoa nogonadi eletidi niotaka nigida niciagi, eliodi me agecagalodipi, odaa jigigotibeci oyelogodita niotagodi, inionigi-eliodi. <sup>32</sup>Odaa nigijoa niotagodi jegenidita nigijoa liotagi anowidi naalewe, odaa meeta, ‘Ejinaga akamagakaami nigica nimeedi ane dagaxa me agopeloagi! Ijoatawece nigijoa dinyeelo owidi ane adinaaleweeni jixomagateetedice leegodi manipokitiwa. <sup>33</sup>Odaa nigida makaami leeditibige me iwikodeni gadokaagedi, digo anejigotagawa me gadiwikodeni.’ <sup>34</sup>Nigijoa niotagodi eliodi me yelatema, odaa ja iigetecogi nigijoa limeedi mani niwilogonagaxi moiloikatidi nigepaa yedia icoatawece ane naalewe. <sup>35</sup>Odaa jigidagaga igotedagawatiwaji Eiodi ane ideite ditibigimedi nige degewi mixomagateenitedicetiawaji anowotagadomi ane beyagi ganioxoadipi.”

**Jesus diigaxinagatetece lalataganegegi wadonadi**  
(*Marcos 10.1-12*)

**19** <sup>1</sup>Nigijjo Jesus naga ika me diigaxinaga, odaa ja noditedicogi nipodigi Galiléia, odaa jogopitacedicogi liwai nipodigi Judéia, daato akiidi Jordão. <sup>2</sup>Eliodi oko anodiotetece, odaa nicilatiditedini eelotaginadi.

<sup>3</sup>Icoa fariseutedi igotibeci midoataga Jesus modineetalo meote ligegi ane beyagi. Odaa moditalo, “Gonajoinaganegeco domige oika ina goneleegiwa me yaladi lodawa mokanicodaagica ane leegodi?”

<sup>4</sup>Odaa Jesus ja igidi, meetediogi, “Ica ina daaditigica malomegeniteloce Aneotedogoji lotaganagaxi, miditaga anee, ‘Maleekoka yoeteda Aneotedogoji nigina iigo, odaa ja yoe oko, goneleegiwa aniaagiwaalo.’ <sup>5</sup>Odaa Aneotedogoji mee, ‘Joanigidaa leegodi goneleegiwa me ikaticoace eliododipi, odaa ja noiigiwa lodawa, odaa nigidi iniwataale ja micataga dogokinitece oko.’ <sup>6</sup>Odaa agaleeginiwataale, pida oneniginiteci. Enice agica goneleegiwa ane yakadi me yawalaceticoace nigina ane yexocagaditediwage Aneotedogoji.”

<sup>7</sup>Odaa nigijjoa fariseutedi moditalo, “Enice, igame leegodi Moisés me iige goneleegiwa me yakadi me iticoitice lodawa nige yajigota nagani lodawa notaganagaxi ane ikee naga yaladi?”

<sup>8</sup>Jesus ja igidi, meetediogi, “Moisés gadikanitiwaji malati gadodawa leegodi me dakake gadaalegenali. Pida nigijjo maleekoka yoeteda Aneotedogoji goneleegiwa aniaagiwaalo, anigidaagee. <sup>9</sup>Pida ejitagawatiwaji nigica ane yaladi lodawa, odaa ja lodawaeledi iwaalo, nigini ja dogolagataka. Codaa goneleegiwa ane lodawa nagana baanaga dalataga jagaga dogolagataka. Nigina goneleegiwa idoka yakadi me yaladi nagana lodawa nigina nige dogolagataka nagani iwaalo.”

<sup>10</sup>Nigijjo anodiotibece Jesus moditalo, “Nige nigidaagee, dice dagaxa mele nigina goneleegiwa me daga wado.” <sup>11</sup>Naga igidi Jesus, meetediogi, “Aginatawece oko oyakadi modibatege nigida iigaxinaganegegi aneetece nadonegegi. Aneotedogoji yajigotediogi nigida niigaxinaganegegi inokina nigina ane yakadi modibatege nigida niigaxinaganegegi. <sup>12</sup>Igaataga initibece goneleegiwa awado leegodi ida ane ibeyacagadi. Inoatecibece goneleegiwadi agica lionigi, leegodi mina lakatigi. Pida jiginatibeceeledi agica lionigi leegodi me nogaligijedi. Pida inatecibeceeledi mina agoyemaa me nadonaga oditaga eniododipi, leegodi moyemaa mowo libakedi Aneotedogoji, moyatematitibece anodaagee Aneotedogoji me iige laalegenali oko. Ane yakadi me dibatege nigida iigaxinaganegegi, ele me dibatege!”

**Jesus ibinietediogi ica nigaanigipawaanigi**  
(*Marcos 10.13-16; Lucas 18.15-17*)

<sup>13</sup>Nigidiaagidi jogoyadeegitalo Jesus ica nigaanigipawaanigi me ipeketedeloco libaagatedi me dipokotedeloco me ibinietediogi Aneotedogoji. Pida nigijjo anodiotibece oyapetege nigijjo anonadeegi nigaanigipawaanigi. <sup>14</sup>Odaa Jesus jegeetediogi, “Ikani menagitibeci meetaga niginoda nigaanigipawaanigi,

jinogoliitege menagitibeci meetaga, igaataga Aneotedogoji iige laalegenali nigina oko ane liciagi nigaanigawaanigi me diniwikodetibece.”<sup>15</sup> Odaa Jesus ja ipeketedeloco libaagatedi nigijjo nigaanigipawaanigi me dipokotedibigimece Aneotedogoji me ibinietediogi. Odaa nigidiaagidi jogopi.

**Ica lioneeega liico ane domaga doletibige lewiga miniwataga Aneotedogoji**  
(*Marcos 10.17-31; Lucas 18.18-30*)

<sup>16</sup>Ica lioneeega enotalo Jesus, odaa ja ige, meetalo, “Goniigaxinogodi anele, amiida ica ane leeditibige me jao, odaa jigidaa yewiga miniwataga Aneotedogoji?”

<sup>17</sup>Odaa Jesus jegeete, “Igame leegodi ina menitiwa me Ee ele? Iniokeleteda Aneotedogoji. Pida nigemaani mida gadewiga ane digica liniogo miniwataga Aneotedogoji, oteteni liigenatakanegeco.”<sup>18</sup> Nigijjo lioneeega meetalo, “Amiicoa icoa liigenatakanegeco ane leeditibige me jotete?” Odaa meeteta Jesus, “Jinegeloati oko, jinaga agolagatakani, jinogolice, jinaga awitaka degeni eledi oko mowo ane beyagi!<sup>19</sup> Eemiteetibige gadiodi, aniaa gadiodo, codaa leeditibige memaani eledi oko digo aneni madinemaani.”

<sup>20</sup>Odaa nigijjo lioneeega ja igidi, meetalo, “Idioka limedi me jeemitetibige ijoatawece nigijjoa liigenatakanegeco Aneotedogoji. Amaleegida ane leeditibige me jao?”<sup>21</sup> Odaa jegeeteta Jesus, “Nigemaani me digica gabatiigi, emii, aani idiwatawece ane ganepilidi, odaa edianitece ganinyeelo niginoa madewetedi, amaleegaga yajigotedagawa Aneotedogoji owidi ganilicagajetecidi digoida ditibigimedi. Odaaganagi, aniwitici!”

<sup>22</sup>Nigijjo lioneeega naga wajipatalo Jesus lotaga, odaa jogopi, eliodi magecagalo, leegodi me liico laxokegi, owidi nigicoa ane nepilidi nillicagajetecidi.


<sup>23</sup>Odaa Jesus jegeetediogi nigijjo anodiotibece, “Ejitagawatiwaji nigina anewi. Dagaxa me dakake nigina liico me ikatece Aneotedogoji me iige laalegena.<sup>24</sup> Nigina liico dakaketibige me ikatece Aneotedogoji me iige laalegena, enegegi digica lagaliigi me jixomagatiwece nigina gameelo catiwedi nigina etakado libegi.”

<sup>25</sup>Nigijjo nogowajipatalo nigijjo anodiotibece, eliodi moyopo, odaa modi, “Enice, amiijo ica anepaga yakadi mida lewiga miniwataga Aneotedogoji?”<sup>26</sup> Naga iwitediogi Jesus, odaa meetediogi, “Nigina oko agica nimawenegegi degeo mida lewiga miniwataga Aneotedogoji. Pida Aneotedogoji бага yakadi meote inoatawece.”

<sup>27</sup>Odaa Pedro meetalo, “Nigida moko ja jikanagatedice ijoatawece ane gonepilidi, odaa ja jiwagatibigagadici. Odaa, amigini ica gonogeedi?”

<sup>28</sup>Odaa Jesus jegeetediogi, “Ejitagawatiwaji nigina anewi. Ee, Goneleegiwa ane jicogotibigimece ditibigimedi, icota me jiige inatawece oko jatikata Aneotedogoji loniciwaga nigica noko nige yoe gela iigo. Nige jiigenataka, jajigotagawa ganagatetigitiwaji, akaami dooze goneleegiwadi, ananiwitici. Odaa jigiigenitiwaji nigijjoa dooze licogeco Israel.<sup>29</sup> Codaa inatawece nigina





(Mateus 19.24)

anoyaladi ligelatedi, nioxoadipi, niwaalepodi, eliodi, eliodo, lodawa, lionigipi, codaa me niigotedi, codaa anoyaladi inoatawece, Ee leegodi, Aneotedogoji yajigotediogi caticedi nigijoa anoyaladi. Codaa jigida lewiga miniwataga Aneotedogoji. <sup>30</sup>Codaa eliodi oko nigina ane gonegegipi niginoa nokododi, jigidiaa onaxaceti liboonagadi. Pida eliodi ane digica nagatetigi niginoa nokododi, nigidi baanigidiaa leegitibigimece liboonagatedi.”

#### Natematigigi icoa niimetedi anodoweditelogo nawodigijedi uuva

**20** <sup>1</sup>Odaa Jesus jegee, “Nigina Aneotedogoji me iige oko laalegenali, digawini anodaagee. Onica ica ane nebi icoa nawodigijedi uuva. One opedi me noditice, igo doletibige liimetedi me nibaaga midi lixogotagi. <sup>2</sup>Onicoa icoa goneleegiwadi ane dinilakidetege me yedia onaniteci beexo ane loojedi onidateci noko me jibaaga. Odaa ja iigetecogi midi lixogotagi. <sup>3</sup>Nogone noove lakata jonigigotace nigica ane lotokagadi goneleegiwadi anodoletibige libakedi. Naga nadi icoa goneleegiwadi ane digica libakedi, <sup>4</sup>odaa meetiogi, ‘Emiitiwaji abaa midiwa yawodigijedi uuva, odaa gadedianitiwaji gadoojedi ane igenaga.’ Odaa jigigotibeci. <sup>5</sup>Naga yaxogo-noko jigigotace, codaa naga iniwatadagani lakata me gocidi, jigigotace, odaa jigicotiogi eletidi goneleegiwadi anoyemaa me nibaaga. Odaa jagaga iigetibigiwaji me nibaaga. <sup>6</sup>Nigijo naga nipegi me cinco lakata, jigigotace nigijo ane yakadite liimetedi. Odaa jigicotiogi eletidi goneleegiwadi anidiaagiticoace nigijo anei. Odaa ja nigetiniwace, meetiogi, ‘Igaamee ina minaa gonitewaji idatawece noko me digica gabakedi?’ <sup>7</sup>Odaa jogoigidi, modita, ‘Inaagejonaga digoina leegodi agica ane najigotogowa gobakedi.’ Odaa meetiogi, ‘Emiitiwaji midiwa yawodigijedi, odaa gadedianitiwaji ane igenaga me gadoojedi.’

<sup>8</sup>Nigijo naga nexogotini, nigijo ane nepilidi nigijoa uuva jegenidita nigijo ane dowediteloco nigijoa elanigijedi, odaa jegeeta, ‘Aniditiogi iimetedipi, odaaganedianitiniwace. Odoejegi manedianitiniwace nigijo anowidijedipi me nibaaga, odaa owidijeeni manedianiti nigijo anodoejedipi me nibaaga.’  
<sup>9</sup>Ijoatawece nigijoa goneleegiwadi ane nibaaga nigijo naga nipecti me ciinco lakata me gocidi, odibatege onaniteci beexo loojedi me nibaaga. <sup>10</sup>Odaa nigijo anepaga opeditibigiwaji me nibaaga odiletibige dogodibatege caticedi. Pida ijotawece odibatege onaniteci beexo ane ligegitege nigijo necalailegi.  
<sup>11</sup>Nigijo nogodibatege ninyeelo, odaa ja notaganagateloco oyalomege nigijo necalailegi. <sup>12</sup>Modita, ‘Nigidiwa goneleegiwadi nibaaga onexaa onaniteci lakata. Pida oko бага jibaaga idatawece noko idinatiigata dapicagaligege. Pida mediani godiwokodagawepodi ane liwokodi goninyeelo.’

<sup>13</sup>Odaa nigijo necalailegi ja igidi, meetiogi, ‘Yokaagetedipi, agica daga jaotagadomi ane beyagi. Madinilakidenitigi jigidaa liwokodi memaani mabaatege onaniteci beexo loojedi onidateci noko mabaa.

<sup>14</sup>Natigide, abaatege ganinyeelo odaagopoliticogi gadigeladi. Emaga jemaa me jajigotiogi nigijo owidijegi menotibeci me liwokodagawa ane jajigotagawa. <sup>15</sup>Domige jakadi me jao ane jemaa mejigotalo ininyeelo? Ogoa, anocetema ina eledi oko ane jemaa me ee libinienigitema?”

<sup>16</sup>Odaa Jesus nigoditedini me dotaga nigijo negee, “Joanigidaagee nigina anowidijedipi jigidiaa odoejegi, odaa nigina anodoejedipi jigidiaa owidijedipi. Igaataga Aneotedogoji eniditediogi eliodi oko, pida onatecigidi ane iolatedicoace.”

### **Jesus yalagatace me yeleo pida yewigatace nigidiaagidi**

*(Marcos 10.32-24; Lucas 18.31-34)*

<sup>17</sup>Nigijo Jesus naga dowicetedibigimece nigotaga Jerusalém, nogatedicoace nigijo dooze anodiotibece, odaa egidaagee mewaligitibigiwaji, negeetediogi Jesus, <sup>18</sup>“Diganajipaatiwatiwaji! Ja jiiigata Jerusalém. Odaa Ee, Goneleegiwa ane jicogotibigimece ditibigimedi, etidajigotiogi anoiige sacerdotitedi, ijaagijo anodiigaxinagatece lajoinaganegeco Moisés. Odaa modi mone jao ane beyagi, codaa me leeditibige metideloadi. <sup>19</sup>Codaa metidajigotiogi lacilodi romaanotedi. Odaa metidame, codaa metidalaketibige, codaa etidototeloco nicenaganagate. Pida nige ixomagatedijo itoatadigida nokododi me ideleo, odaa Aneotedogoji jegeote me idewigatace.”

### **Ica lipoketegi eliodo Tiago ijaa João**

*(Marcos 10.35-45)*

<sup>20</sup>Odaa aca lodawa Zebedeu jigigo midoataga Jesus lixigagawadi nigijoa itoa lionaga, Tiago ijaa João. Odaa ja yamagatedini lokotidi lodoe Jesus, odaa ja dipokotalo meote nigica liwikodenatakanegegi.

<sup>21</sup> Jesus naga ige, meeteta, “Amiinoda ica anemaani?” Odaa ja igidi, meetalo, “Awiita niginoda ionigipi me nicote gawai, oniniteci gaba-aagadi, iniaageledi degeetege ganimagijegi mikeeni me gonegaga, nigo-oota ma-aami inionigi-eliodi.”

<sup>22</sup> Pida Jesus ja igidi, meetediogi, “Agowoogotitiwaji nigica anipokitibige. Domigakatitiwaji mawikodee digo aneji nige jawikodee?” Odaa jogoninigodi, moditalo Jesus, “Oko jibogatege me jawikodeega nigica aneni mawikodee.”

<sup>23</sup> Odaa Jesus jegeetediogi, “Ewi makati mawikodeetiawaji, nigica aneji me jawikode. Pida agica inagatetigi daga jakadi mejitagawa manicootini ibaagadi iniaageledi digetege inimagijegi. Pida Eliodi ilakidetedini nigidiwa nimetiidi, baaniginiaa yowoogodi nigica ane nicoteloce.”

<sup>24</sup> Nigijo eledi anodiotibece nogowajipata ane domogoyemaa nigijo dinioxomigi, odaa jogoyelatema. <sup>25</sup> Odaa Jesus jegeniditediogi nigijo anodiotibece menagitibeci midoataga, odaa meetediogi, “Owoogotitiwaji anodaagee nigina inionigi-eliodi me dakake ane igotiogi nigidi loigi ane iige. Codaa owoogoti anodaagee moibake nagatetigi niginoa godacilodipi moige eledi oko. <sup>26</sup> Nigida makaamitiwaji jinaga domagawii liciagi anowote nigina ane niigenatakanaga. Pida nigina ane yemaa me gonegegi leeditibige me nigiwatece eledi oko. <sup>27</sup> Codaa nigina ane yemaa me dibata odoegegi nimesi leeditibige moiwotage nigina eledi oko. <sup>28</sup> Awii liciagi Ee. Igaataga Ee, Goneleegiwa ane jicogotibigimece ditibigimedi, ajanagi daga jiotage oko. Pida janagi me Ee niotagi, codaa me jajigo yewiga me lojedi ane yemaa Aneotedogoji me napatagadi libeyacegeco eliodi oko.”

### Jesus icilatidi itoataale goladi

*(Marcos 10.46-52; Lucas 18.35-43)*

<sup>29</sup> Jesus ijaagijo anodiotibece ja noditicoaci nigotaga Jericó. Odaa eliodi ica noiigi anodiotibece Jesus. <sup>30</sup> Onidiwa icoa iniwataale goladi onicotinece naigi liniogotibece. Nogowajipatibece modi me Jesus nigijo ane ixomagatijo, odaa ja napaawaga, modi, “Goniotagodi, anida anenitege licogegi Davi, godiwikodenegegi!” <sup>31</sup> Odaa nigijo noiigi-nelegi jogonapetegetiniwace, oiige me notokotiniwace. Pida jegepaanaga dinigetagateetibigiwaji me napaawaga, modi, “Goniotagodi, godiwikodenegegi, anida anenitege licogegi Davi!” <sup>32</sup> Naga dabiditedi Jesus, odaa jegeniditediogi nigijoa goladi. Odaa ja nigetediniwace, meetediogi, “Amiini ica anemaanitiwaji me jaotagadomi?” <sup>33</sup> Odaa jogoigidi, moditalo, “Goniotagodi, jemaanaga mawii me jatenagatibece.” <sup>34</sup> Jesus iwikodetediogi, naga dibatedeloco ligecoogeli, odaa agica daga leegi jogoyakadi me doletibigiwaji, odaa jogodiotece.

### Jesus dakatediwece nigotaga Jerusalém micataga nigina inionigi-eliodi

*(Marcos 11.1-11; Lucas 19.28-40; João 12.12-19)*

**21** <sup>1</sup> Nigijo Jesus ijaagijo anodiotibece nogodipegita nigotaga Jerusalém, jogotota negepaa nigotakawaana Betfagé, anipegitege lojotagadi ane liboonagadi “Oliveira”. Joanigidiaagi Jesus naga iige itoataale

nigijo anodiotibece migotibeci odoe. <sup>2</sup>Meetediogi, “Emiitiwaji manitaga nigotakawaana digoida gododoe, odaa maleekokakaatio jaganiaa boliico dinigoetini, iniaagini boliicawaanigi manitaga. Owileceni, odaa anadeegitediwa! <sup>3</sup>Odaa nigica ane gadige ane leegodi mowileceni nagani boliico, enitatiwaji, ‘Goniotagodi yopotedibige. Aleegi odaa nopilagaditedagawatiwaji.”

<sup>4</sup>Nigida anee eotibige micotece lotaga nigijo ane yelogoditedibece Aneotedogoji lowooko nigijo jotigide, nigijo negee,

<sup>5</sup>“Enitiogi nigidi nigeladimigipitigi Jerusalém,

‘Digawinitegetiwaji!

Ganinionigi-eliodi jegenotedagawatiwaji.

Okaagegi,

codaa waxoditedeloco niginoda boliicawaanigi.”

<sup>6</sup>Odaa nigijo itoataale anodiotibece jigigotibeci, odaa jogowo nigijo ane iigete Jesus. <sup>7</sup>Jogonadeegi nigijo boliicawaanigi ajaagajo eliodo, odaa jogoyexagateloco nicaapatedi, odaa Jesus ja waxoditedeloco. <sup>8</sup>Eliodi oko oipecededice nicaapatedi nigijo naigitece, inatecibece bogonakagidi niale laamotiidi, odaa oilaagagaditedinece naigi moiwenigide Jesus. <sup>9</sup>Eliodi oko igotibeci lodoe, codaa eliodi eledi oko bogodilokotelogo, odaa ijotawece napaawagateloco, modi,

“Jemaanaga Aneotedogoji me iwenigide Niginoa  
anida aneetetege licogegi Davi!

Jemaanaga Aneotedogoji me ibinie Niginoa anenagi  
anida nagatetigi me Liboonagadi Goniotagodi Aneotedogoji!  
Jogegatibigimece Aneotedogoji!”

<sup>10</sup>Nigijo Jesus naga dakatediwece nigotaga Jerusalém, eliodi nigeladimigipi itagatibigiwaji, dinigetiwage, modi, “Amiiniwa icoa goneleegiwa?” <sup>11</sup>Odaa nigijo noigi-nelegi anijo mijoataga Jesus jogoninigodi, modi, “Niginiwa joaniginiaaginiwa Nigina ane yelogoditedibece Aneotedogoji lowooko, Jesus, anelatedibige nigotaga Nazaré midi nipodigi Galiléia.”

**Ica Jesus loenatagi mini Aneotedogoji ligeladi**  
(*Marcos 11.15-19; Lucas 19.45-48; João 2.13-22*)

<sup>12</sup>Jesus naga dakatediwece Aneotedogoji ligeladi, ja niticoitedicoace ijotawece nigijo ane enaanaganaga ijaagijo ane oojeteega. Odaa yamagatedini nameejatedi nigijo anoiikoage dinyeelo, codaa me nibaancotedi nigijo anoyaa yotipitedi. <sup>13</sup>Odaa meetediogi, “Maditaga lotaganagaxi Aneotedogoji, iwoteloco ane ligegi, nigijo negee, ‘Idokoyatigi igeladi me diimigi anei oko modogetetibigimece Aneotedogoji.’ Pida akamagakaamitiwaji bagademii micataga daga nagatagadi olicagaga.”

<sup>14</sup>Nigidiaagidi icoa goladi icaagicoa alejaadotedi enagitibeci midoa Jesus minitaga Aneotedogoji ligeladi, odaa ja nicilatiditediniwace. <sup>15</sup>Pida nigijo anoiige



(Mateus 21.10)

sacerdotitedi ijaagijo anodiigaxinagatece lajoinaganegeco Moisés, eliodi me neligideega, nogonadi nigijoa godoxicegetedi Jesus aneote, codaa nogowajipatiogi nigaanigipawaanigi me napaawagateloco mini Aneotedogoji ligeladi, modi, “Jemaanaga Aneotedogoji me iwenigide Niginiwa anida aneetetege licogegi Davi!”<sup>16</sup> Odaa moditalo Jesus, “Ida makaami ajipaata ida ligegi idi nigaanigipawaanigi?” Naga ninigodi Jesus, meetediogi, “Ja jajipatiogi. Pida ajawienataka nagalomegenitelocotiwaji ane diniditeloco Aneotedogoji lotaganagaxi, miditaga nigijjo anee, ‘Aneotedogoji ja niigaxitediniwace lionekadawaanaga inaa

nigaanigipawaanigi anodaagee me jogeegatibigimece Aneotedogoji ane enegegi ele mejinaga me jogeegatibigimece.”<sup>17</sup> Odaa Jesus ja yototedicoace, ja noditedice Jerusalém, jigigo nigotakawaana Betânia. Odaa jigidiaa limesi.

### **Jesus ixoo ajo fiigo libatadi**

*(Marcos 11.12-14, 20-24)*

<sup>18</sup>Negeledi noko me nigoitijo, Jesus jogopitacedicogi Jerusalém, odaa ja nigicile. <sup>19</sup>Naga nadi ajo libatadi “fiigoigo” liniogotibece naigi, odaa ja diiteta. Pida agaca yakadi ela, inokinoa laamotiidi. Odaa meeteta nagajo niale, “Agaleegakati majici fiigo!” Odaa agica daga leegi nagajo fiigoigo ja yadilo.

<sup>20</sup>Nigijo nogonadi nigijo anodiotibece nigijo niciagi, odaa eliodi moyopo, modi me notaganaga, “Nigica meo me yediiga me yadilo nagada niale!”

<sup>21</sup>Jesus ja ninigodi, meetediogi, “Ejitagawatiwaji anewi. Niganakatonitewaji Aneotedogoji, codaa nige dagawienatakani, yakadi mawii liciagi nigida anejigota nagada fiigoigo, codaa yakadi mawii caticeditace ane jao. Yakadi menitawaji nagadi wetiga, ‘Alatii, emii adinokolenitiniagi akiidi-eliodi!’ Odaa nagadi wetiga jagalati.” <sup>22</sup>Niganakatonitewaji Aneotedogoji, yakadi mabaategetiwaji okanicodaagica nigica anipokitalo Aneotedogoji nigina motaganegeni.”

### **Icoa lacilodi noiigi oigetece Jesus nigica ane yajigotalo nagatetigi**

*(Marcos 11.27-33; Lucas 20.1-8)*

<sup>23</sup>Jesus jogopitacedicogi minitaga Aneotedogoji ligeladi, odaa ja niigaxitediniwace ica noiigi. Nigijo naga diigaxinaga, jigigotibeci midoataga nigijo anoiige sacerdotitedi ijaagijoa laxokodi lacilodi nigidi noiigi. Odaa jogoige Jesus, moditalo, “Amiida ica ganagatetigi mawiite inoa ane gadoenataka? Amiijo ica ane yajigotagawa ganagatetigi?”

<sup>24</sup>Naga ninigodi Jesus, meetediogi, “Ee aagaga ida igikanegegi. Nigadigititewaji, odaa jagaga jelogoditagawa ane najigotiwa inagatetigi. <sup>25</sup>Enice, amiijo ica ane yajigota nagatetigi João Batista me nilegetiniwace oko? Mige Aneotedogoji, ogoa, domige oko oyajigota nagatetigi?”

Odaa jogodinotaganegetigi, modi, “Nigejinaga me Aneotedogoji ane yajigote nagatetigi João, odaa jegeetedogowa, ‘Enice, igaamee ina me digiwagatiteda lotaga João?’ <sup>26</sup>Pida degejinaga, ‘Me goneleegiwadi oyajigota nagatetigi João.’ Odaa nigina noiigi jogoyelatogodomi, igaataga oyiwagadi me Aneotedogoji niige João me nilegetiniwace oko, odaa geme idoiigatiogi nigidi noiigi.” <sup>27</sup>Nogoninigodi Jesus, moditalo, “Ajowoogotaga ane yajigota nagatetigi João.” Odaa Jesus meetediogi, “Enice Ee ajelogoditagawatiwaji ane najigotiwa inagatetigi me jaote niginoa yoenataka.

### **Natematigigi icoa itoataale nionaga**

<sup>28</sup>Pida amiida ica anakatitewaji? Ica goneleegiwa onidiwa iniwataale lionaga. One diita nigica lionigi bogoxiigodi, odaa oneeta, ‘Tonigi, nigina noko

emii abaa midiwa eyanigijedi uuva!’ <sup>29</sup>Naga igidi, meeta, ‘Ee agejigo.’ Pida nigidiaagidi ja dinilaatibece, naga iigi lowoogo, odaa jigigo diba. <sup>30</sup>Nigijoo eliodi jagaga diita nigijoo eledi lionigi, jagaga iige migo diba. Odaa jegeeta eliodi, ‘Je iniotagodi! Jegejigo.’ Pida agigo. <sup>31</sup>Anepidigica ijoo lionaga eo ane yemaa eliodi?’ Odaa nigijoo laciiodi noiigi jogoninigodi, moditalo, “Nigijoo lionigi liidaga.” Odaa Jesus meetediogi, “Ejitagawatiwaji nigina anewi. Aneotedogooji dibatetege codaa me iige laalegenali nigijoo anodibatibigege ninyeelo ninionigi-eliodi romaanotedi, inaa ewocomigipi, nigina oko anakatitiwaji meliodi me abeyacagaga, pida Aneotedogooji baadaga iigeteda gadaalegenalitiwaji. <sup>32</sup>Igaataga João Batista enagi, odaa ikee nigica anodaagee me ejogotalo Aneotedogooji, pida nigida makaamitiwaji agiwagati lotaga João. Pida nigijoo anodibatibigege ninyeelo ninionigi-eliodi romaanotedi ijaagijoo ewocomigipi bogoyiwagadi. Pida nigida makaamitiwaji, naganati me eniwagatakanaga codaa modioteece Aneotedogooji, idokee agadinilaanitibecetiwaji, otegeaagaga iwagati João.”

### Natematigigi icoa nawodaganadi abeyacagaga

*(Marcos 12.1-12; Lucas 20.9-19)*

<sup>33</sup>Jesus egidaagee me dotaga, meetediogi, “Digajipaatiwaji nigida eledi natematigo anida ane jiciaceeketege! Onini ica ane nebi icoa iigotedi aneyatologo elanigijedi uuva, odaa ja niotaa. Codaa jonaga iwila aca nalice lajo monoga uuva liwagedi, codaa dabitegetini lipe libeogadi ica anoyowie elanigijedi. Nigidiaagidi ja yajigotiogi me niwaigawepodi icoa nawodaganadi nigijoo elanigijedi. Odaa ja diniwajje. <sup>34</sup>Naga nipecti monopilagaditedio elali, odaa ja iige icoa liotaka, iigetioogi nigijoo nawodaganadi modibatege nigica liwai ane nebi. <sup>35</sup>Pida nigijoo nawodaganadi jogodibatiogi nigijoo liotaka. Onica ica ononaxacogotibige, ica eledi bogodaa oyeloadi, ica eledi bogonexaa onigidatice. <sup>36</sup>Odaa nigica ane nepilidi enanigijedi ja iige eletidi liotaka, pida nigijoo nawodaganadi owo liciagi anodigotiogi nigijoo odojedipi ane iige. <sup>37</sup>Nogowidijegi ja iige ica epaa lionigi, meetibige le, ‘Ejime odeemitetibige ionigi.’ <sup>38</sup>Pida nigijoo nawodaganadi nogonaditege nigijoo lionigi, odaa modi me dinotaganeege, ‘Nigina anenagi nigijoo lionigi anicota me nepilidi niginoa nawodigijedi eliodagajetecidi. Ele me jeloataga, odaa niginoa nawodigijedi ja gonepilidi!’ <sup>39</sup>Odaa jogodibata nigijoo lionigi ane nepilidi nawodigijedi, odaa jogoyadeegitoci wetice nigidiwa nawodigijedi, odaa jogoyeloadi.

<sup>40</sup>Nige limedi menagi nigijoo ane nepilidi nawodigijedi, amigida ica anigotiogi idiwa nawodaganadi?” <sup>41</sup>Nogoninigodi Jesus, moditalo, “Eo meliodi me nawikodeega codaa nigodi nigijoo goneleegiwadi abeyacagaga. Odaa yadilaganeegeta lawodigijedi eletidi nawodaganadi, anepaga oyopilagadita niwai anida aneetege nigicota noko monopilagaditedio.”

<sup>42</sup>Odaa meetediogi Jesus, “Ajawienataka nagalomegenitelocoti waji maditaga Aneotedogooji lotaganagaxi, nigijoo anee, ‘Nagajo wetiga ane digica mowo nigijoo anodabitegetini diimigi,



nagani wetiga jigicota me nagaca ane enegegi oyopotibige.  
Pida Goniotagodi Aneotedogoji mina igote,  
codaa jakataga mele nigida loenatagi.'

<sup>43</sup>Joanigidaa leegodi mejitagawatiwaji Aneotedogoji me dagadiaa iige gadaalegenali, pida ja iige laalegenali eledi oko anepaga oyoe nigica ane yemaa Aneotedogoji. <sup>44</sup>Nigica oko aneniteloco nagani wetiga, oada ja napegitibige, eote liwailidawaanaga. Pida nagani wetiga niganipaga eniteloco oko, iopaagadi codaa yeloadi nigica oko."

<sup>45</sup>Nigijo anoiige sacerdotitedi ijaagijoa fariseutedi nogowajipatalo nigijoa natematiko anida ane iciaceeketege Jesus meyatemati, oada jogoyowoogodi nigidiaageetediogi Jesus. <sup>46</sup>Oada ja domogoyemaa moniwilo Jesus, pida agica nimawenegegi leegodi odoitiogi nigijo noiigi, igaataga nigijo noiigi oyakadi Jesus minigina ane yelogditedibece Aneotedogoji lowooko.

### Natematigigi lalokegi ica nadonegegi

(Lucas 14.15-24)

**22** <sup>1</sup>Jesus yatemati eledi natematigo anida ane iciaceeketege me dotaga lodoe nigijo ane niigenatakanaga, meetediogi, <sup>2</sup>"Nigina Aneotedogoji me iige laalegenali oko, jiciaceeketege nigina inionigiliodi ane ilakidetini nalokegi ladonegegi lionigi. <sup>3</sup>Oada ja iige liotaka modigotece lodenigipitema lalokegi. Pida anibetibigiwaji, agoyemaa migotibeci naloogo. <sup>4</sup>Oada ja iige eletidi liotaka, meetiogi, 'Enitiogi gododenigipi, "Digawinitiwaji! Nalokegi ja limedi. Jogonigodi wacalioneke, inaa godinadi ajakalodi, codaa inoatawece ja igo. Anagitiwaji mido naloogo!"' <sup>5</sup>Pida nigijo nodenigipi agica mowo, oada oninitecibeci jigigo iwi epaa libakedi. Onica ica anigo nibajeenda, ica eledi bigigo mani noojetekaxi. <sup>6</sup>Icaagica eledi nodenigipi бага odibatiogi nigijoa liotaka, oada jogonaxacogotiniwace, jogonigodi. <sup>7</sup>Nigijo inionigiliodi naga dibodiceta nigica niciagi, eliodi me deligide, oada ja iige niodagawadi monigodi nigijoa aijekaga, codaa moyalegi nigotaga. <sup>8</sup>Nigidiaagidi meetiogi liotaka, 'Lalokegi nadonegegi ja igo, pida nigijo oko yodenigipi agaleegoyakadi menagitibeci, leegodi abeyacagaga. <sup>9</sup>Oada natigide, emii iwitece ladicotiidi, oada anodenitema nalokegi okanicodaagica oko anakapetege.' <sup>10</sup>Oada nigijoa liotaka jogodioteci ladicotiidi, oyatecogotee inatawece oko anodakapetege, inatecibece oko libinienigipi, codaa minatecibece бага abeyacegegipi. Oada nagaca nalokaxi ja nolee oko.

<sup>11</sup>Pida nigijo inionigiliodi naga dakatiwece nalokaxi me iwitiogi nodenigipi, oada ja nadi ica goneleegiwa ane daga dinixotinigilo icoa nowoodi epoka lajo nalokegi. <sup>12</sup>Oada nigijo inionigiliodi ja ige nigijo goneleegiwa, meeta, 'Godokaagedi, igame ganimawenegegi manakaatio me digicoateda gadowoodi anepaa lajo nalokegi?' Pida agica anetegeyatigi ligegi. <sup>13</sup>Oada nigijo inionigiliodi meetiogi liotaka, 'Agoeni libaagatedi,

logonaka, odaa okoleniticogi wetice midi nexocaga, aneite oko me noenagatelo, codaa moyacigice lowe, leegodi lawikodico.’<sup>14</sup> Igaataga Aneotedogoji eniditediogi eliodi oko, pida onatecigidi ane iolatedicoace.”

**Fariseutedi oige Jesus domige leeditibige moyediatece inionigi-eliodi dinyeelo**

*(Marcos 12.13-17; Lucas 20.20-26)*

<sup>15</sup>Odaa nigijoa fariseutedi ja noditicoaci me diniikoetiwage lowooko domogowotibige Jesus meote ligegi ane daga diitigi, domogowotibige dogoyakadi me nilaagedi. <sup>16</sup>Odaa jogoimonyatalo Jesus nigijo anodiotibeci fariseutedi oiwagateetece nigijo ane licaajepodi inionigi-eliodi Herodes. Odaa nigijoa niigexedi moditalo Jesus, “Niigaxinaganaga, jowoogotaga makaami oko ane igenaga, codaa mewi me iigaxinaganitece nigica Aneotedogoji ane yemaa nigina oko mowo. Codaa jowoogotaga me daga aniwinita nigina oko migida nagatetigi, ogoa domige agica nagatetigi. <sup>17</sup>Natigide, enitogowa nigica anakati. Domige lakapetegi najoinaganegegi godoiigi me jedianagatece César, ninionigi-eliodi romaanotedi, nigicoa dinyeelo ane leeditibige me jedianaga? Domige lakapetegi gonajoinaganegegi, ogoa, adakapetege?”

<sup>18</sup>Pida Jesus ja yowoogoditediwe lowooko ane beyagi, odaa meetediogi, “Igame leegoditiwaji madineenitiwa? Akaamitiwaji nigina anokowo meletibigiwaji. <sup>19</sup>Digawii anadeegitiwajiwaji beexo nagana anatikani mediani romaanotedi anetigadiigeni mediani.” Odaa jogoyadeegitalo aca beexo. <sup>20</sup>Odaa ja nigetediniwace, meetediogi, “Ame liwigo aniwotelo ani beexo? Codaa ame liboonagadi ane diniditelo ani beexo?” <sup>21</sup>Odaa jogoigidi, moditalo, “César, nigijo ninionigi-eliodi romaanotedi.” Odaa jegeetediogi, “Enice edianitecetiwaji César nigica ane nebi, codaa edianitece Aneotedogoji nigica ane nebi!” <sup>22</sup>Nogowajipatalo nigijoa lotaga Jesus, eliodi moyopo. Odaa jogoyakamagadi, jogopitibeci.

**Odigikatigi nigica noko nige newigatace niginoa émagaga**

*(Marcos 12.18-27; Lucas 20.27-40)*

<sup>23</sup>Ijaagijjo nigijjo noko jogodiitalo Jesus icoa saduceutedi. Nigicoa saduceutedi baadogoyiwagaditeda Aneotedogoji micota me yewikatiditace niginoa émagaga anigida noko. <sup>24</sup>Odaa jogoige Jesus, moditalo, “Niigaxinaganaga, Moisés diigaxinagatece nigica goneleegiwa ane yeleo, odaa ja nenyagaditi lodawa, maleedigica lionigitege, odaa nioxoa leeditibige me lodawa nagajo wajekalo eotibige mica lionigipi. Odaa digicoa lionaga micataga daga lionigipi ijoolatibige nioxoa. <sup>25</sup>Odaa onica seete dinioxomigipi aninaa ligeladi digoina. Nigica liidaga jonaga wado. Pida aona nigica lionigi naga yeleo. Odaa nigijjo nioxoa ja lodawa nagajo wajekalo. <sup>26</sup>Pida jagaga yeleo maleedagagica lionigitege. Odaa ica eledi nioxoa jagaga lodawa nagajo iwaalo. Pida idaagee anigica lionigitege naga yeleo. Odaa ijotawece seete dinioxomigipi nigo. Ijotawece nigo maleedigica lionigipi.

<sup>27</sup>Nigidiaagidi nagajo iwaalo jagaga yeleo. <sup>28</sup>Enice, nigicota noko Aneotedogoji meote me newigatace niginoa émagaga, amigepidigica nigijo seete dinioxomigi anepewi me lodawa nagajo iwaalo? Igaataga ijotawece lodawadi nagajo iwaalo.”

<sup>29</sup>Jesus naga ninigodi, meetediogi, “Nigida makaamitiwaji eliodi mabataa leegodi agowoogoti Aneotedogoji lotaga, otegeaagaga owoogoti Aneotedogoji notoetiigi. <sup>30</sup>Igaataga nigeotace Aneotedogoji me newigatace niginoa émagaga, oada ja liciagi niginoa niaanjededi Aneotedogoji. Agalee nadonaga, otegeaagaga icoa lionaga. <sup>31</sup>Pida, nigida makaamitiwaji ejinigica malomegeniteloco ane ligegi Aneotedogoji nigijo negeetetece me newikatiditacediniwace niginoa émagaga. Mee Aneotedogoji, <sup>32</sup>‘Ee Noenogodi Abraão, codaa Ee Noenogodi Isaque, iniaa Jacó.’ Aneotedogoji aNoenogodi oko émagaga, pida Noenogodi oko ane newiga.” <sup>33</sup>Nigijo noiigi-nelegi nogowajipatalo Jesus lotaga, eliodi moyopo leegodi liigaxinaganegegi.

### **Liigenatakanegegi Aneotedogoji anenegegi ida ane jaoga**

*(Marcos 12.28-34; Lucas 10.25-28)*

<sup>34</sup>Nigijo fariseutedi nogodibodicetalo Jesus me yamaketedi saduceutedi. Oada ja dinatocogotee. <sup>35</sup>Oada onini mawatiogi ica ane diigaxinagatece lajoinaganegeco Moisés. Oada jigijaa dineetalo Jesus, domaga dibatalo digica libatiigi me dotaga. Ige Jesus, meetalo, <sup>36</sup>“Niigaxinaganaga, amiida ica goniigenatakanegegi ane dagaxa mida ane jaoga ane iditini Moisés?”

<sup>37</sup>Naga ninigodi Jesus, oada meete, “‘Emaani Ganiotagodi Aneotedogoji manitawece gadaalegena, midatawece nigica galidekegi, codaa minitawece gadowoogo.’ <sup>38</sup>Joanigidaagida odoejegi liigenatakanegegi Aneotedogoji, codaa jigidaagida ane dagaxa mida ane jaoga. <sup>39</sup>Naga lowidi nigida goniigenatakanegegi, ida eledi goniigenatakanegegi ane dagaxa mida ane jaoga, liciagi nigidi odoejegi. Nigijo anee, ‘Leeditibige memaani okanicodaagica oko, digo aneni madinemaani.’ <sup>40</sup>Nigeteteni nigidoa itoataale goniigenatakanegeco, oada jogoteteni ijoatawece eletidi goniigenatakanegeco ane iditedini Moisés, codaa me nigidiwa niigenatakanegeco aagaga oiditedini nigijo anoyelogoditedibece Aneotedogoji lowooko.”

### **Jesus digikatetece Nigicoa ane niige Aneotedogoji meo lewiga nigina oko**

*(Marcos 12.35-37; Lucas 20.41-44)*

<sup>41</sup>Nigijo malee yatecogo nigijoa fariseutedi, oada Jesus ja nigetediniwace, meetediogi, <sup>42</sup>“Amiida ica gadowoogotece anodaagee Nigicoa ane niige Aneotedogoji me yatamagateetege godoiigi lawikodico? Amiida ica licogegi?” Oada jogoigidi, moditalo, “Ida aneetege licogegi Davi.” <sup>43</sup>Jesus ja nigetacediniwace, meetediogi, “Enice, igrage leegodi ina Davi meeta, ‘Iniotagodi?’ Davi mee, ‘Iniotagodi’ nigijo naga dakatiogi Aneotedogoji Liwigo, oada Aneotedogoji Liwigo eo me dotaga. Igaataga Davi mee me dotaga,

<sup>44</sup> ‘Aneotedogoji Inoenogodi meete Iniotagodi,

“Anicooti iwai ibaagadi nigepaagicota me jao manigaanyetece ganelogododipi.” ’

<sup>45</sup>Davi nigeyatigi me Niotagodi. Enice, igamodaagee Nigicoa ane niige Aneotedogoji anida aneetege licogegi Davi?” (Igaataga noiigi judeu agica aneeta lionigi me Niotagodi.) <sup>46</sup>Odaa agica ane yakadi me igidi Jesus. Codaa jigijaagijotigi nigijo noko agaleegica anabo laalegena me ige Jesus me dineetalo.

**Jesus yalagate nigijoa fariseutedi ijaagijo anodiigaxinagatece lajoinaganegeco Moisés**

*(Marcos 12.38-40; Lucas 11.45-53; 20.45-47)*

**23** <sup>1</sup>Nigidiaagidi Jesus jegeetediogi nigijo noiigi-nelegi, ijaagijo anodiotibece, <sup>2</sup>“Nigina anodiigaxinagatece Moisés lajoinaganegeco inaaginoa fariseutedi ida nagatetigi modiigaxinagatece codaa moyelogodi ane diitigilo niginoa ane diigenatakatalo Moisés mowote. <sup>3</sup>Enice, okanicodaagica anodiigenatakata, iwagatitiwaji codaa awii. Pida jinagawii liciagi ane lakataga, igaataga odiigenatakata moyiwagadi ane diigenatakata najoinaganegeco, pida idiaagidi baadogoyiwagadi. <sup>4</sup>Odiigenatakata mowote niginoa ane dakake me jiwagatece, micataga dogoyexagateloce lelaga oko loyagagi ane iwaagadi, pida agoyaxawa moyoyagadi, otegexaagaga oyadodi! <sup>5</sup>Inoatawece anowote, owote modinikeenaganegetema nigina oko. Oyexocagaditeloco libaagadi, codaa me latocolodi Aneotedogoji lotaga owotibige nigina oko modiletibige degeliodi moyotaganegede Aneotedogoji, codaa oyocagatee liniogo niginoa nijayogoli owotibige nigina oko modiletibige diginigina niigaxinaganadi aninoa lixaketedi. <sup>6</sup>Nigina me naloogo oyemaa monicotelogo nigicoa ane dagaxa mele nimetiidi, codaa me nigicoa nibaancotedi gonegaga midiwataga niiakanagaxiidi. <sup>7</sup>Oyemaatibige nigina oko monicetibigiwaji, codaa lemaanigi nigina oko moikee modeemitetibige nigina modakapetibigege, codaa oyemaatibige nigina oko moditigi me ‘Niigaxinaganadi!’. <sup>8</sup>Pida akaamitiwaji бага jinaga domigikani dogoditagawa nigina oko makaami ‘Niigaxinaganadi’, igaataga iniwa oniniwatece ganiigaxinogodi ane Cristo. Codaa akaamitawece akaami diniciamico, anakaami dinioxomigipi. <sup>9</sup>Codaa jinaga domigica anenita me gadiodi digoina iigo. Igaataga oniniwatece Gadiodi, ane ideite ditibigimedi. <sup>10</sup>Jinigikani nigina oko dogoditagawa, ‘Niotagodi’, igaataga oniniwatece Ganiotagoditiwaji, Cristo ane niige Aneotedogoji. Codaa jegemegee ane niige Aneotedogoji. <sup>11</sup>Pida nigina anenegegi ida niwaló gadiwigotigitiwaji, jiginiaa gaotagi. <sup>12</sup>Codaa nigina anepaa ilecatiditibigimece liboonagadi, Aneotedogoji icota meote me digica jaoga. Pida nigina ane diniwikodetibece, Aneotedogoji icota meote me leegitibigimece liboonagadi.

**Jesus yapetege nigina anokowo me eletibigiwaji**  
(*Marcos 12.40; Lucas 11.39-42, 47-52; 20.47*)

<sup>13</sup>Nagoodi akaamitiwaji, anakaami niigaxinaganadi ane iigaxinaganitece lajoinaganegeco Moisés, codaa akaami anakaami fariseutedi, anokawii makaami eletetiwaji! Igaataga agikanitiwaji digica oko ane ikee anodaagee Aneotedogoji me iige laalegena. Codaa akamagakaamitiwaji agemaani Aneotedogoji daga iige gadaalegenali, codaa agikani niginaeledi oko moyowoogodi anodaagee Aneotedogoji anigote, nigina oko anodoletibige Aneotedogoji me iige laalegenali. <sup>14</sup>Nagoodi akaamitiwaji, anakaami niigaxinaganadi, codaa anakaami fariseutedi, anokawii makaami eletetiwaji! Igaataga aniboloiteeni iwaalepodi ane wajekalodipi, oada abanoonitece niginoa ligelatedi, codaa olicetalo niginoa ane nepilidi. Odaa nigidiaagidi ocagateeni motaganegeni Aneotedogoji, pida mina adinikeenaganegeni. Joanigidaa leegodi Aneotedogoji me gadiloikatititewaji caticedi niginaeledi oko ane iloikatidi.

<sup>15</sup>Nagoodi akaamitiwaji, anakaami niigaxinaganadi codaa anakaami fariseutedi, anokawii makaami eletetiwaji! Igaataga ageetitatiwaji akiititedi-eloodoli, codaa aniwiajeetelogo owidi nipodaga moleetibige mawii mini oko ane dioteci gadiigaxinagananegeco. Odaa nigina mini anakati mawii me diotagadici, jigicaagawitibigetiwaji Aneotedogoji me iloikatidi niginida oko caticedi anigotedagawatiwaji minitaga noledi ane daga ipe.

<sup>16</sup>Nagoodi akaamitiwaji! Igaataga gadiagiwaji nigina oko golaga ane domogodoletibige moikeeta naigi niginaeledi golaga. Meni me iigaxinaganitiwaji, ‘Nigica aneo ligegi meo okanicodaagica me liboonagadi ligeladi Aneotedogoji, oada aibeyacagadi nige degeote nigijo ane ligegi. Pida nige ligegi meo okanicodaagica me liboonagadi niolo Aneotedogoji ligeladi, oada бага leeditibige meo ane ligegi.’ <sup>17</sup>Gadiciagitiwaji nigina oko yetoledi codaa me goladi! Amiida ica anenegegi ida ane jaoga, oolo ane idei Aneotedogoji ligeladi, ogoa iniaagini Aneotedogoji ligeladi aneo nigidiwa oolo anidiwa catiwedi ligeladi me nepilidi Aneotedogoji? <sup>18</sup>Codaaeledi meni me iigaxinaganitecetiwaji, ‘Nigica oko aneo ligegi meo okanicodaagica me liboonagadi nameeja Aneotedogoji nigina me dotaga, oada baadaga ibeyacagadi nige degeo nigijo ane ligegi. Pida nigina nigeo ligegi me liboonagadi nigijo liboonigi ane idei madi nameeja Aneotedogoji, oada бага leeditibige meo nigica ane ligegi.’ <sup>19</sup>Gadiciagitiwaji yetoledi inaa goladi! Amiida ica anenegegi ida ane jaoga, mige goboongi, ogoa, domige nameeja aneo me dibatetege Aneotedogoji goboongi? <sup>20</sup>Enice oko aneo ligegi me liboonagadi Aneotedogoji nameeja nigina me dotaga, nigini oko agidokida me ibake liboonagadi nameeja, pida aagaga ibake liboonagadi okanicodaagica ane liboonigi madi nameeja. <sup>21</sup>Odaa nigina oko meo ligegi me liboonagadi Aneotedogoji ligeladi, nigina me dotaga, nigini oko agidokida me ibake liboonagadi Aneotedogoji ligeladi, pida aagaga ibake Liboonagadi Aneotedogoji aniniwa catiwedi ligeladi. <sup>22</sup>Nigina oko aneo ligegi me liboonagadi nigica ditibigimedi,

nigina me dotaga, nigini oko ewi me ibake liboonagadi nagaca Aneotedogoji nibaanco gonege, codaa me Liboonagadi Aneotedogoji, ane nicotedeloco.

<sup>23</sup>Nagoodi akaamitiwaji anakaami niigaxinaganagatema lajoinaganegeco Moisés codaa anakaami fariseutedi anokawii makaami eletetiwaji! Igaataga aboonitalo Aneotedogoji ane nebi, codaa majici liwai niginoa anokateciginoa me ganidiizimo, niginoa niale laamotiidi ane jexakajogotinigi niweenigi me lanigi. Pida jigikani me iwitece najoinaganegeco anenegegi ida ane jaogate midwiwa lajoinaganegeco Moisés. Nigidiwa najoinaganegeco onikeetogowa anodaagejinaga me jaoga ane igenaga, codaa moko eletema eledi oko, codaa onikeetogowa me leeditibige mejiwagataga Aneotedogoji. Pida domaga leeditibige me iwitecetiwaji niginoa najoinaganegeco ane dagaxa mida ane jaogate, codaa magaga awiite niginoa ane degewi ina mica ane jaogate. <sup>24</sup>Nigida makaamitiwaji gadiciagi nigijo oko goladi anodoletibige moikeetece naigi eletidi goladi. Codaa gadiciagi nigina oko ane yaago viinyo me noga gonoodo, pida бага yalitini gameelo, igaataga adowetiteloco niginoa anicinoa ane digica ane jaogate, pida agoeni niginoa anida ane jaogate ane niigetedogowa Aneotedogoji.

<sup>25</sup>Nagoodi akaamitiwaji anakaami niigaxinaganadi ane iigaxinaganitece najoinaganegeco, codaa makaami fariseutedi, anokawii makaami eletetiwaji! Nigida makaamitiwaji ica ina daga akaami eletetiwaji, gademaanigitiwaji mele me iwileci wetice ganigoopa idaa ganiginogo, pida micataga daaditaga iwileci le ganigoopa idaa ganiginogo. Codaa micataga daga nolee ganigoopa idaa ganiginogo nigina ane gadolicagaditiwaji codaa akaami adodigomadadi, leegodi agakati madinajacagati. Leeditibige magaga iwilecitiwaji catiwedi gadaalegena. <sup>26</sup>Anakaami fariseutedi, akaami goladi! Odoejeeni miwileci catiwedi akaamitiwaji, micataga digiwileci le ganigoopa codaa me ganiginogo, oada jagaga yapidi wetice.

<sup>27</sup>Nagoodi akaamitiwaji ane iigaxinaganitece najoinaganegeco, codaa anakaami fariseutedi, anokawii makaami eletetiwaji! Gadiciagitiwaji nigina émegegi libegi, ane libinienigi inokina we, leegodi onadinegeta nadinagajegi ane yapacaga nigidiwa wetiadi. Pida catiwedi nigida begi, бага nolee gobitaka inaa neladaga. <sup>28</sup>Nigina me gadiwinegitiwaji ica ina daga gadegenakitiwaji, pida onawititewaji makaami libinienigipi, codaa gadaalegenali nolee nigica ane beyagi.

<sup>29</sup>Nagoodi akaamitiwaji ane iigaxinaganitece najoinaganegeco, codaa anakaami fariseutedi, anokawiiwaji makaami eletetiwaji! Igaataga ipekeniteloco wetiadi libinienaga anonaligite nigijoa émagaga, liotagipi Aneotedogoji baanaga nigo anoyelogoditedibece lowooko Aneotedogoji. Codaa awii gadiwilanigitiwaji ocagataga manalakitibige malee newiga nigijo oko ane igenagatibigiwaji nigijo jotigide. <sup>30</sup>Oada menitiwaji, ‘Daga godewiga malee newiga godaamipi, agotaga inigotaga liotagipi Aneotedogoji anodigotiogi godaamipi nigijo liotagipi Aneotedogoji.’ <sup>31</sup>Oada nigida anenitiwaji jigikeeni mida anenitege licogegi nigijo anonigodi Aneotedogoji liotaka. <sup>32</sup>Oada jagagotitiwaji nigijo nibakedi ane beyagi anoyojogotini gadaamipi. <sup>33</sup>Gadiciagitiwaji niginoa laketedi ane diniweneene. Nigida makaamitiwaji

agaleegica ganimawenegegi daga gadiwokoni Aneotedogoji nige iloikatidi nigina oko leegodi libeyacegeco, codaa nige limedi me imonyatedicogi minitaga noledi ane daga ipe. <sup>34</sup>Codaa Emegee jiigeticogi makaamitagatiwaji nigina anoyelogoditedibece Aneotedogoji lowooko, inoa aninoa lixaketedi, inaa gina anodiigaxinagatece nigica ane yemaa Aneotedogoji mowo nigina oko. Pida ijo ananigotitiwaji, ijo anotonitlocotiwaji nicenaganagate manigoti. Ica eledi бага analakenitiniwace catiwedi gadiiakanagaxiidiitiwaji, codaa me iatenitibece, odaa jagawii me daleditibigimoace odeletalo eletidi nigotadi. <sup>35</sup>Joanigidaa leegodi Aneotedogoji makaami laagetedipi leegodi lemegegi ijotawece nigijo oko ane igenagatibigiwaji anonigodi, odoejege moyeloadi Abel goneleegiwa ane igenaga, lionigi nigijo odoejege goneleegiwa Adão, negepaagotota moyeloadi Zacarias, lionigi Baraquias, naiigo gadoiigitiwaji, anoyeli wetice Aneotedogoji ligeladi, ipegitege Aneotedogoji nameeja. <sup>36</sup>Ejitagawatiwaji anewi. Aneotedogoji iloikatidi nigina noiigi aninaa niginoa nokododi leegodi laijedi.

**Jesus eliodi me iwikode nigeladimigipitigi Jerusalém**  
(*Lucas 13.34-35*)

<sup>37</sup>Eliodi me gadigecagalegenitiwaji, anakaami nigeladimigipitigi Jerusalém! Leegodi manigotitiwaji nigijo anoyelogoditedibece Aneotedogoji lowooko, codaa anigidaatiniwace manigoti nigijo ane niigetdagawatiwaji Aneotedogoji. Elioditibece me domaga jemaa me gadatecogoteenitiwaji me idoweditalaloco, macataga nagana okogokoodi me yatecogotee lionaga catiwedi labadi, pida agemaanitiwaji. <sup>38</sup>Natigide, ligeladi Aneotedogoji anini makaamitagatiwaji icota moyaladi, leegodi me digicoateda Aneotedogoji ane nebi. <sup>39</sup>Ejitagawatiwaji anewi. Icota me dagadiaagica madatitiwaji nigepaagicotata nigica noko nigenitiwaji, ‘Jemaanaga Aneotedogoji me ibinie Niginoa anenagi anida nagatetigi Liboonagadi Goniotagodi Aneotedogoji.’”

**Jesus yalagate micota moyojiketini Aneotedogoji ligeladi**  
(*Marcos 13.1-2; Lucas 21.5-6*)

**24** <sup>1</sup>Jesus noditedicogi Aneotedogoji ligeladi. Nigijo nogopi, nigijo anodiotibece jogodipegege, odaa jogoyalagata Aneotedogoji ligeladi me nelegi codaa me libinienigi. <sup>2</sup>Odaa Jesus ja ninigoditediogi, mee, “Jaganatitiwaji nigini diimigi libinienigi. Ejitagawatiwaji anewi. Icota anigida noko me dagaca wetiga ane yeyagateloco eledi wetiga, leegodi initawece oyaagadi nigini diimigi.”

**Jesus yalagate icoa nawikodico anenagi**  
(*Marcos 13.3-13; Lucas 21.8-19*)

<sup>3</sup>Jesus idiaa nicote minitaga lojotagadi ane liboonagadi “Lojotagadi Oliveira”. Odaa nigijo anodiotibece jogoyatecogotelogo, odaa jogoige, oniboloite maleedigica eledi oko, moditalo, “Igaatigi ica nigoyojiketini



Aneotedogoji ligeladi? Codaa igamodaagee ica me ikee Aneotedogoji nigadopilitijo, codaa igaatigi ica nige daa ina iigo?”

<sup>4</sup>Jesus ja ninigodi, meetediogi, “Adinowetiwaji adigica ane gadinaaleni. <sup>5</sup>Igaataga eliodi oko enagitibeci, odaa oibake Iboonagadi, codaa modi, ‘Jegemegee ane niige Aneotedogoji me jigeke inatawece godaxakawepodi.’ Odaa jogoninaaletiniwace eliodi oko. <sup>6</sup>Codaa jinagagowikomataatiwaji nigajipaata layaco witidi, codaa nigabodicetibige noiigi me nidelaga. Igaataga leeditibige minoa nidelakadi. Pida anaga ipegiteloco liniogo nigina iigo. <sup>7</sup>Igaataga nigina noiigi dinidelegetiwage, codaa niginoa inionaga-eloodoli dinidelegetiwage. Odaa eliodi mina nigigi, codaa me neelotika ane waxodi, codaa datalale iigo, agicaadegite. <sup>8</sup>Inoatawece niginoa nawikodico liciaco odoejedi lileenaganegegi iwaalo me dinigaje.

<sup>9</sup>Nigidiaagidi nigina ganelogododipi etigadiwilotiawaji, odaa etigadajicitioyi ane niigenatakanaga metigadiloikatiti codaa metigadeloati. Codaa inatawece noiigi akaami nelegetedipi leegodi maniwiticitiwaji. <sup>10</sup>Odaa eliodi oko eyamagatice eliwigatakanegegi, odaa jogoyajigo nigina anepagalee etidadiwagati, oyajigotiogi nelogododipi, odaa nelegetedipi nigijo anoniotici. <sup>11</sup>Codaa eliodi awitakagaga anicota menotibeci, odaa modi moyelogoditedibece Aneotedogoji lowooko, odaa jogoninaaletiniwace eliodi oko. <sup>12</sup>Odaa nigina oko jegepaa nogowo niginoa ane beyagi, odaa jigidaa leegodi nigina oko agalee dinemaa. <sup>13</sup>Pida nigina ane dinatitalo inoatawece ane lawikodico, codaa ane daga ika me idadiwagadi, joaniginiaa bigida lewiga ane digica liniogo meetaga. <sup>14</sup>Odaa jogoyadeegitedibece nibodicetedi anele anoditece nigica anodaagee Aneotedogoji nige iige laalegenali oko, codaa oyatematitedibece niginoa nibodicetedi anele. Oyatematitioyi inoatawece nipodaga, oyelogoditioyi noiigi me yemaa Aneotedogoji me iige laalegenali. Odaa jegepaanaga icota liniogo nigina iigo.

### Ica nawikodigi nelegi

*(Marcos 13.14-23; Lucas 21.20-24)*

<sup>15,16</sup>Daniel, nigijo ane yelogoditedibece Aneotedogoji lowooko nigijo jotigide, mee moyojogotini ica niwigo ane goneleegiwadi liwilanigi minitaga Aneotedogoji ligeladi. (Nigina ane yalomegeteloco niginoa notaga leeditibige me yowoogodi ane diitigilo.) Enice, nigicota manati nigida niwigo minitaga Aneotedogoji ligeladi, nigina oko aneitelogo nipodaga Judéia, leeditibige me daleditibige, odeletibigimece wetiadi. <sup>17</sup>Codaa nigina ane anipetini ditibigimedi ligeladi, leeditibige me digigo dakatiwece ligeladi me dibatalo ane nepilidi, pida leeditibige me dinagetice melodi. <sup>18</sup>Codaa nigina ane ideitice lixogotagi, agele daga dopitijo me dibata nibalito. <sup>19</sup>Nagoodoli nigina iwaalepodi ipilagaga codaa nigina bagalee oilipege lionigi nigicotalo nigicoa nokododi ane doide! <sup>20</sup>Ipokitalotiawaji Aneotedogoji me dagadaletitibige me limedi niwetaga, otegeaagaga nigina saabado. <sup>21</sup>Igaataga nigica nawikodigi anenagi eliodi me gonitiga. Anigicoa nawikodico liciaco nigicoa anenagi,

nigijo maleekoka dinoe nigina iigo. Codaa agicota micoa eletidi nawikodico liciaco nigicoa nawikodico. <sup>22</sup>Aneotedogoji noxopanatidi nokododi nigicoa nawikodico. Daaditaga noxopanatiditeda nigicoa nokododi, agotigica ane dinatitalo nigicoa nawikodico. Pida leegodi nigidi oko ane iolatedicoace me nepilidi, Aneotedogoji noxopanatidi nigicoa nokododi nigicoa nawikodico.

<sup>23</sup>Nigica aneetagawatiwaji, 'Digawini, etidoa nigijoa godacilo Aneotedogoji ane niige me igeke godaxakawepodi!', ogoa, domigetaga eetagawa, 'Etidoa digoida!' Pida jinaga domaga iwagati. <sup>24</sup>Igaataga icota mowidi anodinanatigi me godacilodi, codaa icota meliodi anodi minigina anoyelogoditedibece Aneotedogoji lowooko, pida niwitakaga. Codaa owote godoxicegetedi anoikee loniciwaga, odoletibige moninaaletiniwace nigina oko Aneotedogoji ane iolatedicoace me nepilidi, odineetiogi dogoyakadi moninaaletiniwace. <sup>25</sup>Atacolitiwaji! Igaataga jao gabodigi maleedigicotalo nigicoa nawikodico.

<sup>26</sup>Nigina nigodi, 'Digawinitiwaji! Nigijoa ane niige Aneotedogoji etidoa mido nipodigi ane yadilo ane digica nigeladimigipi.' Jinaga domegemii! Ogoa, domigetaga nigina nigodi, 'Etiniwa dinagaditedini digoina ligeladi', jinaga domaga iwagatitiwaji. <sup>27</sup>Igaataga Ee, Goneleegiwa ane icogotibigimece ditibigimedi, nigicota me idinikee, micataga nigina nalebepaga ane idi digoida ditibigimedi, dalebepe digoida nigoi nigepaa ane diiticogi aligege me dalimeti. <sup>28</sup>Igaataga jowoogotaga ane digetigi anigidi émegegi, leegodi opeodi.

**Lanokegi Jesus, Goneleegiwa ane icogotibigimece ditibigimedi**  
(*Marcos 13.24-27; Lucas 21.25-28*)

<sup>29</sup>Nige leecawaanigi me ixomagatedijo nigicoa nawikodico, odao aligege ipe, codaa epenai agalee datale. Yotetitedi enitedini, icogotedibigimece ditibigimedi, odao Aneotedogoji ja itinege nigica loniciwaga ditibigimedi. <sup>30</sup>Odao Aneotedogoji jagaga ikee ganigica digoida ditibigimedi, ane ikee naga limedi me dinikee nigijoa Goneleegiwa ane icogotedibigimece ditibigimedi. Odao inatawece oko nigina iigo doitibigiwaji, codaa agecagalodipi nigonadi nigica ane ikee Aneotedogoji digoida ditibigimedi. Codaa inatawece oko onadi nigijoa Goneleegiwa ane icogotedibigimece ditibigimedi nige limedi menagi, niotedinece lolaadi. Nigenagi, nadeegi epaa loniciwaga, codaa datale liciagi Aneotedogoji. <sup>31</sup>Odao ja iige niaanjotedi, odao inatawece oko owajipata layaagegegi aca goloneeta. Odao aanjotedi jogodigoteloco inatawece ane liwailidi iigo, oyatecogotee inatawece oko Aneotedogoji ane iolatedicoace me nepilidi, anilaagiteloco inatawece iigo.

**Ica ane godiigaxitece fiigoigo**  
(*Marcos 13.28-31; Lucas 21.29-33*)

<sup>32</sup>Atacolitece ane godiigaxitece libatadi fiigo. Nigina naga dione libiwedi, ina laamotiidi naga nokologo, odao jogowoogotitiwaji naga nipegi me dioneteloco nipodigi. <sup>33</sup>Jigidaagee niganatitiwaji micota nigida

anejita, odaa jogowoogoti me dagalee eliodi ganimedi, odaa jegenagi nigicoa nawikodico. <sup>34</sup>Ejitagawatiwaji anewi. Nigica oko ane newiga nigicoa nokododi oixomagateedijo icoatawece nigicoa nawikodico anenagi. <sup>35</sup>Ditibigimedi codaa me iigo icota me ma, pida yotaga bigidioka limedi midiwa, codaa icota micotece ane igegi.

**Ica noko nige dopitedijo Jesus**

*(Marcos 13.32-37; Lucas 17.26-30, 34-36)*

<sup>36</sup>Agica ane yowoogodi nigica noko otegeaagaga nagaca lakata nige janagitace. Otegeaagaga aanjotedi digoida ditibigimedi agoyowoogodi, otegeaagaga Ee, Lionigi Aneotedogoji. Pida iniokiniwateda Aneotedogoji ane Eiodi бага yowoogodi. <sup>37</sup>Ee, Goneleegiwa ane jicogotibigimece ditibigimedi, nige janagi, anee me newiga nigica oko liciagi nigijo jotigide nigica oko malee yewiga Noé. <sup>38</sup>Igaataga maleedigica aboogo-ninyogodi nigica oko niodaga, nacipaga, nadonaga, codaa moyajigo lionigipi moyadonege negepaagicota noko nigijo Noé naga dakatiwece etogo-nelegi. <sup>39</sup>Odaa nigijo oko agoyowoogodi nigica anicota me ninyaagi, negepaagicota menagi aboogo-ninyogodi, odaa ijotawece ocegegipi. Jigidaagee lakataga nigica oko nige nipegi me idopitijo, Ee, Goneleegiwa ane jicogotibigimece ditibigimedi. <sup>40</sup>Nigica noko iniwataale goneleegiwadi odibateloco nipodigi. Odaa aanjotedi onidateci oyadeegi, idegeledi бага nyenyagati. <sup>41</sup>Iniwataale iwaalepodi oyojogo leyeema. Odaa aanjotedi oyadeegi onaniteci, pida aniaageledi бага nyenyagatini.

<sup>42</sup>Enice adinenyagatitiwaji! Igaataga agowoogoti nigica noko nigeno Ganiotagodi. <sup>43</sup>Ajawienatakanaga nigina ane nebi diimigi daga yowoogodi noko micotio olicegegi, daga yowoogodi taga dinowedi agotaga ika olicegegi me yawime nibaloote me dakatio. <sup>44</sup>Enice adinenyagatitiwaji! Igaataga Ee, Goneleegiwa ane jicogotibigimece ditibigimedi, janagi nigica noko maleedaganibeonitege me janagi.

**Ica nimeedi aneo ane iigeta necalailegi icaagica eledi ane degeo**

*(Lucas 12.41-48)*

<sup>45</sup>Odaa ica niotagi aninoa lixaketedi, anoyakadi monakato, joanigijaagijo nigijo ane yajigota niotagodi me dowediteloco eletidi liotaka. Yajigotiogi anoyeligo nigidiwa eletidi niimetedi ditibigimedi lakata. <sup>46</sup>Nigijo niotagi eliodi me ninitibece nigenota necalailegi leegodi meo ane igenaga. <sup>47</sup>Ejitagawatiwaji anewi. Nigini niotagodi icota me yajigota nigijo limeedi me doweditelogo idiwatawece ane nepilidi. <sup>48</sup>Pida nigijo nimeedi anoyajigota me nowienaganaga niginigina ane beyagi, odaa meetibige le, 'Niotagodi leegi nige dopitijo.' <sup>49</sup>Oditaga nalaketiniwace lokaagetedi me niba, ligiiwepodi codaa lacipagawepodi

niginoa acipagaga. <sup>50</sup>Odaa nigini niotagodi dopitijo nigica noko maleedaga nibeotege, codaa me nagaca lakata me daga eetibige nigijo liotagi. <sup>51</sup>Odaa nigijo niotagodi niwiigitibige, odaa eote lawikodigi liciagi lawikodigi nigina anokowo me libinienigipi. Odaa nigica oko nacaagateloco codaa moyacigice lowe leegodi lawikodico.

### Jesus yatemati natematigigi ica deez awicijipi

**25** <sup>1</sup>Nigica noko nige janagi me jiige inoatawece, digawini ane jiciaceeketege. Jiciaceeketege deez awicijipi ane nodenigipi migotibeci ica lalokegi nadonegegi, nogodibatalo loledagaxiidi, odaa jigigotibeci odakapetege nigijo ane wado. <sup>2</sup>Ciinco nigidi awicijipi yetoledi, pida icoa eletidi ciinco бага niwaxinaganaga. <sup>3</sup>Nigicoa yetoledi oyadeegi loledagaxiidi, pida agoyadeegi lajidi. <sup>4</sup>Pida nigijo awicijipi ane niwaxinaganaga bogoyadeegi loledagaxiidi me nolee codaa ida najidi ane iigotice. <sup>5</sup>Nigijo ane wado naga dinopagadi meno, odaa ijotawece nibacigateloco, odaa ja niotaga.

<sup>6</sup>Naga liwigo-enoale jigida ica ane dapaawe, onee, ‘Digawinitege! Nigijo ane wado jegeno, anagi akapetetegetiwaji!’ <sup>7</sup>Odaa ijotawece nigijo awicijipi ja niwoditibigiwaji, odaa jogoyalegi loledagaxiidi. <sup>8</sup>Odaa nigijo awicijipi yetoledi moditiogi nigijo ane niwaxinaganaga, ‘Godedianegegodi okatecigida ganajidi, igaataga godoledagaxiidi ja dineliotedini.’ <sup>9</sup>Odaa nigijo awicijipi ane niwaxinaganaga jogoninigodi, moditiogi, ‘Agica gonimawenegegi! Ageliodi gonajidi, agabo-oo me joweenagatagadomitiwaji. Emiitiwaji manitaga oojetekaxi, anoojeteeta ganajidi!’ <sup>10</sup>Odaa nigijo awicijipi yetoledi jigigotibeci odinoojetetigi najidi. Odaa anigica me dopitijo, negeno nigijo ane wado. Nigijo awicijipi ane niwaxinaganaga baanaga nigomaga, odaa jogodiotiwece nigijo ane wado midi lalokegi nadonegegi. Odaa epoagi ja dinoxoco.

<sup>11</sup>Nigidiaagidi jegenotibeci nigijo eledi awicijipi, odaa ja napaawagateloco, modi, ‘Goniwa-aagodi! Goniwa-aagodi! Omokenitogodomi epoagi!’ <sup>12</sup>Pida naga ninigodi nigijo ane wado, meetiogi, ‘Ejitagawatiwaji anewi. Nigida mee agakaami yowoogotagipi.’”

<sup>13</sup>Odaa meetediogi Jesus, “Enice adinowetitiwaji! Igaataga agowoogotitiwaji nigica noko otegexaagaga nagaca lakata nige idopitijo Ee, Goneleegiwa ane jicogotibigimece ditibigimedi.”

### Natematigigi icoa itoatadigida niimetedi

*(Lucas 19.11-27)*

<sup>14</sup>Odaa Jesus egidaa diitigi me dotaga, meetediogi, “Digawini ane jiciaceeketege nige janagi me jiige inoatawece. Jiciaceeketege ica goneleegiwa ane diniwajeticogi ditigedi. Odaa maleedaga noditice, jegeniditiogi liimetedi, odaa ja yajigotiogi modoweditelogo ane nepilidi. <sup>15</sup>Ica odoejegi yajigota ciinco jaaco nolee beexotedi oolo, ica eledi бага yajigota itoataale jaaco nolee beexotedi oolo, ica eledi бага yajigota onadateci jaaco. Eote nigida anigotiogi

leegodi yowoogodi onidateci limeedi ida epaa lixakedi adiniciamico. Odaa nigidiaagidi ja diniwaje. <sup>16</sup>Agica daga leegi nigijo ane dibatege ciinco jaacotedi ja ibake nigijoa dinyeelo meo nigaanye. Odaa ja dinigaanyetece eletidi ciinco jaacotedi dinyeelo. <sup>17</sup>Nigijo nimeedi ane dibatege itoataale jaacotedi jagaga ibake nigijoa dinyeelo, odaa ja dinigaanyetece eletidi itoataale jaaco nolee beexotedi oolo. <sup>18</sup>Pida nigijo ane dibatege onadateci jaaco бага nalgitini, odaa jigidaagigota nagajo jaaco ane nolee beexotedi oolo, jigidaa nimawenegegi me yagaditedini me yotete ninyeelo necalailegi.

<sup>19</sup>Igaanaga ixomagatedijo owidi nokododi, nigijo niotagodi nigijoa niimetedi ja dopitijo, odaa ja ilakidetedini naalewe. <sup>20</sup>Nigijo nimeedi ane dibatege ciinco jaaco beexo nigicotio, ja yopilagadi nigijoa dinyeelo ane dibatege, codaa iwagateetece eletidi ciinco jaacotedi ane dinigaanyetece. Odaa mee, 'Niotagodi, geme anajicitediwa ciinco jaaco nolee beexotedi oolo. Odaa inigaanyetece eletidi ciinco jaacotedi dinyeelo. Digawini, etinoa idiwatawece!' <sup>21</sup>Odaa nigijo niotagodi meeta, 'Eliodi mele gabakedi! Akaami gowotagi anele ane jakataga me jinakatonaga. Jigikeeni me jakadi me gadinakatonitema nigina anokatecigini. Natigide gadixomitio madowetiteloco nigina aneliodi. Anagi, akaami inikagawa!'

<sup>22</sup>Nigijo niotagi ane dibatege itoataale jaaco beexotedi jagagicotio, odaa mee, 'Niotagodi, geme anajicitediwa itoataale jaaco beexotedi oolo, odaa inigaanyetece eletidi itoataale jaaco dinyeelo. Digawini, etinoa idiwatawece!' <sup>23</sup>Odaa nigijo niotagodi jegeeta, 'Eliodi mele gabakedi! Akaami niotagi anele ane jakataga me jinakatonaga. Jigikeeni me jakadi me gadinakatonitema nigina anokatecigini. Natigide gadixomitio me iigeni anowidi. Anagi, akaami inikagawa!'

<sup>24</sup>Nigidiaagidi jagageno nigijo niotagi ane dibatege onadateci jaaco dinyeelo, odaa mee, 'Niotagodi, jowoogodi makaami goneleegiwa ane dakake laalegena, odaa idoitagawa. Anoteci codaa matecogoteeni nigina ane daga gatanigijegi. <sup>25</sup>Joanigidaa leegodi me idoi, odaa jegejigo, jagaditedini nigijoa ganinyeelo, inaligitedini. Digawini, etinoa ganinyeelo!'

<sup>26</sup>Odaa nigijo necalailegi jegeeta, 'Akaami nigica nimeedi ane beyagi codaa me nigojigo! Menitiwa me ee goneleegiwa ane dakake laalegena, codaa me inopilagaditedio ane daga yawodigijedi, codaa me jatecogotee ane daga eyanigijedi. <sup>27</sup>Odaa akaami dagaleegaga ixomitewece baanco ininyeelo, daganagawini jibatege ininyeelo codaa me lionaga naga idopitijo.' <sup>28</sup>Odaa nigijo necalailegi meetiogi icoa eletidi liotaka, 'Abaatege ninyeelo, odaa ajicita nigijo anidiwa deez nijaaco dinyeelo! <sup>29</sup>Igaataga jajigota catedi nigijo anidiwa nepilidi, odaa jegepaanaga owidi ane nepilidi. Pida nigijo ane digica nebi, jibanotece, codaa niginoa anokateciginoa ane nepilidi eletidi jibanotece. <sup>30</sup>Natigide okoleniticogi nigini niotagi ane digica aneletema digoida wetice midi nexocaga ane lawikodadi oko. Odaa jigidiaagi oko me nacaagateloco codaa moyacigice lowe leegodi lawikodico.'

### Aneotedogoji icota me iwi anigotediogi oko codaa me iloikatidi

<sup>31</sup>Ee, Goneleegiwa ane jicogotibigimece ditibigimedi, janagi me Ee inionigi-eliodi, ixigagawepodi iniaanjotedi. Nige janagi, idicoloco baanco gonege me jiige codaa me jiwi anejigota nigina oko leegodi loenataka. <sup>32</sup>Odaa inatawece oko minoataga digawintelogo ane latopaco noiigi yatecogo yodoe. Odaa jiolaticoace oko micataga nigina nowienogodi waxacocoli me iomagaditege waxacocoli, waxigdatedi. <sup>33</sup>Odaa idejate nigina oko ane igenagatibigiwaji ane jiciaceeketege lapo waxacocoli iwai ibaagadi, odaa nigina oko abeyacagaga ane jiciaceeketege waxigida бага ideja inimagijegi. <sup>34</sup>Odaa Ee, ane Ee inionigi-eliodi, ejitiogi nigidi ane idei ibaagadi, 'Anagitiwaji ane gadibinieni Eiodi! Anakaatiobece miniwataga Eiodi, miditaga ane ilakidetadagadomitiwaji maleedigicatabige me yoe nigina iigo. <sup>35</sup>Aneotedogoji gadibinienitetiwaji leegodi nigijo me idigicile, odaa adedianitece ane jeligo. Nigijo me ideloadi ecibi, odaa ja adacipegeni ninyogodi. Nigijo me iciagi nigina icogegi, odaa ele mabaatigitiwaji gadigeladi. <sup>36</sup>Nigijo me dagadiaagica yowoodagagi, odaa jagadinixomegeni. Nigijo me jeelotika, odaa jaganootiwatiwaji madaxawani. Codaa nigijo me idiniwilo, odaa jagadaliitiwatiwaji.'

<sup>37</sup>Odaa nigidi oko aneletibigiwaji etidige, moditiwa, 'Goniotagodi, igaatigi ica me gadategegi manigicile, odaa ja jajicagatagawa anelici, codaa igaatigi ica me gadeloati ecibi, odaa ja jajicagatagawa ninyogodi? <sup>38</sup>Igaatigi ica me gadategegi me gadiciagi icogegi, odaa ele me jibagatagagi catiwedi godigeladi? Codaa igaatigi ica me gadategegi me digicoa gadowoodi, odaa ja gadinixomegenegegi? <sup>39</sup>Codaa igaatigi ica me gadategegi me eelotikani, odaagejogotagawa me gadaxawanegegi? Codaa igaatigi ica me gadategegi madiniwilo, odaa ja idaliigatagawa?' <sup>40</sup>Odaa nige jigidi, ejitiogi, 'Ejitagawatiwaji anewi. Nigijo maxawanitiwaji nigijo ane dagaxa me iwikodadipi liwigotigi inioxoadipi, micataga daantegemaga anigiwaatici.'

<sup>41</sup>Odaa Ee, ane Ee inionigi-eliodi, ejitiogi nigijo ane idei iwai inimagijegi, 'Adeteceniticetiwaji, anakaami laagetedipi Aneotedogoji! Emiitiwaji minitaga noledi ane yoetetema Aneotedogoji diaabo idiaa niwicidi abeyacagaga! <sup>42</sup>Aneotedogoji yelatedagadomi leegodi nigijo me idigicile, aganjicitiwa ane jeligo. Nigijo me ideloadi ecibi, aganjicitiwa ninyogodi me jacipe. <sup>43</sup>Nigijo me iciagi nigina icogegi, agele mabaatigitiwaji catiwedi gadigeladi. Nigijo me dagadiaagica yowoodagagi, agica daga adinixomegeni. Nigijo me jeelotika codaa nigijo me idiniwilo, agica dagadaliitiwatiwaji.'

<sup>44</sup>Odaa etidige, moditiwa, 'Goniotagodi, igaatigi naga gadategegi manigicile, codaa me gadeloati ecibi? Igaatigi ica me gadategegi me gadiciagi icogegi, codaa me digicoateda gadowoodi, ogoa migetaga eelotikani, ogoa migetaga madiniwilo, odaa agadaxawanegegi?' <sup>45</sup>Odaa ejitiogi, Ee, ane Ee inionigi-eliodi, 'Ejitagawatiwaji anewi. Nigijo me daga axawanitiwaji nigina oko iwikodadipi, odaa micataga me daga adaxawani.' <sup>46</sup>Odaa nigidi oko igotibeci miditaga ane lawikodadi oko, aneitice

nawikodigi ane digica liniogo, leegotedi libeyacegeco. Pida nigina oko ane igenagatibigiwaji bigidioka limedi me newiga miniwataga Aneotedogoji.”

**Icoa lacilodi noiigi judeu dinilakidetiwage moyeloadi Jesus**

*(Marcos 14.1-2; Lucas 22.1-2; João 11.45-53)*

**26** <sup>1</sup>Nigijo naga nigotedini Jesus me yalagate idiwatawece nigijoa niigaxinaganegeco, odaa meetediogi nigijo anodiotibece, <sup>2</sup>“Jogowoogotitiwaji aniaditibige itoataale nokododi, odaa ja nakatio nalokegi ‘Páscoa’. Odaa jigicota metidajigo metidototeloce nicenaganagate metideloce, Ee, Goneleegiwa ane jicogotibigimece ditibigimedi.”

<sup>3</sup>Odaa ja yatecogo nigijo anoiige sacerdotitedi, ijaagijo anodiigaxinagatece lajoinaganegeco Moisés, icaagicoa laxokodi lacilodi judeutedi. Yatecogotibigiwaji minitaga ligeladi-nelegi nigijo lacilo-sacerdotitedi, anodita Caifás. <sup>4</sup>Odaa jogodinotaganegetigi ane nimawenegegi moniwilo Jesus codaa odinotaganegetigi moyeloadi me digica ane yowoogodi nigidi noiigi-nelegi. <sup>5</sup>Pida modi, “Ajakataga daga jibagatalo nigina malee naloogo ade jaoga magecagalodipi nigina noiigi codaa ade jaoga metigodidelege.”

**Aca iwaalo yadotelogo Jesus ica nadokojegi**

*(Marcos 14.3-9; João 12.1-8)*

<sup>6</sup>Nigijo Jesus midiaagite manitaga nigotakawaana ane liboonagadi Betânia, ligeladi Simão ane nikoxeedi me “Dawace-lolaadi”, <sup>7</sup>jigicotalo ajo iwaalo ane yadeegi aca nagaagaxi, wetiga anodita “alabastro”. Nagajo nagaagaxi nolee ladokojegi ane dakake loojedi, anoibake moyatita lolaadi émegegi. Nigijo Jesus naga dawaketedeloco nameeja maniodi, odaa nagajo iwaalo ja yadotedeloco ladokojegi lacilo. <sup>8</sup>Nigijo anodiotibece nogonadi, ja neligideega, odaa ja dinige, modi me dinotaganegetiwage, “Igaamee ada iwaalo me yaagadi ida nadokojegi? <sup>9</sup>Dagaleegaga eyaa nigida nadokojegi me yakakagadi loojedi, oditaga iboo ninyeelo me yaxawatiogi madewetedipi.”

<sup>10</sup>Jesus yowoogoditediwe lowoogo, odaa meetediogi, “Igame leegodi ina malomegeni ada iwaalo leegodi ida aneo? Eotomi nigida ane dagaxa me libinienigi. <sup>11</sup>Igaataga nigina madewetedipi idioka limedi mina makaamitagatiwaji, pida Ee baadigidioka limedi minaagejo makaamitagatiwaji. <sup>12</sup>Nigijo me yadoteloco yolaadi nigijo ladokojegi, ja ideyagaditema nigetidaligitini. <sup>13</sup>Ejitagawatiwaji anewi. Nigina oko moyelogoditedibece nibodicetedi anele okanicodaagica aneitice nigina iigo, oyatemati nigina monalagatibige nigida loenatagi nagada iwaalo.”

**Judas dinilakidetege nigijoa lacilodi judeutedi nelogododipi Jesus**

*(Marcos 14.10-11; Lucas 22.3-6)*

<sup>14</sup>Nigidiaagidi onijoteci nigijo dooze anodiotibece, nigijo ane liboonagadi Judas Iscariotes, jigigo yotaganege nigijo anoiige sacerdotitedi. <sup>15</sup>Odaa



meetiogi, “Igametaga liwokodi madedianitiwaji, daga jajigotedagawa Jesus?” Odaa jogonilagadi triinta beexotedi, moyedia. <sup>16</sup>Ijaagijoa nigijoa nokododi, Judas ja doletibige nimawenegegi me yajigo Jesus.

**Jesus ijaagijo nigijo anodiotibece oyeligo liweenigi Páscoa**  
(*Marcos 14.12-21; Lucas 22.7-14, 21-23; João 13.21-30*)

<sup>17</sup>Nogodoejegi noko nalokegi anodita “Paon ane digica labookojegi”, odaa nigijo anodiotibece Jesus jogodiitalo, odaa jogoige, moditalo, “Igamemaani mejonaga me joenaga goweenigi me Páscoa?” <sup>18</sup>Odaa ja ninigodi, meetediogi, “Emiitiwaji nigotaga, oleetibige jigicaa goneleegiwa, odaagenita, ‘Goniigaxinogodi mee, “Jigicota noko Aneotedogoji ane nibikotatedomi. Jeligo liweenigi Páscoa me igiiwepodi anoniotibici digoina gadigeladi.” ” <sup>19</sup>Nigijo anodiotibece jogowo ane iigete Jesus, odaa jogoyoe liweenigi Páscoa.

<sup>20</sup>Igaanaga enoale, Jesus ijaagijo nigijo anodiotibece ja nicotiniwace me niodaga. <sup>21</sup>Egidaagee me niodaga, Jesus negeetediogi, “Ejitagawatiwaji anewi. Ini nigina akaamitiwaji ane idajigotiogi inelogododipi.” <sup>22</sup>Odaa eliodi magecagalodipi, odaa oninitecibeci ige, meetalo, “Iniotagodi, manige emegee ane gadajici?” <sup>23</sup>Odaa ja ninigodi, meetediogi, “Nigini ane jibotege me jitinigini liwagedi inipaon, joaniginiaa idajigo. <sup>24</sup>Aneotedogoji lotaganagaxi akaa yalagata Ee, Goneleegiwa ane jicogotibigimece ditibigimedi me ideleo. Pida nagoodi nigina goneleegiwa ane idajigotiogi inelogododipi, igaataga Aneotedogoji ewi me iloikatidi. Domaga dagaxa mele daaditigica menitini nigini goneleegiwa!” <sup>25</sup>Odaa Judas, nigijo ane yajigo Jesus, jagaga ige, meetalo, “Iniigaxinogodi, manige emaga gadajici?” Odaa Jesus jegeeteta, “Adomaga leeditibige madigee!”

**Anodaagejinaga nigina godalagatibige lemegegi Jesus**  
(*Marcos 14.22-26; Lucas 22.15-20; 1 Coríntios 11.23-25*)

<sup>26</sup>Egidaagee me niodaga, Jesus ja dibate ijo paon, odaa diniotagodeditibigimece Aneotedogoji. Odaa ja inoke me yajigotediogi nigijo anodiotibece, odaa meetediogi, “Abaatege, odaa elici nigidi paon! Ane micataga daga yolaadi.” <sup>27</sup>Nigidiaagidi ja dibate ajo goopa ane nolee viinyo, odaa ja diniotagodeditibigimece Aneotedogoji. Odaa jagaga yajigotediogi nigijo anodiotibece nagajo goopa, meetediogi, “Acipeta akaamitawecetiwaji! <sup>28</sup>Igaataga nigida viinyo micataga daga yawodi ane inadoogodi, jaotibige Aneotedogoji mida gela nimawenegegi me dinilakidetetege nigina oko. Odaa natigide Aneotedogoji yakadi me iwilegi libeyacegeco inatawece oko. <sup>29</sup>Ejitagawatiwaji anewi. Me dagadiaa jacipe dagakaami igiiwepoditece nigida viinyo. Pida jacipeta nigica gela viinyo makaami igiiwepodi nige jatecogojogo miditaga nigidi anejonaga ane lagajegitetema Aneotedogoji

loiigi.”<sup>30</sup> Odaa nigidiaagidi jogodigaanagatibigimece Aneotedogoji. Odaa jigigotibeci minitaga Lojotagadi Oliveira.

### Jesus ibodicaxi Pedro

(*Marcos 14.27-31; Lucas 22.31-34; João 13.36-38*)

<sup>31</sup>Odaa Jesus meetediogi, “Nigina enoale akaamitawecetiwaji adalati moka eetece, igaataga Aneotedogoji lotaganagaxi yalagata ane ligegi Aneotedogoji, nigijo mee, ‘Jeloadi nowienogodi waxacocoli, odaa idiwatawece niwaxacocoli ilaagitedibece.’<sup>32</sup> Pida nige idewigatace, odaa ejigo idinewade miditaga nipodigi Galiléia.”<sup>33</sup> Pida Pedro naga ninigodi, meetalo, “Icaagica niginatawece etigadalati, pida ee baadaga gadalati.”<sup>34</sup> Odaa Jesus meeteta, “Ejitagawa anewi. Nigina enoale, anigicatibige daga anoe okogokoodi, odaa nigida makaami itoatadigida meni me dagadowoogoti.”<sup>35</sup> Pedro meetalo, “Icaagica nige leeditibige makaami yemagawa, pida baadaga adakatiwece yacilo degeji me daga gadowoogoti.” Odaa ijotawece nigijo eledi anodiotibece idagaga oyatigi ligegi.

### Jesus igo midiwataga enanigijedi “oliveira” ane liboonagadi Getsêmani

(*Marcos 14.32-42; Lucas 22.39-46*)

<sup>36</sup>Odaa Jesus ja lixigagawepodi nigijo anodiotibece midiwataga icoa enanigijedi “oliveira” anodita Getsêmani. Odaa meetediogi, “Inaaganicootetiwaji digoina. Ejigawaanigi digoida odoe jotaganenege Aneotedogoji.”<sup>37</sup> Odaa ja yadeegi Pedro me lixigagawa ijaagijoa itoataale lionaga Zebedeu, João ijaa Tiago. Odaa eliodi Jesus magecagalo, codaa eliodi me dogowikomata.<sup>38</sup> Odaa meetediogi, “Eliodi me Ee agecagalo codaa jeemitetece mica ina daantaga doletibige me ideleo. Inaagonitetiwaji digoina codaa adinowetitiwaji.”

<sup>39</sup>Odaa Jesus jigigoawaanigi odoe, naga yamagatedini lokotidi, odaa ja yotaganenege Aneotedogoji, mee, “Eiodi, nige yakadi, jinigikani degeliodi me jawikode. Pida ajemaa daga jao ane emaga jemaa, pida jemaa me jao nigina anemaani.”

<sup>40</sup>Nigidiaagidi ja dopitetege nigijo itoatadigida anodiotibece, odaa jigicotediogi me niotaga. Odaa meeteta Pedro, “Agodagakati dogokateciginiawaanigi magaga adinowetitiwaji? <sup>41</sup>Adinoweti, codaa otaganegeni Aneotedogoji, bidige agikani madinakatoni leegodi gadawikodico. Catiwedi gadaalegenali begemaani maniwitici, pida gadolaadi agica loniciwaga otagatecigini.”

<sup>42</sup>Jesus jigigotace yotaganenege Aneotedogoji, odaa mee, “Eiodi, nige leeditibige me jixomagateetedijo inoatawece ane yawikodico ane dakake, Ee dagaxa me jemaa mawii anemaani.”<sup>43</sup> Odaa ja dopitacetege nigijo anodiotibece, odaa icotacediogi me niotaga, leegodi eliodi liotaga, odaa agoyakadi me noleticoace.

<sup>44</sup>Odaa ja yoyatace, odaa jigigotace yotaganenege Aneotedogoji, odaa yopilagateedeloco ijaagijo nigijo ane ligegite Aneotedogoji.<sup>45</sup> Nigidiaagidi Jesus ja dopitacetege nigijo anodiotibece, odaa meetediogi, “Egidaagenitiwaji me iote, anigaaxe? Digawini! Jigicota lakata Aneotedogoji ane nibikotatedomi.

Natigide, Ee, Goneleegiwa ane jicogotibigimece ditibigimedi, jegetidajigotioi libaagadi goneleegiwadi abeyacagaga. <sup>46</sup>Adabititiniwacetiwaji, jopilaga! Digawinitege! Jiginaa nigijo ane idajigotioi inelogododipi.”

### Jesus diniwilo

(*Marcos 14.43-50; Lucas 22.47-53; João 18.3-11*)

<sup>47</sup>Jesus egidaageeteda me dotaga nigicotalo Judas, nigijo ane-diotibece Jesus, lokaagetedipi nigijo anodiotibece. Odaa Judas lixigagawepodi ijo noiigi-nelegi onadeegi nodaajoli-ocagatedi inaa laxacogonagatedi. Nigijo anoiige sacerdotitedi ijaagijoa laxokodi lacilodi judeutedi joanegepaagoimonya nigijo noiigi-nelegi. <sup>48</sup>Nigijo ane yajigo Jesus akaa dinilakidetege nigica anodaagee me ikee ane digetedigi Jesus. Meetiogi, “Nigica ane inapicogo me idecoaditece, jigidaagidoa nigijoa goneleegiwa anoleetibigetiwaji. Odaaganiwiloteda!” <sup>49</sup>Nigijo Judas nigicotiogi, ja dowicetelogo Jesus, odaa meetalo, “Ele gocidi, iniigaxinogodi?” Odaa ja napicogo. <sup>50</sup>Naga ninigodi Jesus, meeteta, “Yokaagedi, ageniteloco nigica ane gabakedi managi!” Odaa jogototelogo Jesus, jogodibatalo moniwilo. <sup>51</sup>Pida anigepidigica nigijo anodiotibece nixigitice



(*Mateus 26.47*)

lodaajo-ocagataga, odaa ja yakagidi napaagate ane digeticogi libaagadi liotagi nigijjo lacilo-sacerdotitedi. <sup>52</sup>Pida Jesus meeteta, “Ixomitinece gadodaajo ganagaagaxi. Igaataga nigina ane nixigitice lodaajo me didele, agoiwoko moyelodi oyatita nodaajo-ocagataga. <sup>53</sup>Agodogowoogoti daga jema me jipokotalo Eiodi, odaa agotaga leegi, taga niwakatee anigetaga liwokodi miili aanjotedi modoweditiloco? <sup>54</sup>Pida daga idogatedicogi libaagadi nigina inelogododipi, agotigicotece nigijjoa lotaga Aneotedogoji anoyalagatiwa.”

<sup>55</sup>Odaa nagaca lakata, Jesus meetediogi nigijjo noiigi-nelegi, “Igame leegodi manadeegi inoa gadodaajoli-ocagatedi inaaginoa gadaxacogonagatedi managi adiwiloti waji? Domige Ee goneleegiwa gonematagodi? Nigijjoa nokododi eliodi me idejotibige minitaga Aneotedogoji ligeladi, anei me idicotini odaa jiniigaxitiniwace noiigi-nelegi, pida agadiwiloti waji. <sup>56</sup>Pida natigide inoatawece niginoa gadoenataki waji eotibige micotece ane diniditelo Aneotedogoji lotaganagaxi moyalagatiwa nigijjo anoyelogoditedibece Aneotedogoji lowooko.” Odaa ijotawece nigijjo anodiotibece Jesus jogoyaladi, jigialetibigi waji.

### Lacilodi judeutedi oiwi anodigotalo Jesus

*(Marcos 14.53-65; Lucas 22.54-55, 63-71; João 18.12-14, 19-24)*

<sup>57</sup>Odaa nigijjo anoniwilo Jesus jogoyadeegitedicogi minitaga diimigi-nelegi ligeladi Caifás, ane lacilo idiwatawece sacerdotitedi. Jigidiaa latecagadi nigijjo anodiigaxinagatece lajoinaganegeco Moisés, ijaagijjoa laxokodi lacilodi judeutedi. <sup>58</sup>Pedro diotece Jesus, pida agipegitece. Diotece negepaa niogóteloco ligeladi lacilo-sacerdotitedi. Naga dakatio, odaa jigidiaa nicotini awatege icoa nowienaganadi, yema me iwi nigica anodigotalo Jesus. <sup>59</sup>Nigijjo anoiige sacerdotitedi ijaagijjoa lacilodi judeutedi idiaagidiwa icoa lilokagawadi iditawece odoletibige me nilaagedi Jesus. Odoletibige oko ane diwitaka anee mica Jesus loenatagi ane beyagi, domogowotibige mida ane leegodi moyelodi. <sup>60</sup>Pida idaagida meliodi oko awitakagaga anidiaagi miditaga, pida agica otegeaagaga itoataale oko ane itiwage liwitakeco nigina modotagatibige Jesus. Nigidiaagidi jigijjoa itoataale goneleegi wadi anototicogi lodoe. <sup>61</sup>Odaa modi, “Ijo me jajipaagatalo mee, ‘Jakadi me jojiketini Aneotedogoji ligeladi, odaa idabitegetacini catiwedi itoatadigida nokododi.”

<sup>62</sup>Odaa nigijjo lacilo-sacerdotitedi ja dabiditini, odaa ja ige Jesus, meetalo, “Ida makaami agotagani? Nigidoa itoataale goneleegi wadi migoyelogodi anewi ina modakapetagagi?” <sup>63</sup>Pida Jesus agica anigetigida ligegi. Odaa nigijjo lacilo-sacerdotitedi meetalo, “Jibake Liboonagadi Aneotedogoji me gadiigeni me anelotitogowa! Nagakamagakaami icoa Lionigi Aneotedogoji, ane niige me godatamagateetege godaxakawepodi?”

<sup>64</sup>Jesus naga ninigodi, meeteta, “Analiiki gagegi, jegemegee. Pida ejitagawati waji nigidiaagidi adati nige idopitijo, Ee, Goneleegiwa ane jicogotibigimece ditibigimedi. Icota me idicotini liwai libaagadi

Aneotedogoji aneliodi notoetiigi, odaa idaxoditini jicogotibigimece ditibigimedi, jiniotinece lolaadi.”

<sup>65</sup>Odaa nigijo lacilo-sacerdotitedi yaawidigidice lowoodi me ikee me yakadi me beyagi nigijoa lotaga Jesus. Odaa mee, “Beyagi me dotagatedibige Aneotedogoji, igaataga diniciaceketetege Aneotedogoji. Odaa agalee jopoogatiibige eledi oko nakataganadi moyelogodi minoa loenataka ane beyagi. Igaataga jagajipaatalotiwaji lotaga me beyagi me dotagatedibige Aneotedogoji. <sup>66</sup>Enige, amiida ica ane inigatalo?” Odaa jogoninigodi, modita, “Nigidoa idokida me nilaagedi, odaa leeditibige me yeleo.” <sup>67</sup>Odaa jogoyawaletigi latobi Jesus, codaa onalaketedibige. Odaa nigijo anonaxacogotedibige moditalo, <sup>68</sup>“Natigide, nigida makaami ane eni me gadiigeni Aneotedogoji. Nigewi me gadiigeni Aneotedogoji, anelogotitogowa nigica ane gadaxacigi!”

### **Pedro mee me digicoateda me yowoogodi Jesus**

*(Marcos 14.66-72; Lucas 22.54-62; João 18.15-18, 25-27)*

<sup>69</sup>Pedro nicote digoida niogóteloco ligeladi nigijo lacilo-sacerdotitedi. Aca awicije liimete lacilo-sacerdotitedi nigicota Pedro, odaa meeta, “Nigida ma-aami icaa ina daga ado-ooni mijoataga Jesus ane icogotedicogi nipodigi Galiléia.”

<sup>70</sup>Pida Pedro mee me niwitakegi lodoe iditawece nigijo oko, mee me dotaga, “Agica daga jowoogodi ica ane gadalakita.” <sup>71</sup>Nigidiaagidi jigigo midataga ijo epoagi me jiniigatiwece niogó ligeladi nigijo lacilo-sacerdotitedi. Odaa aca eledi awicije niimete meetiogi nigijo oko, “Nigini aaginaga lixigagawa Jesus ane icogotedicogi nigotaga Nazaré.” <sup>72</sup>Odaa Pedro ja diwitakatace mee me daga yowoogoditeda Jesus, odaa mee me dinigetagatee, “Agicoa daga jowoogodi nigidoa goneleegiwa!”

<sup>73</sup>Agica daga leegi anigepidigica nigijoa goneleegiwadi anidiaagi, nigipegita Pedro, odaa meeta, “Icaa ina dagakaami anigepidigica nigijo ane ideí mijoataga Jesus, igaataga gadotaganagawa nigina oko ane icogoticogi nipodigi Galiléia.” <sup>74</sup>Odaa Pedro jegée me yakadi Aneotedogoji me iloikatidi nige diwitaka, odaa jegée, “Ewi me digicoateda me jowoogodi nigidoa goneleegiwa, ajiwitaka!” Odaa agica daga leegi, jaganoe okogokoodi. <sup>75</sup>Odaa Pedro ja nalagatiibige nigijo ane ligegite Jesus, nigijo negeete, “Anigicatibige daga anoe okogokoodi, odaa itoatadigida meni me daga adowoogoti.” Odaa ja noditicogi we niogó nigijo diimigi, eliodi magecagalo, codaa anoetibece.

### **Oyadeegitedicogi Jesus lodoe Pilatos**

*(Marcos 15.1-5; Lucas 23.1-5; João 18.28-38)*

**27** <sup>1</sup>Naga yelogotibige, ijotawece anoiige sacerdotitedi, ijaagijoa laxokodi lacilodi judeutedi jogodinilakidetigi nigica ane nimawenegegi moyeloadi Jesus. <sup>2</sup>Oigoe libaagatedi Jesus, odaa jogoyadeegi, oyajigotalo Pilatos, lacilo romaanotedi ane iige nipodigi Judéia.

### Lemegegi Judas

(Atos 1.16-19)

<sup>3</sup>Judas, nigijo ane yajigo Jesus miditaga nelogododipi, nadi naga nilaagedi Jesus nigijoa lacilodi codaa moyemaa moyeloadi, odaa jagagecagalo, odaa jigigo miditaga nigijo anoiige sacerdotitedi ijaagijoa nigijoa laxokodi lacilodi judeutedi, odaa ja yopilagadi nigijoa triinta beexotedi. <sup>4</sup>Odaa meetiogi, “Ica me jao ica ibeyacegegi me jajigo goneleegiwa ane digica loenatagi ane beyagi odaa natigide ja leedi moyeloadi.” Odaa jogoigidi, modita, “Agica anejinagatagagi. Akamaga gabeyacegegi.”

<sup>5</sup>Odaa Judas ja yokoledinigi iigo nigijoa beexotedi mini Aneotedogoji ligeladi. Naga noditice, odaa jigigo dineloadi, dinigiwoola.

<sup>6</sup>Nigijo anoiige sacerdotitedi odibatalo nigijoa beexotedi, odaa modi, “Gonajoinaganegeco etigodoli me jokolenagatinigi goniwokodagaxi, leegodi loojedi godawodi.” <sup>7</sup>Odaa ja dinilakidetiwege modinoojeteta nipodigi, oibake nigijoa dinyeelo. Nigica nipodigi liboonagadi “Nipodigi ica niwilanaganaga”. Nigidi nipodigi owo me napiigo niginoa icogaga. <sup>8</sup>Joanigidaa leegodi codaa me niginoa nokododi idokoyatigi, “Nipodigi godawodi”.

<sup>9</sup>Odaa jigicotece nigijoa lotaga Jeremias, nigijo ane yelogoditedibece Aneotedogoji lowooko nigijo jotigide, nigijo mee,

“Odibatalo nigijoa triinta beexotedi,

ane lica me dinilakidetiwege loiigi Israel me loojedi modinoojetetallo.

<sup>10</sup>Oibake nigidiwa dinyeelo modinoojeteta nipodigi niwilanaganaga. Joanigidaa ane niigetediwa Iniotagodi Aneotedogoji me jao.”

### Pilatos iwi ica anigotalo Jesus

(Marcos 15.2-5; Lucas 23.3-5, 13-25; João 18.33-38)

<sup>11</sup>Jesus idiaa dabidite lodoe Pilatos, nigijo lacilo romaanotedi ane iige nigidi nipodigi. Odaa nigijo lacilo romaanotedi ja ige Jesus, meetalo, “Akaami ninionigi-eliodi judeutedi?” Naga ninigodi Jesus, meeteta, “Jigidaagee digo analeegenita.” <sup>12</sup>Pida agica daga igiditediogi Jesus, nigijo nogodakapetege nigijo anoiige sacerdotitedi ijaagijoa laxokodi lacilodi nigidi noiigi, <sup>13</sup>Odaa Pilatos jeege, “Agajipaatalo inoa ganotaga? Igaataga owidi lotaga modakapetagagi makaami nilaagedi.” <sup>14</sup>Pida Jesus aninigodi, otigigatece ligegi, odaa nigijo lacilo romaanotedi eliodi me yopo.

<sup>15</sup>Nigina me lalokegi Páscoa, nigijo lacilo romaanotedi ligilegegi me ikatice okanicodaagica niwilogojegi anodipokota nigidi noiigi. <sup>16</sup>Nigijoa nokododi onini ica niwilogojegi aniboonagategimadaga, liboonagadi Barrabás. <sup>17</sup>Nigijo me yatecogo nigijo noiigi, Pilatos ja nigetiniwace, meetiogi, “Amiijo ica anemaani me jikatagadomitiwaji, Barrabás ogoa Jesus, nigidoa anodi me niige Ganoenogoditetiwaji?” <sup>18</sup>Igaataga Pilatos yowoogodi nigijoa lacilodi judeutedi moyadeegi Jesus minitaga leegodi monocetema.

<sup>19</sup>Nigijo Pilatos naga nicotini aneitice me iwi anigota nigina oko, odaa nagajo lodawa ja dajoinagata, meeta, “Jinaga domagawii ane beyagitema nigidoa aaginaga anele. Le-eegodi jotigenoale idigee, meliodi me jawikode le-eegodi nigica ane ninyaagi nigidoa aaginaga.”

<sup>20</sup>Odaa nigijo anoiige sacerdotitedi ijaagijoa laxokodi lacilodi judeutedi jogodinigaanyetece nigijo noiigi modipokota Pilatos me ikatice Barrabás, pida бага diigenatakatalo Jesus moyeloadi. <sup>21</sup>Odaa nigijo lacilo romaanotedi nigetiniwace, meetiogi, “Apigijio inoa itoataale goneleegiawadi anemaani me jikaticetiawaji?” Odaa jogoigidi, modita, “Ikanitice Barrabás!” <sup>22</sup>Odaa Pilatos jegeetiogi, “Enice, amiida ica anejigotalo Jesus, ane enitalotiwaji me liwaagaditedibigagaji Aneotedogoji?” Odaa ijotawece oigidi, modita, “Otonitedeloco nicenaganagate meloati!” <sup>23</sup>Odaa nigijo lacilo romaanotedi ja nigetiniwace, meetiogi, “Amiida ica loenatagi ane beyagi?” Pida dinigetagateetibigiwaji, modi, “Otonitedeloco nicenaganagate meloati!”

<sup>24</sup>Nigijo Pilatos naga nadi me daga yakadi meo ane domaga yemaa, codaa nigijo noiigi naga domagaga odakapetege, odaa ja dibata ninyogodi, ja iwilegi libaagatedi lodoe nigijo noiigi-nelegi. Odaa jegeetiogi, “Ajemaa degee nilaagedi leegodi lemegegi nigidoa goneleegiwa anele. Pida akapagakaamitiwaji nilaagetedipi.” <sup>25</sup>Ijotawece nigijo noiigi oigidi, modita, “Anikanitogodici yakadi moko nilaagetedipi, codaa me godionigipi leegodi lemegegi nigidoa goneleegiwa.” <sup>26</sup>Odaa Pilatos ja ikatice Barrabás. Odaa ja diigenatakatalo monalaketedibige Jesus, odaa nigidiaagidi ja yajigo midiwataga niodagawadi moyototedeloco nicenaganagate moyeloadi.

### **Iodagawadi oyametibigo Jesus**

*(Marcos 15.16-20; João 19.2-3)*

<sup>27</sup>Odaa nigijoa niodagawadi nigijo lacilo romaanotedi jogoyadeegitedicogi Jesus minitaga diimigi-nelegi, ligeladi lacilo romaanotedi. Odaa ja yatecogo ijoatawece iodagawadi onawiile Jesus. <sup>28</sup>Nigidiaagidi jogonoga Jesus lowoodi, odaa jognixomegetedinigi aca caapa lixagotogogo. <sup>29</sup>Codaa jogowo aca lale, anitawece lalepigigo, jognixotinece Jesus lacilo. Odaa owo me nolitedini ligiilagadi. Nigidiaagidi onowo moyamagatedini lokotidi lodoe, odaa jogoyame, modi, “Viiva, Nigidoa one ninionigi-eliodi judeutedi!” <sup>30</sup>Odaa jogoyawaletigi latobi, nogoibanotece nigijo ligiilagadi, odaa jogoyaxacogotigi lacilo. <sup>31</sup>Nogoika moyametibigo Jesus, odaa nigijoa iodagawadi jognonoga nagajo caapa lixagotogogo, odaa jognixomegetacedinigi nigijoa epaa lowoodi. Nigidiaagidi jogoyadeegi Jesus moyototedeloco nicenaganagate moyeloadi.

### **Jesus oyototedeloco nicenaganagate**

*(Marcos 15.21-32; Lucas 23.26-43; João 19.17-27)*

<sup>32</sup>Nigijoa iodagawadi anoyadeegi Jesus naga noditicoaci nigotaga Jerusalém, jogodakapetege ica goneleegiwa ane liboonagadi Simão, ane





(Mateus 27.27-31)

icogoticogi nigotaga Cirene. Odaa nigijoa iodagawadi jogoiedegetege Simão me yoyagadi nagajo nicenaganagate. <sup>33</sup>Odaa jogotota ijo lojotagadi ane liboonagadi Gólgota. Nigida boonagadi amina anejinagata, “Godacilo libitagi”. <sup>34</sup>Nigidiaagidi domogoyacipegetalo Jesus viinyo awatege ligiti. Pida naga napi, odaa ayemaa me wacipete.

<sup>35</sup>Nigidiaagidi jogoyototedeloco Jesus nicenaganagate, odaa jogoiwi anepaga dinetetece nigijoa lowoodi. Joanigidaa nigicotece lotaga nigijo ane yelogoditedibece Aneotedogoji lowooko nigijo jotigide, nigijo mee, “Odinawalacetigi yowoodi, codaa jogoiwi anepaga dinetetece inicaapa.”

<sup>36</sup>Nigidiaagidi ja nicotiniwace moyowie. <sup>37</sup>Odaa jogoyototi taaboa-liwai

ditibigimedawaanigi lacilo Jesus ane diniditeloco ane leegodi moyeloadi. Diniditeloco nigica taabo,

“NIGIDOA JESUS,  
NINIONIGI-ELIODI JUDEUTEDI.”

<sup>38</sup>Nigijoa iodagawadi eletidi oyototedi itoataale goneleegiwadi olicagaga, onidateci digetege nimagijegi idaageledi digetege libaagadi Jesus.

<sup>39</sup>Nigina oko ane ixomagateloco aneite Jesus me dinototedi, oyame. Nabalenaganaga, oada modi, <sup>40</sup>“Nigida makaami geemeni makati mojikenitini Aneotedogoji ligeladi, oada meni me domaga adabitegenitacini catiwedi itoatadigida nokododi! Axotitice nagada nicenaganagate! Nigewi makaami Lionigi Aneotedogoji, odaagaxotitice!”

<sup>41</sup>Nigijo anoiige sacerdotitedi ijaagijo anodiigaxinagatece lajoinaganegeco Moisés, ijoa laxokodi lacilodi judeutedi idagaga lamenaganegegitema Jesus, modi, <sup>42</sup>“Eliodi meetedibece me yakadi meoteeledi oko me newigatace, pida Idaagidoda ayakadi me dinatamagateetetege lemegegi! Daantigidaagidoda nigicoa ninionigi-eliodi Israel, taga waxoditedice nagada licenaganagate, oada tegejiwagataga. <sup>43</sup>Codaa nakato Aneotedogoji, oada natigide jiwinaga Aneotedogoji nige yemaa me nogatedice me daga yeleteda. Igaataga mee me Lionigi Aneotedogoji.” <sup>44</sup>Nigijoa olicagaga anoyototelogo nicenaganagate anodipegitege Jesus, idagagaae, oditibigelogo.

**Lemegegi Jesus**

*(Marcos 15.33-41; Lucas 23.44-49; João 19.28-30)*

<sup>45</sup>Igaanaga yaxogo-noko, ja nexocaga negepaa iniwatadagani lakata me gocidi, oada inatawece iigo nexocaga. <sup>46</sup>Naga iniwatadagani lakata me gocidi, Jesus ja dinigetagatee me dapaawe, mee me dotaga,

“Eli, Eli, lemá sabactani!”

Nigidiwa notaga amina anejinaga, “Inoenogodi, Inoenogodi, igame leegodi madikanitice?”

<sup>47</sup>Nigijo oko anowajipatalo lotaga Jesus, modi, “Dapaawetedigi Elias.”

<sup>48</sup>Oada agica daga leegi anigepidigijo nigijo anowajipatalo ja walokodi, oada ititinigi lawaadi ica viinyo ane daga dakake loojedi. Naga igoetece iwogo, oada ja domaga ilipegetece Jesus nigijo lawaadi. <sup>49</sup>Pida icaeledi oko modi, “Ikani! Jiwinaga Elias migenagi nogatedicogi aneite.”

<sup>50</sup>Jesus naga dinigetagateetace me dapaawe, oada ja yeleo.

<sup>51</sup>Oada nagaca lipegetege nelegi ane nanyoti minitaga Aneotedogoji ligeladi ane iomagadi nigica aneite Aneotedogoji, nagaca lipegetege ja daawidigidicetigi liwigotigi icogotibigimece ditibigimedi negepaa natinedi me daa. Codaa datalale iigo, oada wetiadi dawalace. <sup>52</sup>Libecoli émagaga domoke, oada eliodi oko baanaga nigo anida aneetege Aneotedogoji ja newigatace. <sup>53</sup>Noditicoaci niginoalibecoli. Nigidiaagidi naga yewigatace Jesus, nigijoa émagaga ane

newigatace jogodakatiwece nigotaga Jerusalém, nigotaga Aneotedogoji ane iomagaditedice mepoka nebiteda. Odaa jogodinikeetio gli eliodi oko.

<sup>54</sup>Nigijo jajeentegi ijaagijoa niomagawadi anoyowie Jesus nogonadi me datalale iigo ijaagijoa eletidi loanico nigijo noko, odaa eliodi me doittibigiwaji, odaa modi, “Dicewi, nigidoa goneleegiwa me Lionigi Aneotedogoji!”

<sup>55</sup>Idiaagi eliodi iwaalepodi aneite Jesus, anoniotece, oicogoticogi Galiléia anelioditibece moyaxawa. Pida leegitioigi moigoaditalo.

<sup>56</sup>Liwigotigi nigijo iwaalepodi ani Maria Madalena, ajo eledi Maria ane eliodo Tiago ijaa José, ajaagajo eliodo lionigipi Zebedeu.

### Onaligitedini Jesus

*(Marcos 15.42-47; Lucas 23.50-56; João 19.38-42)*

<sup>57</sup>Nigijo naga doletibige me dalimeti aligege, jigicotio ica goneleegiwa liico liboonagadi José, ane icogoticogi nigotaga Arimatéia. Inaagina ane-diotibece Jesus. <sup>58</sup>José igo minitaga Pilatos, dipokota lolaadi Jesus. Odaa Pilatos ja diigenataka moyajigota. <sup>59</sup>Odaa José ja yadeegi Jesus lolaadi, ilipaditigi nigelate gela, lipegetege anodita nigitikonagadi. <sup>60</sup>Odaa ja ixotediwece Jesus nigijo anepaa domaga libegi José ane nenyagadi, lawimagajegi-wetiga, gela moigodi me diigenatakata José. Odaa ja yawililetio wetiga nelegi me noxoco lapoagi nigijo lawimagajegi-wetiga. Odaa jogopitio. <sup>61</sup>Idiaa nenyagate Maria Madalena ajaagajo eledi Maria. Nicotiniwace lodoe nigijo lawimagajegi-wetiga.

### Icoa iodagawadi anoyowie anonaligite Jesus

<sup>62</sup>Naga saabado, ja ixomagatijo onijoteci noko modinenyagaditege lalokegi Páscoa. Nigijo anoiige sacerdotitidi ijaagijoa fariseutedi jigigotibeci minitaga Pilatos. <sup>63</sup>Odaa modita, “Iniotagodi, nalagatibigogoji nigijo malee yewiga nigijoa awitakegi, meetedibece, ‘Nige ixomagatedijo itoatadigida nokododi, odaa ja idewigatace.’ <sup>64</sup>Odaa iigeni iodagawadi modowediteloco lawimagajegi-wetiga anoyatice lolaadi nigepaa ixomagatedijo itoatadigida nokododi, adogodoliceta nigijo anodiotibece lolaadi, oditaga oditioigi nigina noiigi, ‘Ja yewigatace!’ Igaataga dogoyakadi mowo, tigida eledi niwitakegi dagaxa me beyagi caticedi nigijo odoeegi niwitakegi mijaagee me yewigatace.” <sup>65</sup>Odaa Pilatos jegeetiogi, “Awii adeegitetiwaji iodagawadi. Emii, odaa adowetiteloco libegi, codaa awii nigica anenegegi akati mele me ganimawenegegi.” <sup>66</sup>Odaa jigigotibeci, jogoyatitagaditi nagajo wetiga ane noxoco nigijo lawimagajegi-wetiga, owo me digicata ane yakadi me itinege nagajo wetiga. Odaa jigidiaagoyoyate iodagawadi me nowienaganadi.

### Jesus yewigatace

*(Marcos 16.1-10; Lucas 24.1-12; João 20.1-10)*

**28** <sup>1</sup>Naga ixomagatijo saabado, ja yapacagatege nigoi me nakatio domiingo, Maria Madalena ajaagajo eledi Maria jigigotibeci odalita nigijo libegi Jesus. <sup>2</sup>Maleedigicotibeci, jonaga datalale iigo, leegodi niaanjo

Goniotagodi Aneotedogoji me dinikatini, oada ja nogatice nagajo wetiga nelegi ane noxoco nigijo lawimagajegi-wetiga aneitice lolaadi Jesus, oada ica aanjo ja nicoteloco nagajo wetiga. <sup>3</sup>Nigijo aanjo datale liciagi nalebepaga, icoa lowoodi one dagaxa me yapacaga. <sup>4</sup>Oada nigijoa nowienaganadi eliodi me doitibigiwaji, nawigicagateloco, oada ja liciagi nigina oko baanaga yeleo.

<sup>5</sup>Oada nigijo aanjo meetiogi nigijo iwaalepodi, nigicotiobeci, “Jinagadoii! Jowoogodi managi oleetibige Jesus, nigijoa anoyototedeloco nicanaganagate moyeloadi. <sup>6</sup>Agaleegicoa digoina, leegodi ja yewigatace, jigicota nigijo ane ligegi. Anagi, awini nigijo anoyatedice. <sup>7</sup>Natigide gadediiki memiitiwaji, enitiogi nigijo anodiotibece naga yewigatace, codaa jigigo dinewadetedicogi digoida nipodigi Galiléia. Oada jigidiaagi manatitetiwaji. Oada jigidaagee, jegejitece ijoatawece anetidiige me jelogodi.”

<sup>8</sup>Oada nigijo iwaalepodi ja yediigatibigiwaji me noditicoaci nigijo lawimagajegi-wetiga, eliodi me doitibigiwaji, pida nigidiaagidi ninitibigiwaji. Waleditibigiwaji migotibeci oibodicaxi nigijo anodiotibece Jesus.

<sup>9</sup>Oada naigitece codaa nogonidoateda Jesus naga dakapetetege nigijo iwaalepodi, oada ja nicetediniwace, meetediogi, “Inibeotege mele gadaalegenali!” Oada jogodiitalo, oibedotece logonaka, codaa odogetetalo.

<sup>10</sup>Oada Jesus jegeetediogi, “Jinaga adoitiwaji! Pida emii, oada enitiogi inioxoadipi migotibeci nipodigi Galiléia. Jigidiaagi metidadi.”

### Ica liwitakegi icoa iodagawadi

<sup>11</sup>Egidaa diiticogi mewaligitibigiwaji nigijo iwaalepodi, onatecigijoa nigijoa iodagawadi anoyowie nigijo lawimagajegi-wetiga jogopitibeci manitaga nigotaga. Oada jogoyelogoditiogi nigijo anoiige sacerdotitidi ijoatawece nigijoa anonadi. <sup>12</sup>Oada nigidiwa lacilodi jogodinatecogoteetege nigijoa laxokodi lacilodi judeutedi, odinilakidetete. Oada owidi dinyeelo oyajigotiogi nigijoa iodagawadi.

<sup>13</sup>Oada moditiogi, “Jemaanaga menitiwaji, ‘Nigijo anodiotibece enagitibeci jotigenoale naga jiotaga. Oada jogodoliceta lolaadi Jesus.’ <sup>14</sup>Oada nige wajipata niginoaga gadotaga nigijo lacilo romaanotedi, oada jaoga me diletibige me dagawii ane beyagi, oada aleeditibige dagakaami agecagalodipitetiwaji.”

<sup>15</sup>Oada nigijoa iodagawadi jogoyadeegi nigijoa dinyeelo owidi, oada jogodi nigijo nigege anoiigetitiogi nigijoa lacilodi. Oada nigida niwitakegi jigilaagiteloco iditawece judeutedi codaa nigina noko.

### Jesus dakapetetege nigijo oonze anodiotibece oada ja yajoitetece ane leeditibige mowote

*(Marcos 16.14-18; Lucas 24.36-49; João 20.19-23; Atos 1.6-8)*

<sup>16</sup>Oada nigijo oonze anodiotibece Jesus jigigotibeci nipodigi Galiléia, oada jogotota nigijo lojotagadi aneetediogi Jesus me dakapetetege.

<sup>17</sup>Nogonadi Jesus, oada jogodogetetalo. Pida ijoawaanigi onatecigijo ane dinawietibigiwaji mewi nigidaagidoa. <sup>18</sup>Oada Jesus nigipegitediogi,

meetediogi, “Aneotedogoji najigotediwa iigenatakanegegitema inoatawece, aninoa ditibigimedi codaa minatawece iigo. <sup>19</sup>Natigide, emiitecetiawaji inatawece noiigi, odaa aniigaxinitiniwace moniotici, codaa anilegenitiniwace nigina anetidadiwagadi. Abakeni Liboonagadi Aneotedogoji Godiodi, Liboonagadi Lionigi, iniaa Liwigo Aneotedogoji nigina milegenagani. <sup>20</sup>Iigaxinitece mowo inoatawece ane jiigetedagawa mawii. Codaa idioka limedi me idejo makaamitagatiwaji nigepaa owidijedi nokododi.”